

# শাক্যমুনিচরিত

ও

নির্বাণতত্ত্ব ।

---

প্রথম ভাগ ।

---

স্বর্গীয় সাধু অঘোরনাথ

প্রণীত ।

---

তদনুগ বন্ধু কর্তৃক সম্পাদিত ।

---

“বুদ্ধং জ্ঞানমনন্তং হি আকাশবিপুলং সমম্ ।  
ক্ষপয়েৎ কল্পভাষন্তো ন চ বুদ্ধাণক্ষয়ঃ ॥”  
ললিতবিস্তরঃ ।

---

বলিকাতা ।

বিধান যন্ত্রে শ্রীরামসর্বস্ব ভাচার্য্য কর্তৃক মুদ্রিত ও  
প্রকাশিত ।

১৮০৪ শক ।

# শাক্যমুনিচরিত

ও

## নির্বাণতত্ত্ব ।

প্রথম ভাগ ।

স্বর্গীয় সাধু অঘোরনাথ

প্রণীত ।

তদনুগ বন্ধু কর্তৃক সম্পাদিত ।

“বুদ্ধং জ্ঞানমনন্তং হি আকাশবিপুলং সমম্ ।  
ক্ষপয়েৎ কল্পভাষন্তো ন চ বুদ্ধাণক্ষয়ঃ ॥”  
ললিতবিস্তরঃ ।

## বলিকাতা ।

বিধান যন্ত্রে শ্রীরামসর্বস্ব ভাচার্য্য কর্তৃক মুদ্রিত ও  
প্রকাশিত ।

১৮০৪ শক ।

## পাঠকগণের প্রতি বিশেষ নিবেদন ।

স্বর্গগত ব্যক্তির কোন গ্রন্থ প্রচার করিবার যিনি ভার গ্রহণ করেন, তাঁহার গুরুতর দায়িত্ব । গ্রন্থকর্তা জীবিত থাকিলে মুদ্রাঙ্কন সময়ে যাহা ক্রুরিতেন, যিনি সম্পাদন করিবেন তাঁহার প্রতি সেই ভার নিপতিত হয় । গ্রন্থকর্তা যদি একবার মাত্র লিখিয়া গিয়া থাকেন আর দ্বিতীয়বার দেখিবার অবকাশ না পাইয়া থাকেন, তবে এ দায়িত্ব যে আরও কত গুরু হয় বলা যায় না । স্বর্গীয় সাধু অঘোর নাথ বিরচিত “ শাক্যমুনি চরিত ও নির্বাণ তত্ত্ব ” সম্বন্ধে এই শেষোক্ত অবস্থা ঘটিয়াছে । কাজেই যে সকল গ্রন্থ অবলম্বন করিয়া গ্রন্থখানি লিখিত হইয়াছে, তাহার সঙ্গে মিলাইয়া গ্রন্থ মুদ্রাঙ্কন করিতে হইতেছে । এই ব্যাপারে এবং অন্যান্য কারণে গ্রন্থ শীঘ্র প্রকাশ হইতে পারিল না । অনেকে গ্রন্থখানি দেখিতে ব্যাকুল হইয়াছেন, সম্পাদককে কার্যান্তরে স্থানান্তরিত হইতে হইতেছে, সুতরাং শাক্যের “ বৈরাগ্য ও নিষ্কামণ ” পর্য্যন্ত প্রথম খণ্ড বাহির করা গেল । অবলম্বিত গ্রন্থগুলির সঙ্গে মিলাইতে গিয়া কোথাও কোথাও কিছু ঠাড়াইয়াছে, কোথাও কোথাও কিছু সংশোধন করিতে হইয়াছে । ইহা দ্বারা গ্রন্থকারের ভাষা প্রণালী প্রভৃতির কিছুমাত্র ব্যতিক্রম হয় নাই । এখন

যে ভ্রম দৃষ্ট হইবে তাহা স্বর্গীয় সাধুর নহে, সম্পাদকের ।  
 মূলগ্রন্থের পাঠের ব্যতিক্রমে কোথাও ভুল রহিয়া গিয়াছে ।  
 • যেমন ৩৪ পৃষ্ঠার গাথায় “ আপায়শ্চ ” পাঠ থাকিতে অর্থ  
 “ জলসমূহ ” লিখিত হইয়াছে, বস্তুতঃ পাঠ “ অপায়শ্চ ”  
 অর্থ অপায় সমূহ হইবে । পাঠকগণের চক্ষে স্ফুট ভুল  
 বাহির হইলে যদি আমাদিগকে জানান, আমরা বাধিত  
 হইব ।

সম্পাদক ।

# শাক্যমুনিচরিত



রাজা শুদ্ধোদন ও মায়াদেবী ।

এই ভারত ভূমি অতি পুণ্য ভূমি ও অতি অপূর্ব স্থান । এখানে কত মহাত্মারাই জন্ম গ্রহণ করিয়া দেশকে পবিত্র করিয়া গিয়াছেন ; কত অমূল্য সত্য রত্ন দিয়া দেশকে সমৃদ্ধিশালী করিয়াছেন । যখন আৰ্য্যকুলতিলক ঋষিগণ মনোহর আশ্রমে উপবেশন করিয়া সমতানে সমস্বরে সেই আদিদেবদেবের স্তুতিবাদ করিতেন আর সামগানে তাঁহার মহিমা বর্ণন করিতেন, তখনকার কি অপূর্ব ভাব ছিল । সুরণে ও সুখোদয় হয়, যখন নৈমিষারণ্যে শ্বেতশ্রুধারী দীর্ঘকায় তেজঃপুঞ্জ শুদ্ধচেতা মুনিগণ ভগবদ্ভক্তিরস পান করিতে করিতে ভক্তিতত্ত্ব কাণ্ড্যা ও শ্রবণ করিতেন । তখনকার কি স্বর্গীয় ভাব, মনে হইলে চিত্ত তানন্দনীরে ভাসমান হয় । যখন ধ্যানস্তিমিতলোচন সমাধিস্থ ষোগিগণ

একান্তমীনে পৰ্ব্বতকন্দরে বা সরযুতটে ব্রহ্মধ্যানে মগ্ন হইয়া চিদানন্দ পুরুষের দর্শনে অপার যোগানন্দ সন্তোষ করিতেন, তখন ভারতের কি সুখের দিনই ছিল ভাবিলেও চিত্তে আনন্দ সঞ্চার হয় । কিন্তু কলি কালেতে সকলই বিলুপ্ত হইল । শেষ যখন ব্রাহ্মণ জাতির অত্যন্ত অহঙ্কারে মত্ত হইলেন, বৈদিক গুহ্য ক্রিয়াকলাপই ধর্মের সার করিয়া মানিতে লাগিলেন, ব্রহ্মদর্শন আত্মসংযম যোগ তপস্যা চিত্তশুদ্ধি দয়া দাক্ষিণ্যাদি আধ্যাত্মিক ধর্ম পরিত্যাগ করিয়া অসার যাগ যজ্ঞ পশুবধ প্রভৃতি ঘৃণিত হিংসাবৃত্তি চরিতার্থ করিবার জন্য বাস্ত হইলেন ; আপনারা পুরোহিত ও শ্রেষ্ঠজাতি বলিয়া জনসমাজের প্রতি অন্যায় আধিপত্য বিস্তার করিতে লাগিলেন ; ব্রাহ্মণ ব্যতীত অপর জাতিকে পদদলিত করিয়া কীট পতঙ্গের ন্যায় ব্যবহার করিতে প্রবৃত্ত হইলেন ; বিধাতারচিত সুন্দর মানবপ্রকৃতিকে তুচ্ছ করিয়া কেবল বেদের দোহাই দিয়া আপনাদের অতিপ্রায় সিদ্ধ করিতে যত্নবান হইলেন ; যখন ব্রাহ্মণদিগের স্বার্থপর জীবনের দ্বারা বাসনা, তৃষ্ণা, কামনা, নিষ্ঠুরতা ও স্বার্থপরতার ধর্মই হিন্দুসমাজে দিন দিন প্রচারিত হইতে লাগিল ; তৎকালে অসার ইন্দ্রিয়সুখভোগ ও বিলাস না করিয়া বরং ধর্ম সাধনের সঙ্গে সঙ্গে বৃদ্ধি পাইতে লাগিল, তখন সাধারণ জনগণ ধর্মার্থ, ব্রাহ্মণেরাই মনশ্চক্ষু দাতা,

ঊঁহার লোকদিগকে যে দিকে চালাইতেন লোকে সেই দিকেই চলিত, সুতরাং প্রাণহীন মৃত দেহের বেরূপ দুর্গতি হয় আর্ষাধর্মের তক্রপ দুর্বস্থা ঘটিল ; ভাবহীন কতকগুলি শুষ্ক অনুষ্ঠানে ধর্ম পরিণত হইল । বেদই সমুদায় জ্ঞানের চরম ; মানবের চিত্তে বেদ বহির্ভূত আর জ্ঞান নাই কর্তব্য বাও নাই এই মত দৃঢ় হইল । বাস্তবিক মানুষের স্বাধীনতা একেবারে বিলুপ্ত হইল । ঈশ্বরদত্ত সহজ জ্ঞান, বিবেক, বুদ্ধি ও প্রেম ভক্তির ক্রিয়া বন্ধ হইয়া গেল । বেদে বিশ্বাস না করিলেই নাস্তিকতা । তখন প্রতিগৃহস্থের গৃহে যজ্ঞার্থ অসংখ্য অসংখ্য পশু বধ হইতে লাগিল । বাস্তবিক তৎকালে ভারত সেই অপবিত্র রক্তপ্লাবনে প্লাবিত হইয়াছিল । ষরে ষরে সোমরসপান ও মাংসাহার প্রচুর পরিমাণে প্রচলিত হইল । যজ্ঞানুষ্ঠানের নামে আর্ষানরনারী বিলক্ষণ মদ্য মাংসেয় বশীভূত হইয়া আসুরিক ধর্মের আধিপত্য বিস্তার করিলেন । এই সময়ে আর্ষ্যবংশীয়েরা অত্যন্ত হীনাবস্থায় উপনীত হইয়া কলঙ্কের ধ্বজা উড়াইলেন । বিধাতার রাজ্যে একাদিক্রমে অনায়াস অত্যাচার আর কত কাল চলিতে পারে । মানবজীবন আর কত দিন অশেষ ক্লেশ সহ্য করিতে পারে । জনসমাজ আর কত কাল দুরাচারী পাপভারাক্রান্ত লোকদিগকে বহন করিয়া বহুনাভোগ করিতে সক্ষম । যিসি ভুবনবিজয়ী বিশ্ববিধাতা, তিনি নিয়ত জাগ্রৎ থাকিয়া এই মানবজীবনের পরিচালক

হইয়া স্থিতি করিতেছেন ; তিনি মানব মানবীর আধ্যাত্মিক গতি ও লক্ষ্য নির্দিষ্ট করিয়া যুগে যুগে কত প্রকার লীলা প্রদর্শন করিয়াছেন ; তিনি যে সকলের মজ্জা ও অস্থিগত হইয়া বিরাজ করিতেছেন । তিনি কি আর ভারতের এরূপ অবস্থা দেখিয়া উদাসীন থাকিতে পারেন ?

বস্তুতঃ যে ধর্মের আশ্রয়ে থাকিলে মনুষ্যের সমুদায় হৃৎকের অবসান হয়, অন্তরে শান্তিসমীরণ সঞ্চারিত হইতে থাকে, হস্ত দয়াতে দ্রবীভূত হইয়া কেবল পরসেবাতে নিযুক্ত হয়, আত্মমুখ বিসর্জন দিয়া মানবনিচয়ের সুখে সুখী হয়, সেই ধর্মের আশ্রয়ে থাকিয়া কি না তখনকার আর্য্যগণ ঘোর মায়াতে বদ্ধ হইয়া পড়িলেন ; অধর্ম, পাপ, নিষ্ঠুরতা, অহঙ্কার, অত্যাচার করিতে বিন্দু মাত্র কুণ্ঠিত হইলেন না । এ সকল দূর করিবার জন্য স্বয়ং বিধাতাই নিরন্ত প্রস্তুত রহিয়াছেন । এই সময়ে বাস্তবিক একটা ধর্মবিপ্লব প্রয়োজন হইয়া পড়িল । জনসমাজের দূষিত দুর্গন্ধ বায়ু বিগ্ৰহীকৃত করিবার জন্য এক বজ্রনম মহাতেজস্বী পুরুষের আবির্ভাব নিতান্তই আবশ্যক হইয়া পড়িল । জনসমাজ বিশৃঙ্খল, ঘোর বিপদাক্রান্ত, ব্রাহ্মণেরা যাহা ইচ্ছা তাহাই করিতে লাগিলেন । অধর্ম, বোধাবোধ, কাণ্ডাকাণ্ড পরিত্যাগ পূর্বক স্বেচ্ছাপ্রবৃত্ত হইয়া নিজ ইচ্ছাসাধনে যত্ববান হইলেন, শাস্ত্রীয় মর্ম পরিবর্তিত করিয়া দিয়া



স্বীয় অভিপ্রায়ানুযায়ী উৎসার ব্যাধা করিতে লাগিলেন । এই বিপ্লব দূর করিবার জন্য মহাশক্তিশালী শাক্য ভারতে অবতীর্ণ হইলেন । শাক্য যথার্থ অগ্নিময় তেজোময় জীবন লইয়া তৎকালে উপস্থিত হন । তিনি অন্ধকারের মধ্যে প্রকাণ্ড আলোক, মৃত্যুর মধ্যে জীবন, অসাড়তার মধ্যে অনুপম অলৌকিক তেজ । তিনি বিলাসের মধ্যে পরম বৈরাগ্য, আসক্তির মধ্যে পরম নির্বাণ, মিষ্টরত্নের মধ্যে বিপুল দয়া, অহঙ্কার ও আত্মস্তুতির মধ্যে বিনয় ও আত্মবিশ্বাসরূপে অবতীর্ণ হইয়া প্রতিবাদ করিতে আসিলেন । তিনি জ্বলন্ত অগ্নি, ইনি সাক্ষাৎ মহাশক্তি, ইনি জীবের নিকট প্রত্যক্ষ দয়ার অবতার ।

নেপালের পার্বত্য প্রদেশের সন্নিকট রোহিণী নদী তীরে কপিল বস্তু \* নগর সংস্থাপিত । ঐ নগর কাশীর উত্তর পূর্ব ৫০ ক্রোশ দূরে গোরক্ষপুরের নিকটবর্তী । শুক্লোদন নামে এক পরম ন্যায়বান্ রাজা তথায় বাস করিতেন । তিনি পবিত্র ভোজন করিতেন বলিয়া শুক্লোদন নামে আখ্যাত হইয়াছিলেন । কিন্তু রাজা শুক্লোদন শাক্যবংশসম্বৃত । শাক্য কোন আভিধানিক শব্দ নহে । ইক্ষ্বাকুবংশ হইতেই শাক্যনামাকরণ হয় । কথিত আছে যে ইক্ষ্বাকুবংশের কোন পূর্ব পুরুষ পিতৃশাসৈ আক্রান্ত হইয়া গৌতমবংশীয়

\* বর্তমান নাম কোহানা ।

কপিল নামক মুনির আশ্রমে গিয়া লুক্কায়িত ভাবে শাক (শেগুন) বৃক্ষে বাস করিয়াছিলেন । তদবধি শাক্য নামে ঐ বংশ অভিহিত হয় । বোধ হয় এই কারণেই বোধিসত্ত্বের নাম শাক্যসিংহ হইয়াছে অর্থাৎ শাক্য বংশের শ্রেষ্ঠ । যাহা হউক রাজা শুক্লোদন ধর্ম ও ন্যায়পরতার সহিত রাজ্য কার্য সম্পাদন করিতেন । তাঁহার রাজ্যে প্রজারা অপূর্ব সুখে কাল যাপন করিত, কোন প্রকার দৌরাভ্যা বা অত্যাচার সহ্য করিতে হইত না । রাজা বাস্তবিক অমায়িক দয়ালু ও দরিদ্রপোষক ছিলেন । তাঁহার রাজ্যে দীন হুঃখীরা ক্রেশ পাইত না । সকলেই সন্তুষ্টচিত্ত ও পূর্ণমনোরথ । ললিতবিস্তরের তৃতীয় অধ্যায়ে রাজা শুক্লোদন ও রাজমহিষী মায়া দেবীর চরিত্র যেক্রমে বর্ণিত হইয়াছে তাহা সর্বদোষশূন্য বলিয়া বোধ হয় । আমরা তাহার কিয়দংশ এস্থলে উদ্ধৃত করিয়া দিলাম ।

রাজা শুক্লোদন “ নাতিবৃদ্ধোনাতিতরুণোহতিক্রপঃ সর্ব-  
 গুণোপেতঃ শিল্পজ্ঞঃ কালজ্ঞ আত্মজ্ঞো ধর্মজ্ঞস্তত্ত্বজ্ঞো  
 লোকজ্ঞো লক্ষণজ্ঞো ধর্মরাজো ধর্মোণানুশাস্তা ।” বাস্ত-  
 বিক তিনি অতি বৃদ্ধও নহেন অতি যুবাও নহেন অর্থাৎ  
 প্রৌঢ়াবস্থার লোক ছিলেন । এ দিকে প্রিয়দর্শন ও  
 রূপবান্ পুরুষ বলিয়া পরিচিষ্ট । রাজা সর্বগুণাবিত্ত  
 ও শিল্প শাস্ত্রে বিশেষ পারদর্শী ছিলেন । তিনি সময়ো-  
 চিত ব্যবহার বিলক্ষণরূপ জানিতেন, আত্মপরিচয়

বেশ রাধিতেন । ধর্ম্ম ও বিবিধ তত্ত্ব সুন্দররূপে অবগত ছিলেন । মানবচরিত্রও বেশ বুঝিতে পারিতেন । লক্ষণা-লক্ষণ তাঁহার বিদিত ছিল । তিনি ধর্ম্মরাজ, ধর্ম্মানুযায়ী রাজ্য শাসন করিতেন । রাজার ধর্ম্মপত্নী মায়াদেবী অনু-রূপা রাজ্ঞী ছিলেন । তিনিও অতি সুরূপা আলেখ্য-বিচিত্রদর্শনীয় সত্যবাদিনী মৃদুভাষিণী । কদাপি দাস দাসী ও আত্মীয় স্বজনের প্রতি ককর্শ বা পরুষবাক্য প্রয়োগ করিতেন না । তাঁহার প্রকৃতি অতি শান্ত ও ধীর ছিল, তিনি স্তম্ভাবতঃ অচপলা ছিলেন । মায়াদেবীর কথা বড় মধুর ছিল, তাঁহার স্বরও খুব মিষ্ট ছিল । নারী-জাতির মধ্যে অনেকেই অসঙ্গত প্রলাপ বাক্যে দিন যাপন করিয়া থাকেন কিন্তু রাজমহিষী বড় প্রলাপ বাক্য কহিতেন না । তিনি অতিশয় লজ্জাবতী মেহশীলা ছিলেন । রাজঘরণী বলিয়া বিন্দুমাত্র অভিমান করিতেন না । তাঁহার চরিত্রে কেহ কখনই ঈর্ষা দেখিতে পায় নাই । ইনি একান্ত পতিব্রতা ছিলেন, লোকের প্রতি সর্ব্বদা প্রসন্ন থাকিতেন, দাস দাসী ও আত্মীয় স্বজনেরা কোন প্রকার অপরাধ বা অন্যায় কার্য্য করিলে অপ্রসন্ন হইয়া ক্রোধ প্রকাশ করিতেন না । রাজ্ঞীর স্বভাব অতি সরল ছিল । তিনি শঠতা বা কুটিলতা কিছুমাত্র জানিতেন না । মায়াদেবী কদাপি মুখরা বা প্রগল্ভা নারী বলিয়া অহুঃপুরচারিণীদিগের নিকটে পরিচিতা ছিলেন না ।

কথিত আছে যে শাক্য জন্মপরিগ্রহ করিবার পূর্বে এইরূপ  
এক দৈববাণী হয় ।

“ ন রাগরক্তা ন চ দোষহৃষ্টা শঙ্কামৃদুমা ধজুস্বিক্কাবাক্যা ।  
অকর্কশা চাপরুষা চ সৌম্যা স্মিতামুখা ( ১ ) সা ভূকুটী  
প্রহীণা ॥

হ্রীণা হ্যপত্রাপিণী ধর্মচারিণী নির্মাণ অন্তরু ( ২ )  
অচক্কালা চ ।

অনীর্ষুকা চাপাশঠা অমায়া ত্যাগানুরক্তা সহমৈত্রচিত্তা ॥  
কর্মেক্ষণা মিথ্যাপ্রয়োগহীনা ( ৩ ) সতো স্মিতা

কারমনঃসুসংবৃত্তা ।

স্বীদোষজালং ভুবি যৎ প্রভূতং সর্কং ততোহম্যাঃ ( ৪ )  
ধনু নৈব বিদ্যাতে ॥

ন বিদ্যাতে কন্যা মনুষ্যালোকে গন্ধর্বলোকে হৃৎ চ  
দেবলোকে ।

মায়ায়দেবীয়ে সমাকৃতাক্ষরী প্রতিক্রপ ( ৫ ) সার্বৈকজননী  
মহর্ষেঃ ॥

জাতীশতাং পঞ্চমনুনকারি মা বোধিসত্তমা বভূব মাতা ।  
পিতা চ শুক্লোদন ( ৬ ) তত্র তত্র প্রতিক্রপ ( ৭ ) তস্মাজ্জ-  
ননী শুগান্বিতা ॥

( ১ ) স্মিতমুখী । ( ২ ) নির্মাণ অন্তরু ।

( ৩ ) মিথ্যাপ্রয়োগহীনা । ( ৪ ) তৎসর্কমম্যাঃ ।

( ৫ ) মায়ায়দেবীয়া সমীকৃতাক্ষরী প্রতিক্রপা ।

( ৬ ) শুক্লোদনস্তত্র । ( ৭ ) প্রতিক্রপা ।

ঐতিহ্যে স্থিত। তিষ্ঠতি তাপসীব ব্রতানুচারী (৮) সহ ধর্মচারিণী ।

রাজ্ঞাত্যনুজ্ঞাতবরপ্রলক্কা দ্বাত্রিংশমাসা ন কামং সেবতি (৯) ॥

শাক্য ঈদৃশী জননীর্ গর্ভে ও এইরূপ পিতার ঔরসে জন্মগ্রহণ করিবেন বলিয়া উক্তরূপে উভয়ের চরিত বর্ণিত হইয়াছে। বৌদ্ধেরা বলেন যে সিদ্ধার্থ অন্য বংশ পরিত্যাগ করিয়া কেবল শাক্যবংশকেই মনোনীত করিলেন কেন ? ললিতবিস্তরে লিখিত হইয়াছে যে তিনি জম্বুদ্বীপের ১৮ স্থান ও ১৮ কুল অন্বেষণ করিয়া পরিশেষে শাক্যকুলকেই নির্দোষ বলিয়া মনোনীত করিয়াছিলেন। " পাণ্ডবকুল-প্রসূতৈঃ কৌরববংশোহতিব্যাকুলীকৃতো যুধিষ্ঠিরো ধর্ম্মস্য পুত্র ইতি কথয়তি ভীমসেনো বারোরজ্জুন ইন্দ্রস্য নকুল সহদেবাবধিনোরিতি" পাণ্ডবেরাও কুরুদিগকে ব্যাকুল করিয়া ছিলেন এবং তাঁহারা জারজ, অতএব এ কুলে মহৎ দোষ লক্ষিত হইতেছে। কেবলমাত্র শাক্যবংশই নির্দোষ।

এদিকে শ্রাবস্তি প্রদেশের রাজা শুক্লোদনের যশ মান চারি দিকে প্রচারিত হইল, তিনি নিকটবর্ত্তী ক্ষুদ্র রাজ-গণের নিকট বিশেষ আদরণীয় ও গৌরবান্বিত হইলেন, তিনি বলবীর্য্যেও অদ্বিতীয় ছিলেন। তাঁর সুধসমৃদ্ধির অপ্রতুল ছিল না, দাসদাসী, প্রভূত ও ক্ষমতারও অভাব

( ৮ ) ব্রতানুচারিণী ।

( ৯ ) দ্বাত্রিংশমাসা ন কামং সেবতে ।

ছিল না, ইন্দ্রিয়সুখসেবা বস্তুরও অনাটন ছিল না, কিন্তু তথাপি তাঁহার চিত্তের প্রসন্নতা কোথায়? পুত্র না হওয়াতে পুণ্যম নরক হইতে উদ্ধার পাইবার আশা নাই রাজার ও রাজমহিষীর মনে এই চিন্তাই অতিশয় প্রবল হইয়া উঠিল। রাজা শুক্লাদনের দুই স্ত্রী, যারা ও যশোধরা; কিন্তু উভয়েই পুত্রহীনা। এত বয়সে উভয়ের সন্তান হইল না দেখিয়া রাজ্ঞী ও তাঁহার আর দুঃখের অবধি রহিল না।

পুত্রের চন্দ্রানন নিরীক্ষণ করিতে না পারায় রাজকুল ঘন বিষাদে আচ্ছন্ন হইল। এদিকে রাজ্ঞীও প্রায় তখন বর্ষিয়সী হইয়াছেন। তাঁহার চতুশ্চত্বারিংশ বৎসর অতীত হইয়া আসিল, স্মৃতরাং সন্তান হইবার সম্ভাবনা হ্রাস হইতে লাগিল। এত বয়সে আর প্রসবের সম্ভাবনা থাকে না এই লইয়া সখীগণ কাণাকানি করিতে লাগিল। একদা মারা দেবী স্নানান্তে নানাভরণভূষিতা অমূল্যপুগাত্রা সুনীলবস্ত্র-পরিধায়িনী ও অনেক সখীগণ দ্বারা পরিবৃত্তা হইয়া রাজা শুক্লাদনের সঙ্গীতিপ্রাসাদে উপস্থিত হইলেন। তথায় তিনি রাজার দক্ষিণ পার্শ্বে রত্নজালখচিত ভদ্রাসনে উপবিষ্ট হইয়া ঈষৎ হাস্য করিয়া রাজাকে এই গাথা বলিলেন, “হে সাধো, হে পার্থিব, হে ধর্মপাল, আমি আপনার নিকট হইতে এক ভিক্ষা চাই, হে রাজন্ অদ্য আপনি আমার সেই বর দান করুন। আপনি অতুল্যত, প্রীতমনা

হইয়া হৃদয় মনের হর্ষবর্জক অভিপ্রায়ও আমার নিকট শ্রবণ  
করুন । দেখুন আমি সমুদায় জগদ্বাসীর প্রতি মৈত্রিচিত্তা  
এবং অষ্টাঙ্গ পোষণ করে এমন দেবব্রতশীল বরোপবাসও  
গ্রহণ করিয়াছি । আমি প্রাণী হিংসা করি না, সদা  
শুভ্রভাব পোষণ করিয়া থাকি, আত্মবৎ অপরকেও প্রেম  
করিয়া থাকি । আমার মন স্ত্রীমূলভ দোষ বিবর্জিত,  
আমাতে প্রমত্ততা বা লোভ নাই, হে রাজন্ আমি কামনার  
বিষয় লইয়া মিথ্যাচরণ করিব না । আমি সত্য পালন  
করিয়া থাকি, লোকের ঐশ্বর্যাদি দেখিলে কাতর হই  
না, কখন কঠোর কথা বলি না, আমি অশুভ সন্ধান  
প্রলাপ করিব না । আমার পরদোষানুসন্ধান দোষ ও  
নাই, মোহমদবিহীনও হইয়াছি, সকল প্রকার অবিদ্যা  
আমাতে আর স্থান পায় না । এখন স্বধনেই পরিতুষ্টা থাকি ।  
নিরত সমাহিত এবং কপটচারণ ও ঈর্ষ্যাবর্জিত হইয়া এই  
দশ প্রকার শুভ কর্ম আচরণ করিব । অতএব হে নরেন্দ্র  
আপনি আর আমার প্রতি ইঞ্জিয়াসক্র চিত্ত রাখিবেন না \* ।  
এইরূপে নানা কথা বলিয়া তিনি সেই প্রমোদ প্রাসাদোপরি  
সখী গণ সহ শয়ন করিয়া রহিলেন । মহাপুরুষগণের জন্ম  
স্বভাব প্রায় অলৌকিকভাবে বর্ণিত হইয়া থাকে ।  
বিশ্ববিধাতার স্বাভাবিক নিয়মে সাধারণ মানবের যেরূপ  
উৎপত্তি হয়, ধর্মপ্রবর্তক ভগবন্তদিগেরও জন্ম সেই

\* ললিতবিস্তর পঞ্চম অধ্যায় ।

নিয়মে হয়, জীবনালেখা লেখকেরা সেইরূপ কারণ নির্দেশ না করিয়া কিছু কবিত্ব প্রকাশ করিয়া থাকেন; কিন্তু তাহা সম্পূর্ণ অমূলকও নহে। ঐ কবিত্বের মধ্যে কিছু গূঢ় আধ্যাত্মিক ভাব নিহিত থাকে। কারণ তাঁহারা নাকি বিশেষ অভিপ্রায় সাধনের জন্য জগতে প্রেরিত হন এবং সেই অভিপ্রায়সাধনের উপযোগিনী বিশেষ ঐশীশক্তি তাঁহাদের আত্মাতে নিহিত থাকে। বিধাতা স্বয়ং তাঁহাদের আত্মাতে ঐ শক্তি সঞ্চারিত করেন, সুতরাং তাঁহাদের শারীরিক জন্ম সামান্য মনে করিয়া লেখকগণ তাঁহাদের আধ্যাত্মিক জন্মই বিশেষরূপে বর্ণন করিয়া থাকেন। বুদ্ধদেব “বহুজনহিতায় বহুজন সুখায়” স্রবনীমণ্ডলে অবতীর্ণ হইলেন। দয়া ও নিৰ্বাণ অর্থাৎ শান্তি শিক্ষা দিবার জন্য শাক্যের আগমন প্রতীত হইয়াছিল। সুতরাং তাঁহার জন্ম কবিত্বের আম্পাদ হইবে বিদিত কি? যাহা হউক শাক্যমুনির জন্ম বিষয়ে ললিত-বিস্তরে অনেক অলৌকিক ব্যাপার বিবৃত হইয়াছে। যখন মায়াদেবী প্রমোদপ্রসাদের উপরি ভাগে সখীগণ সহ শয়ন করিয়াছিলেন তখন এই অপূর্ব স্বপ্ন দেখিয়াছিলেন।

“হিমরজতনিভশ্চ ষড়বিধাণঃ সুচরণ চাক্রভূজঃ সুরভ্রুশীর্ষা ।  
উদরমুপগতো গজপ্রধানো ঋতিগতিদৃঢ়বজ্রগাত্রসন্ধিঃ ॥  
ন চ মম সুখ জাতু এব রূপং দৃষ্টমপি শ্রুতং নাপি চানুভূতং ।  
কায়সুখচিত্তসৌখ্যভাবা- যথরিবধ্যান সমাহিতা অভুবম্ ॥”



তুষার বা বজ্রতের ন্যায় শ্বেতবর্ণ, ছয়টি দন্তযুক্ত, মনোজ্ঞ কর, সুন্দরচরণ ও সুরক্ত শীর্ষদেশ বিশিষ্ট, গাত্রসক্লিসকল বজ্রসম সুদৃঢ়, একটি গজশ্রেষ্ঠ মনোহর গতিতে তাঁহার উদরে প্রবেশ করিল। তৎকালে তাঁহার কিরূপ সুখোদয় হইয়াছিল তাহা বর্ণনাভীত। যেন সমাধির অবস্থার সুখ ভোগ করিতেছেন এইরূপ প্রতীত হইয়াছিল। ভাবিলেন, একি কখনত আমার এরূপ সুখ হয় নাই, এরূপ অপূর্ব রূপত কখন দেখি নাই, শুনি নাই ও অনুভব করি নাই। ধ্যানসমাহিত ব্যক্তির যেরূপ শরীর মনে সুখ হয় এ যে তেমনি সুখ +। এই স্বপ্ন দর্শনে রাজ্যের নিদ্রা ভঙ্গ হইল, অপূর্ব আনন্দে তাঁহার চিত্ত উদ্বেলিত হইয়া উঠিল। আহ্লাদে আর প্রতীক্ষা করিতে না পারিয়া বিগলিতভূষণবসনপ্রায় হইয়া সখীগণ সহ প্রাসাদের শিখরদেশ হইতে অবতীর্ণ হইলেন এবং অশোকবনিকা নামক স্থলে উপবিষ্ট হইয়া রাজার নিকট এক দূত পাঠাইয়া দিলেন। দূত গিয়া স্বপ্ন বৃত্তান্ত জানাইল। বলিল মহারাজ শীঘ্র আসুন, দেবী আপনাকে দেখিতে অভিলাষ করিতেছেন।

রাজা দূতের প্রমুখাৎ এই আনন্দের কথা শ্রবণ করিয়া আহ্লাদে কম্পিতকলেবর হইয়া অমাত্যগণ সহ যথায়

রাজমহিষী উপবিষ্টা ছিলেন তথায় গিয়া উপস্থিত হইলেন । রাজ্ঞীকে সহাস্য দেখিয়া রাজার মনে আর আনন্দ ধরে না । তখনই গণক ডাকিয়া পাঠাইলেন এবং তাহাদিগকে এই বৃত্তান্ত জিজ্ঞাসা করাতে তাহারা উত্তর করিল, মহারাজ, সকল প্রাণীর হিতকারী আপনার এক রাজচক্রবর্তী পুত্র জন্মিবে । তখন আবার রাজা শুক্লোদনের নিকট এইরূপ দৈববাণী হইল ।

“তুষ্টিতপুরি চ্যবিদ্ভা বোধিসত্ত্বো মহাত্মা

নৃপতি তব স্মৃতত্বং মারাকুক্ষোপপন্নঃ ।”

হে নৃপতি, [ কোন শঙ্কার কারণ নাই ] মহাত্মা বোধিসত্ত্ব তুষ্টিত পুর পরিত্যাগ করিয়া আপনার পুত্র হইয়া জন্ম গ্রহণ করিবেন বলিয়া মায়াদেবীতে উপপন্ন হইরাছেন । যাহা হউক, রাজ্ঞীর গর্ভসঞ্চার হওয়াতে রাজা প্রফুল্লচিত্ত হইলেন, অন্তঃপুরচারিণীরা নানাবিধ মঙ্গলধ্বনি করিতে লাগিলেন । এই শুভবার্ত্তাশ্রবণে নাগরিক জনগণ ও প্রজাবর্গ আনন্দোৎসব করিতে লাগিল, বাস্তবিক কপিলবস্ত্র নগরে আনন্দের রোল উঠিল । রাজাও এই অবকাশে ব্রাহ্মণদিগকে বিবিধ প্রকার মিষ্টান্ন ও বস্ত্র দান করিতে লাগিলেন । এ দিকে কপিলবস্ত্র নগরের চারি শৃঙ্গদ্বারে দানের বিশেষ ব্যবস্থা হইল, বোধিসত্ত্বের পূজার্থ এই সকল বস্ত্র বিতরিত হইতে লাগিল । রাজা অনার্থীদিগকে অন্ন, পানার্থীদিগকে পানীয়, বস্ত্রার্থীদিগকে বস্ত্র,

যানার্থীদিগকে ঘোটকাদি বিতরণ করিয়া চিত্ত প্রসন্ন করিলেন । বুদ্ধ বয়সে সম্ভান সম্ভাবিত হইল বলিয়া রাজা ও রাজমহিষী যে কি পর্য্যন্ত পুলকিত হইলেন তাহা আর বর্ণনার বিষয় নহে ।

### বৌদ্ধধর্মের বিস্তার ।

বৌদ্ধ ধর্ম অত্যন্ত প্রাচীন । ইহা যে শাক্য সিংহ হইতে প্রচলিত হইয়াছে তাহা নহে, কিন্তু ইহার পূর্বেও ঐ ধর্মের নামোল্লেখ দেখিতে পাওয়া যায় । বাঙ্গালীকি রামায়ণের অযোধ্যাকাণ্ডে লিখিত হইয়াছে যে ;—

“ যথা হি চোরঃ সতথা হি বুদ্ধ  
স্তথাগতং নাস্তিকমত্র বিদ্ধি ।  
তস্মাদ্ধি যঃ শক্যতমঃ প্রজানাৎ  
সনাস্তিকে নাভিমুখো বুদ্ধঃ স্যাৎ ॥”

চোর যেমন দণ্ডনীয়, বুদ্ধ ও নাস্তিকও তেমনি দণ্ডনীয় জানিবে । অতএব প্রজাগণের হিতের জন্য দণ্ডার্থ-ব্যক্তিকে দণ্ড করিতে হইবে । পণ্ডিত ব্যক্তি নাস্তিক সহ সম্ভাষণাও করিবেন না \* । মহাভারতের ভীষ্মপর্বেও বৌদ্ধ-

\* বৌদ্ধাদয়ো রাজশ্চৌরবদন্ত্যা ইত্যাহ যথা হীতি ।  
বুদ্ধো বুদ্ধমতানুসারী তথা চৌরবদন্ত্য ইতি হি প্রসিদ্ধং  
নাস্তিকং চার্বাকং তথাগতং তৎসদৃশং চৌরবদন্ত্যাং বিদ্ধি ।  
নাস্তিকবিশেষস্তথাগতঃ তমপি চৌরবদন্ত্যামিতি শেষ

ধর্মের নাম আছে । শ্রীমদ্ভাগবতের কোন কোন স্থানে বুদ্ধাবতারের উল্লেখ দেখিতে পাওয়া যায় । ইহা ব্যতীত বায়ু ও ককী পুরাণ প্রভৃতিতে বুদ্ধাবতার ও বৌদ্ধধর্মের বিষয় লিখিত হইয়াছে । ফলতঃ বৌদ্ধধর্ম মহাতপস্বী সিদ্ধার্থ শাক্য মুনির পূর্বেও অতি প্রাচীনকাল হইতে লোকে প্রসিদ্ধ ছিল । অতএব বৌদ্ধধর্ম যে আধুনিক নহে প্রত্যুত অতি পুরাতন তাহাতে আর সন্দেহ নাই । কিন্তু পূর্ক-কাল হইতে বৌদ্ধদিগকে শাস্ত্রকারেরা নাস্তিকের ন্যায় অস্পৃশ্য জ্ঞান করিয়া আসিতেছেন, নিতান্ত অশ্রদ্ধাচারী বলিয়া তাঁহাদিগের সঙ্গে ব্যবহার করিতেন । প্রাচীন অভিধানপ্রণেতা অমর সিংহ ও হেমচন্দ্র প্রভৃতি গ্রন্থকা-রেরা স্বীয় গ্রন্থে বুদ্ধের নাম সন্নিবিষ্ট করিয়াছেন । অনেক অনুমান করেন যে তাঁহারাও এক কালে বৌদ্ধ ছিলেন । বাস্তবিক তৎকালে বিবিধ গ্রন্থকার বৌদ্ধধর্মের অনুসরণ করিতেন । “ধর্মকেতুঃ শ্বেতকেতুঃ ইত্যাদি স্থলে বিষ্ণুর নামাবলির সঙ্গে ইহারও নাম দিয়াছেন । ধর্মকেতু, শ্বেতকেতু,

---

ইত্যন্যে, বেদপ্রামাণ্যাপহৃত্বেন তেষামপি চোরভাংহি নিশ্চয়েন তস্যাং প্রজানামনুগ্রহায় রাজ্ঞা চোরবদেব দণ্ডয়িতুং শক্যতমোযঃ সচোরবদণ্ড্যঃ । দণ্ডযোগো তু বুদ্ধো ব্রাহ্মণো নাস্তিকে অভিযুথো ন স্যাৎ, তৎসম্ভাষণাদি ন কুর্বাতেত্যর্থঃ । তুলান্যারাদণ্ডাসমর্থো ব্রাহ্মণোপি তদ্বিমুখঃ স্যাদিতি স্মৃতিতম্ । টী।

ধজিং, মহাবোধী, পঞ্চজ্ঞান, মহামুনি, সৰ্বদর্শী, মহাবল, বহুক্ষণ, ত্রিমূর্তি, সিদ্ধার্থ, শাক্য, সৰ্বার্থসিদ্ধি, অর্কবন্ধু, মায়া-দেবীসুত, গৌতম, শৌক্লোদনি । হেমচন্দ্র আটটি নাম উল্লেখ করিয়াছেন ;—শাক্যসিং হ, অর্কবান্ধব, রাহুলেশ্ব, সৰ্বার্থসিদ্ধ, গৌতমাস্বয়, মায়াসুত, শুক্লোদনসুত ও দেবদত্তাপ্রজ । কলী ও গণেশ পুরাণেও বৌদ্ধধর্মের বিবরণ দেখিতে পাওয়া যায় । বাহা হউক বৌদ্ধধর্মের পুরাতনত্ব প্রতিপাদন করিবার জন্য আর বিশেষ প্রয়াস পাইবার প্রয়োজন নাই চিন্তাশীল ব্যক্তিমাঝে ইহা অনায়াসে বুঝিতে পারেন । শাক্যসিংহ হইতেই এই ধর্মের বিশেষ প্রচার ও স্থাপনা হয়, কিন্তু বুদ্ধের শিষ্যগণ বলেন তথাগত শেষ সপ্তম বুদ্ধ । ইহার পূর্বে আরও ৫৫ জন বুদ্ধ পর্যায়ক্রমে জন্মগ্রহণ করিয়াছিলেন \* । তন্মধ্যে শত্ৰু পুরাণ হইতে শেষ ছয় বুদ্ধের

---

\* ললিতবিস্তরের প্রথম অধ্যায়ে দেখিতে পাওয়া যায়—যথা “অপ্রমাণবুদ্ধধর্মনির্দেশঃ পূর্বকৈরপি তথাগতৈর্ভাষিতং পূর্বে ।” পূর্বতন তথাগত বুদ্ধগণ যে বুদ্ধধর্ম প্রচার করিয়াছিলেন পুনরায় তাহাই আপনি এই ললিত বিস্তরে নিজধর্ম প্রকাশ করুন । সেই পূর্বতন তথাগত পদ্মোত্তর, ধর্মকেতু, দীপঙ্কর, গুণকেতু, মহাকর, ঋষিদেব, শ্রীতেজা, সত্যকেতু, বজ্রসংহত, সর্বাভিভূ, হেমবর্ণ, অত্যাচ্চগামী, প্রবাতসার, পুষ্পকেতু, বররূপ, সুলোচন, ঋষিগুপ্ত, জিনবক্ত, উন্নত, পুষ্পিত, উর্নীতেজা, পুষ্কর, সুরশি, মঙ্গল, সুদর্শন, মহাসিংহতেজা, স্থিতবুদ্ধিদত্ত, বসন্ত-

সামান্য বিবরণ পাওয়া যায়, সংক্ষেপে তাহা প্রকাশ করা যাইতেছে। শত্ৰুপুরাণ নেপালস্থ বুদ্ধেরাই সমাদর করিয়া থাকেন, তাহার অধিকাংশ কেবল অলৌকিক অমার গল্পে পরিপূর্ণ। সুতরাং তৎসমস্তই প্রকৃত ইতিহাস বলিয়া কোনক্রমেই গ্রহণ করা যাইতে পারে না। তবে সত্যদর্শী সারগ্রাহী লোকেয়া কণ্টকবন হইতেও জীবের চিত্তকারী ঔষধলতা আহরণ করিতে কুণ্ঠিত হইবেন না। কথিত আছে যে পূর্বে নেপাল অগাধ জলরাশিপূর্ণ গোলাকার মাত্র ছিল। ইহার পার্শ্বস্থ পর্বতরাজি ঘননিবিড় অরণ্যানী সমাচ্ছাদিত। তথায় নানাবিধ পশু পক্ষী আনন্দে বিচরণ করিয়া সুখে বিহার করিত, স্থানে স্থানে অতি মনোহর নির্ঝর সকল মধুর স্বরে প্রবাহিত হইয়া বিভূ গুণগানে প্রকৃতিকে সতত আহ্বান করিত। এই জলরাশিপূর্ণ বৃত্তটির নাম নাগবাস হ্রদ ছিল। ইহা হিমাচলের দক্ষিণাংশে অবস্থিত। ঐ প্রদেশে নাগাধিপতি কর্কোতক অধিবাস করিতেন। ঐ হ্রদে

---

গন্ধি, সত্যধর্মবিপুলকীর্তি, তিষা, পুষা, লোকসুন্দর, বিস্তীর্ণভেদ, রত্নকীর্তি, উগ্রতেজা, ব্রহ্মতেজা, সুঘোষ, সুপুষা, সুমনোজ্জঘোষ, সুচেষ্টরূপ, প্রহসিতনেত্র, গুণরাশি, মেঘস্বর, সুন্দরবর্ণ, আয়ুস্তুজা, সলীলগজগামী, লোকাভিলাষিত, জিতশত্রু, সম্পূজিত, বিপশিচৎ, শিখী, বিধ্বভূ, ক্রকুচ্ছন্দ, কনকমুনি, কাশ্যপ।

নাকি পদ্ম জন্মিত না। একদা বিপশ্চিৎ বুদ্ধ মধ্যদেশ-  
স্থিত বিন্দুমতি নগর হইতে অনেক ভিক্ষুক শিষ্য সমভি-  
ব্যাহারে লইয়া নাগবাসহুদে উপস্থিত হইলেন। তিনি  
তিন বার ঐ সরোবর প্রদক্ষিণ করত বায়ুকোণাভিমুখী  
হইয়া উপবেশন করিলেন এবং একটি পদ্মমূল লইয়া  
মন্ত্রপাঠ পূর্বক জলে নিক্ষেপ করিয়া বলিলেন, যখন এই  
মূল বৃক্ষরূপে পরিণত হইয়া পল্লবিত ও কুশুমিত হইবে  
তখন ইহার কমল হইতে অগ্নিস্ত ভুবনেশ্বর স্বয়ম্ভু অগ্নি-  
শিখারূপে আবির্ভূত হইবেন। পরে সেই হৃদ কর্ষিত ও  
জীবসমূহের বাসভূমি হইবে।” এই কথা বলিয়া তিনি  
অন্তর্হিত হইলেন। পরিশেষে তাঁর বাক্য সফল হইল।  
সেই অবধি নাকি নেপাল বাসোপযোগী হইয়াছে।

পরে দ্বিতীয় বুদ্ধ শিখী নাগবাস দর্শনমানসে তথায়  
সমাগত হইলেন। ভূপতিগণ স্ব স্ব রাজ্য এবং ব্রাহ্মণ  
ক্ষত্রিয় বৈশা ও শূদ্র এই চতুর্কর্ণের অনেক লোক আপন  
জনক জননী ভ্রাতা ভগিনী পুত্র কলত্রাদি পরিত্যাগ  
করিয়া নির্বাণমুক্তি লাভার্থে তাঁহার অনুসরণ করিয়া-  
ছিলেন। শিখী সেই হৃদস্থিত জ্যোতিঃস্বরূপ স্বয়ম্ভুকে  
দর্শন করেন এবং ভক্তিরসে প্লাবিত হইয়া প্রেমবিগ-  
লিতচিত্তে তাঁহার স্তব্ধত্ব করিয়া সাষ্টাঙ্গ প্রণাম  
করিলেন। পরে ঐ হৃদ তিন বার প্রদক্ষিণ করিয়া শিষ্য-  
দিগকে সম্বোধন করিয়া কহিলেন এই স্থান স্বয়ম্ভুর প্রিয়

ভূমি এবং প্রাণিপুঞ্জের আবাসস্থল হইবে । মনুষ্যও অপ-  
রাপর জীব স্থানান্তর হইতে আসিয়া এখানে বাস করিবে ।  
এই স্থান পর্য্যটক ও তীর্থদর্শকদিগের স্তূপের আলয়  
হইবে । হে বৎসগণ, অধুনা আমার অন্তর্ধানের সময়  
উপস্থিত হইয়াছে । তোমরা এখন বিদায় গ্রহণ করিয়া  
স্ব স্ব দেশে চলিয়া যাও । এই কথা বলিয়াই শিখী হৃদে  
প্রবিষ্ট হইয়া এক কমল তুলিয়া স্বয়ম্ভূতে বিলীন হই-  
লেন । কয়েক জন শিষ্যও নাকি তদমুরূপ অবস্থা প্রাপ্ত  
হইয়া অন্তর্হিত হইলেন । অবশিষ্ট সকলে গৃহে প্রত্যাবর্তন  
করিলেন ।

তৃতীয় বুদ্ধ বিশ্বভূও শিষ্যবৃন্দপরিবৃত হইয়া শিখীর  
ন্যায় উক্ত সরোবর পরিদর্শন করিতে আসেন । তিনি  
ত্রৈতা যুগে মধ্যদেশস্থিত অনুপম পুরীতে জন্মগ্রহণ করেন ।  
বিশ্বভূ পরম দয়ালু ছিলেন, দেশীয় জনগণের হিতসাধন  
ত্রেতে যাবজ্জীবন ত্রতী ছিলেন । তাঁহাদের জ্ঞানধর্মের  
উন্নতি সাধনে তাঁহার জীবন ক্ষয় হয় । তিনিও ঐ মনো-  
হর সরোবরে সমাগত হইয়া স্বয়ম্ভূকে দর্শন করেন এবং  
তাঁহার আরাধনা করিয়া বলিলেন যে এই সরোবর হইতে  
উবিঘাতে প্রজ্জারূপিণী গরেশ্বরী আবির্ভূতা হইবেন  
এবং বোধিসত্ত্ব এই স্থানে শুভ্রগমন করিবেন । এই  
স্থান নানাবিধ জীবে সমাকীর্ণ হইবে । ইহা বলিয়া  
তিনিও স্বস্থানে প্রস্থান করিলেন ।





যে বোধিসত্ত্বের বিষয় উল্লিখিত হইল তাঁহার নাম মনুজশ্রী । তিনি নাকি ত্রেতাযুগে মহাচীন দেশান্তর্গত পঞ্চশীর্ষ পর্বতে জন্মগ্রহণ করেন । তিনি সাধুতা ও অসমস্ত অগ্নিময় বাক্যবলে অনেক শিষ্য সংগ্রহ করিয়াছিলেন । সরল কৃষক হইতে প্রকাণ্ড প্রতাপশালী রাজগণকে পর্যাস্ত ধর্ম্মে দীক্ষিত করিয়াছিলেন । তাঁহার আকর্ষণে আকৃষ্ট হইয়া চীনের অধিপতি ধর্ম্মকর রাজ্য পরিত্যাগ করিয়া সন্ন্যাসী হইয়া তাঁহার শিষ্যবর্গের মধ্যে মিলিত হইয়াছিলেন । বিশ্বভূর নাগবাস গমনের পর একদা মনুজশ্রী এই ভূমণ্ডলের কোথায় কি ঘটনা ঘটিতেছে তাহা নির্জনে অনন্যমনে চিন্তা করিতেছেন এমন সময় ধ্যানস্তিমিতলোচনে ঐ হৃদস্থিত স্বয়ম্ভূর অপূর্ব দিব্যমূর্তি তিনি দর্শন করিলেন । এই অলৌকিক অপরূপ রূপ দেখিয়া তিনি মুগ্ধ হইয়া গেলেন এবং ভাবিলেন যে ঐ পবিত্র স্থানে গমন করিয়া জীবন সার্থক ও কৃতার্থ করিব ও আপনি ধন্য হইব । তিনি অনতিবিলম্বেই শিষ্যমণ্ডলী ও নিজ পত্নীহরকে লইয়া তথায় উপস্থিত হইলেন এবং সর্ব্বদাবর প্রদক্ষিণ করিয়া তন্মধ্যে প্রবেশ করিলেন । হৃদের জল গমনের পথ অবলোকন করিয়া নিতান্ত আহলাদিত হইলেন । এই স্থান জীর্ধেক বানোপযোগী হইবে বলিয়া হস্তস্থিত তরবারি দ্বারা পর্বত হইখণ্ড করিয়া ফেলিলেন । তখন হৃদের জলনির্গত হওয়াতে সুব গুফ হইয়া পেল।

সেই অবধি বৃন্দ ভূমিতে পরিণত হইয়া শেষে নেপাল রাজ্যে প্রতিষ্ঠিত হইল ।

কিছুকাল পরে চতুর্থ বৃদ্ধ ক্রকুচ্ছন্দ ( কঙ্ককেতুচন্দ্র ) মহারাজ ধর্মপাল ও অপরাপর শিষ্যগণকে সঙ্গে লইয়া মধ্যদেশস্থিত ক্ষমাবতী নগর হইতে নেপালে সমাগত হইলেন । তথায় ভক্তিভরে স্বরস্তুর বন্দনাদি করিয়া তিনি মনুজশ্রীর প্রশংসা করিতে লাগিলেন । পরে নাকি তিনি গয়েশ্বরীর পূজা করিয়া শিবপুরে চলিয়া গেলেন । শিষ্যগণের মধ্যে দ্বিজতমর গুণধ্বজ ও ক্ষত্রিয়বংশসম্ভূত অভয়ানন্দ উভয়ে সেই মনোহর স্থান পরিদর্শন করিয়া ভিক্ষুব্রত অবলম্বন করত তথায় বাস করিবেন স্থির করিয়া কুতাজলি পূর্বক ক্রকুচ্ছন্দের নিকট প্রার্থনা করিলেন । তিনিও তাহাতে সন্মত হইলেন, কিন্তু তথায় জল মা থাকাতে দীক্ষাসময়ে অভিষেক কিরূপে হইবে ইহা ভাবিতেছেন, এমন সময় তাহার আশ্রাতে ভঙ্গবতী নামে এক প্রবল নদী সেই পর্বত হইতে বিনিঃসৃত হইল । ক্রকুচ্ছন্দ সেই জলে উভয়কে ভিক্ষুধর্ম দীক্ষিত ও অভিষিক্ত করিলেন । তদনন্তর মহারাজ ধর্মপাল ও যে যে শিষ্য তথায় বাস করিতে অভিলাষ করিয়াছিলেন তাহাদিগকে তথায় রাখিয়া আসিয়া নিজে ক্ষমাবতীতে প্রত্যাগত হইলেন । এইরূপে নেপালবাসিয়া মানাবিভাগে ও জাতিতে বিভক্ত হইয়াছিলেন ।

পঞ্চম বুদ্ধ কনকমুনিও পূর্বের ন্যায় অনেক শিষ্য লইয়া মধ্যদেশবর্তিনী শুভবতী নগরী হইতে নেপালে আগমন করেন। তথায় কিয়দ্দবস অবস্থিতি করিয়া স্বয়ম্ভুর অর্চনাাদি করিলেন, পরে অনেক শিষ্যবৃন্দ সহ স্বদেশে ফিরিয়া আসেন। অবশিষ্ট ঠাঁহার। সেখানে বাস করিতে লাগিলেন, ঠাঁহার। বুদ্ধ কনকমুনির অনুসরণ করিয়া স্বয়ম্ভুর বন্দনার একান্ত মগ্ন হইয়া জীবন অতিবাহিত করিলেন।

ষষ্ঠ বুদ্ধ কাশ্যাপ বারাণসীর সন্নিকটস্থ মৃগদাববনে জন্মগ্রহণ করেন। তিনি নেপালে আসিয়া ঐ স্বয়ম্ভুর পূজা করিয়াছিলেন। বাস্তবিক ষড়্‌বুদ্ধসম্বন্ধে এইমাত্র উপন্যাস প্রাপ্ত হওয়া যায়। কিন্তু প্রকৃত ইতিহাস পাইবার কোন সম্ভাবনা নাই।

শেষ বুদ্ধ শাক্য মুনিই যে বিস্তীর্ণ বৌদ্ধ ধর্মের প্রবর্তক তাহাতে আর কিছুমাত্র সন্দেহ নাই। ঠাঁহারই পবিত্র জীবনের বলে ও মানবজাতির প্রতি অপূর্ব দয়াশুণে ঐ ধর্ম এত দূর বিস্তৃত ও প্রচারিত হইয়াছে। সর্বার্থ-সিদ্ধ মহাত্মা শাক্যমুনি ঐ ধর্মের প্রাণ। তত্ত্বচূড়ামণি চৈতন্য ও পরম যোগী মহর্ষি ঈশা যেকোন ধর্ম গ্রন্থ প্রণয়ন করেন নাই, ঠাঁহাদের অলৌকিক আধ্যাত্মিক জীবন ও উপদেশাবলিই পরিশেষে তৎসম্প্রদায়স্থ লোকের মধ্যে ধর্মতত্ত্বরূপে পরিগৃহীত ও আদৃত হইয়া আসিয়াছে, তক্রূপ শাক্য মুনিও কোন বিশেষ গ্রন্থ রচনা করেন নাই।

তাঁহার মহৎ জীবন ও উপদেশই বৌদ্ধতত্ত্বরূপে বৌদ্ধ-  
গণের নিকট প্রচারিত ও আপ্ত বাক্য বলিয়া পূজিত হইয়া  
আসিয়াছে । বিশেষতঃ প্রায় সহস্র বৎসর হইল প্রবল  
হিন্দুরাজগণের দৌরাণ্যে বৌদ্ধেরা ভারত হইতে তাড়িত  
ও বহিস্কৃত হওয়াতে এই ধর্মসম্বন্ধীয় গ্রন্থনিচয় অতিশয়  
দুর্লভ হইয়া পড়িয়াছে । এজন্য ইহার অনেক গভীর তত্ত্ব  
অবগত হওয়া সম্ভবপর নহে । নেপালবাসী বৌদ্ধেরা  
বলেন বৌদ্ধ ধর্মের ৮৪ সহস্র গ্রন্থ আছে, তাহার মধ্যে  
কতক পুস্তক পাওয়া যায় । ঐ গ্রন্থাবলীকে নবধর্ম বলে \* ।

অষ্ট সাহস্রিক, গণ্ডব্যূহ, দশভূমীশ্বর, সমাধিরাজ, লঙ্কাব-  
তার, সন্ধর্মপুণ্ডরীক, তথাগতগুহ্যক, ললিতবিস্তর ও  
সুবর্ণপ্রভাস এইগুলিই প্রধান । কিন্তু সংস্কৃত ভাষায়  
এই গ্রন্থগুলি প্রাপ্ত হওয়া যায় ;—যথা প্রজ্ঞাপারমিতা,  
দেবপুত্রকৃত অভিধর্ম, সারিপুত্রকৃত অভিধর্ম, ললিত-  
বিস্তর, কারণব্যূহ, ধর্মস্কন্ধপদ, ধর্মবোধ, ধর্মসংগ্রহ,  
সপ্তবুদ্ধস্তোত্র, বিনয়সূত্র, মহান্য সূত্র, মহান্য সূত্রালঙ্কার,  
জাতকমালা, অনুমানখণ্ড, চৈত্যান্যমাহাত্ম্য, বুদ্ধশিক্ষা-  
সমুচ্চয়, বুদ্ধচরিত, বুদ্ধপাল তন্ত্র ও সঙ্কীর্ণ তন্ত্র প্রভৃতি ।

বৌদ্ধ ধর্ম অতিশয় জটিল ইহার বৈজ্ঞানিক মত  
নিতান্ত অক্ষুটতর ও তুর্কোণী সূত্রাং ইহার অন্তর্গত

\* বাবু রামদাস সেনের ঐতিহাসিক রহস্য ।

অনেক কথা বোধগম্য না হওয়াতে ভালরূপে বিচার ও  
 হৃদয়ঙ্গম করা দুষ্কর । তবে মোটা মোটি এক প্রকার বেশ  
 প্রকীর্ণ হইল । আশ্চর্য্যের বিষয় এই যে এই ধর্ম্মে ঈশ্বরের  
 অস্তিত্বসম্বন্ধে সপক্ষে বা বিপক্ষে কোনরূপ মতামত প্রকা-  
 শিত হয় নাই । কতক পরিমাণে স্বভাববাদী বলিলেও  
 বলা যাইতে পারে । সাংখ্যদর্শনকার কপিল যেরূপ সৃষ্টি-  
 সম্বন্ধে স্বভাবকেই সকলের মূল করিতে যত্নবান্ হইয়া-  
 ছিলেন, বৌদ্ধ ধর্ম্মে সেরূপ নহে । ইহাতে অনেক  
 পৌরাণিক উপন্যাস এবং অসার অর্থৌক্তিক কথা লিখিত  
 আছে । কঠোর জ্ঞান ও মতের জটিলতা সত্ত্বেও যে এত-  
 দূর বিস্তৃত হইয়াছে, এমন কি ইহাকে বিশ্বব্যাপী  
 বলিলেও অত্যাুক্তি হয় না, তাহা কেবল বুদ্ধের পবিত্রতা,  
 দয়া ও শান্তিগুণে । কোথায় ভারত আর কোথায় ল্যাপ-  
 ল্যাও এত দূরতর দেশে বুদ্ধের স্বর্গীয় আলোক প্রকা-  
 শিত হইয়া পড়িয়াছিল । নেপাল, কাবুলের কতক  
 স্থান, তিব্বত, চীন, মঙ্গোলিয়া, রুসিয়া, সাইবিরিয়া,  
 ল্যাপল্যাও, ডচ অধিকার ভুক্ত বালিদ্বীপ, ব্রিটিশ অধি-  
 কারস্থান কাশ্মীর, লিউকেনদ্বীপ, কোরিয়াদ্বীপ, মাল্ধু-  
 রিয়া, সিংহল, ব্রিটিশবর্মা, বর্মা, শ্যাম, আসাম,  
 ভোটান ও সিকিম, এত দেশে বৌদ্ধ ধর্ম্ম বিস্তৃত  
 হইয়াছিল । সমুদায় পৃথিবীর লোক সংখ্যা গণনা  
 করিলে ১০০ এক শত ২৫ পঁচিশ কোটি মাত্র । তাহার

মধ্যে বৌদ্ধ ৫০ পঞ্চাশ কোটি । তাহা হইলে প্রায় অর্ধেক পৃথিবী বৌদ্ধ ধর্মাবলম্বী বলিতে হইবে । রিস্ ডেবিড্‌স সাহেব বলেন ইহা-ব্যতীত পূর্বে আর অনেক দেশে বৌদ্ধ ধর্মের প্রাদুর্ভাব ছিল । আমাদের প্রিয়তম ভারতে এই ধর্ম প্রায় ১৫ শত বৎসর রাজত্ব করিয়াছিল । শঙ্করাচার্যের সময় হইতে ভারতাকাশে এই প্রথর সূর্য্য অন্তর্মিত হইয়াছে । হায় ! এক সময়ে বাহার এত তেজ ও অসীম বল সেই ভারতে এখন তার চিহ্নও নাই বলিলে হয় । বাস্তবিক এক সময়ে হিন্দুজাতির গৌরব-স্বরূপ হইয়া এই ধর্ম জগতের অনেক কল্যাণ বিধান করিয়াছে । একা বুদ্ধের জন্য পৃথিবীর নানাদেশে হিন্দুজাতির সমাদর হইয়াছে তাহাতে আর সন্দেহ নাই । মহাপুরুষদের আগমন বড় সহজ নহে, এক ব্যক্তির জন্য সেই জাতি পৃথিবীর নিকট পরিচিত সম্মানিত ও আরাধিত হয় । তাহার কারণ এই যে মহাপুরুষেরা যে জাতির মধ্যে জন্ম গ্রহণ করেন, সেই জাতির মধ্যে এক হইয়া যান, তাঁহারা তাহাদের রক্তে রক্তে অস্থিতে অস্থিতে হৃদয়ে হৃদয়ে এক হইয়া থাকেন । তাঁহারা আর স্বতন্ত্রভাবে অবস্থিতি করিতে পারেন না । এই ধর্মবলে বিজ্ঞান শিল্প কারুকার্য ও স্থাপত্য বিদ্যার বিলক্ষণ উন্নতি হইয়াছে । এই ধর্মের প্রভাবে বিবিধ হিতকর কার্যের অনুষ্ঠান ও চরিত্রশুদ্ধি ও সুবিমল নীতির বিস্তার হইয়াছিল । বৌদ্ধ

ধর্মের আশ্রিত লোকেরা এই ভারতে এক সময়ে উচ্চ  
বৈরাগ্য, গভীর ধ্যান, নির্ঝিকল্প সমাধি প্রচার করিয়া-  
ছিলেন। তাঁহারা এই জীবের প্রতি দয়ার একান্ত দৃষ্টান্ত  
প্রদর্শন করিয়াছিলেন। তাঁহারা এক সময়ে ভারতের  
স্থানে স্থানে নিভৃত পর্বতকন্দরে আশ্রম স্থাপন করিয়া  
ধর্মচর্চা ও গভীর সাধনে নিযুক্ত হইয়াছিলেন। এমন  
ধর্মের অধ্যায় তত্ত্বসকল অবগত হওয়া নিতান্তই প্রয়ো-  
জন ও আশ্রয় পক্ষে নিতান্ত কল্যাণকর তাহাতে আর  
সন্দেহ নাই।



### শাক্যের জন্ম ও কৈশোর জীবন ।

এদিকে রাজ্ঞী মায়াদেবী ক্রমে পূর্ণগর্ভা হইলেন।  
শরীর অবসন্ন ও অলস প্রায় হইয়া আসিল, বিশেষতঃ  
গুরুভারে আক্রান্ত হইয়া মৃহমহুর গতিতে পদবিক্ষেপ  
করিতে লাগিলেন। তাঁহার লাবণ্য ও দিব্য কান্তি ঐ  
অবস্থায় আরও দশ গুণ বাড়িল। বাস্তবিক তিনি ভাবী  
ধর্মরাজ বুদ্ধের অবতরণ হইবে এই চিন্তায় মগ্ন থাকিতে  
মনে এক অপূর্ব আনন্দের উচ্ছ্বাস হইত বলিয়া আরও  
অলৌকিক রূপবতী হইয়াছিলেন। রাজাও রাজকার্যে  
কর্মক্ষিৎ উদাসীন হইলেন, পত্নীর অভিলাষ পূর্ণ করিবার  
জন্য প্রায় সর্বদা তাঁহার নিকটে থাকিতেন। যদবধি রাজ্ঞীর

গর্ভ সঞ্চারণ হইল তদবধি রাজা শুক্লোদন বিশেষ তপস্যাচরণে নিযুক্ত ছিলেন, রাজপ্রিয়া মায়াও নিয়ত ধর্মাচরণে রত থাকিতেন । যখনই মায়া অধ্যাত্মযোগে আত্মশরীর নিরীক্ষণ করত লোকনাথ বোধিসত্ত্ব যেন বাস্তবিক তাঁহার কৃষ্ণি মধো প্রবিষ্ট হইয়াছেন দেখিতেন ও ভাবিতেন তখনই তাঁহার মন অলৌকিকভাবরসে মগ্ন হইত । তিনি গর্ভাবস্থায় নিতান্ত শুদ্ধাচারিণী হইয়া থাকিতেন । রাগ ঘেব মোহ, কামেচ্ছা, ঈর্ষা বা হিংসা তাঁহাকে বিন্দু-মাত্র স্পর্শ করে নাই । মনস্বিনী নিয়ত দৃষ্টচিন্তা ও প্রীতমনা থাকিতেন । কথিত আছে যে ক্ষুৎপিপাসা বা শীতোষ্ণ পর্য্যন্ত তাঁহার সুখ শান্তির প্রতিবন্ধক হয় নাই অর্থাৎ এত অপরিমিত উল্লাস হইয়াছিল যে তিনি কিছুতেই কাতর হইতেন না । এদিকে রাজাও যথা সময়ে গর্ভাধান ও পুংসবনাদি ক্রিয়া মহাসমারোহের সহিত সম্পন্ন করিলেন । তদুপলক্ষে কপিলবস্ত্র নগরে নাকি কেহ দরিদ্র ও হুঃখিত ছিল না অর্থাৎ প্রচুর ধনদানে সকলকে পরিতুষ্ট করিয়াছিলেন ।

অনন্তর একদা রাজমহিষী বিশেষ লক্ষণ দ্বারা আপনাকে আসন্নপ্রসবা জানিতে পারিয়া রজনীতে রাজসমীপে সমাগত হইয়া বলিলেন, দেব, আমার কথা শুনুন, অনেক দিন হইতে আমার উদ্যানে যাইবার বাসনা ছিল কিন্তু তাহা ঘটিয়া উঠে নাই । তাহাতে যদি আপনার কোন অন-



ভিত্ত না থাকে, যদি কোন দোষ না হয় ; তাহা হইলে আমি ক্রীড়োদ্যানভূমিতে যাইব । আপনি ধর্ম্মাচারব্রত হইয়া এখানেই তপস্যার থাকুন, আমি শুদ্ধসত্ত্বকে ধারণ করিয়া তথায় প্রবিষ্ট হই । অতএব, সাধো ! আমায় আজ্ঞা করুন, সখীগণ সহ শীঘ্র চলিয়া যাই, আর বিলম্বে আরোহণ নাই । রাজা রাজ্ঞীর এই কথা শুনিয়া নিতান্ত উল্লসিত মনে ভূতাদিগকে রাজ্ঞীর যাইবার আয়োজন করিতে আদেশ করিলেন । অশ্ব গজ সজ্জীভূত হইল, রথ প্রস্তুত, বাহকেরাও আজ্ঞানুসারে দণ্ডায়মান । সকলই আরোহণ হইল । রাজ্ঞী সখিনী সখীগণ ও পরিচারিকা সহ তথায় যাত্রা করিলেন । যাইবার সময় সাধ্বী ভক্তি পূর্ব্বক রাজ্ঞাকে প্রণাম করিয়া বিদায় গ্রহণ করিলেন । রাজা রাজ্ঞীর প্রতি প্রীতিপূর্ণ পবিত্র দৃষ্টিতে চাহিয়া গোপনে গোপনে অশ্রু বর্ষণ করিতে লাগিলেন । মায়ী দেবীও রথে আরোহণ করিয়া চলিয়া গেলেন । পরে তিনি লুহিনী নামক বনে প্রবেশ করিয়া রথ হইতে অবতীর্ণ হইলেন । বনে প্রবেশ মাত্র ঠাঁহার মন নিতান্ত প্রফুল্ল হইল, উল্লসিত চিত্তে ইতস্ততঃ ভ্রমণ করিতে লাগিলেন । প্রকৃতির রমণীয় শোভা ঠাঁহাকে অপূর্ব্ব ভাবরনে ও আনন্দে নিমগ্ন করিল । তিনি ক্ষণকাল এক তরু হইতে অন্য তরুতে উপবেশন, বন হইতে বনান্তরে পরিভ্রমণ, পুষ্প হইতে পুষ্পান্তর

সন্দর্শন করিতে করিতে নির্মল সুখসাগরে ভাসমানা হইলেন। অবশেষে তিনি এক গন্ধকরুমূলে উপস্থিত হইলেন, দক্ষিণ হস্তে তাহার শাখা ধরিয়া দাঁড়াইয়া আকাশতলে দৃষ্টিপাত করিতে লাগিলেন। শরীর অবসন্ন প্রায়, মধ্য মধ্য বিজ্ঞস্তম্ভ উঠিতে লাগিল। এমন সময় গর্ভবেদনা উপস্থিত হইল। তৎক্ষণাৎ সেই তরুতলেই তিনি বিবিধ সুলক্ষণাক্রান্ত এক পুত্র প্রসব করিলেন। সাধারণ লোকের ন্যায় তাঁহার জন্ম না হয় এজন্য কথিত হইয়াছে যে তিনি মাতার দক্ষিণ পার্শ্ব হইতে নিষ্কান্ত হইয়াছিলেন। ইনি অপরের গর্ভমল ইহা কেহ না বলিতে পারে এজন্যই গর্ভমলে অমূলিপ্ত না হইয়া অবতীর্ণ হইলেন\*। খ্রীষ্ট শকের ৬২৩ বৎসর পূর্বে বসন্তকালে শুক্লপক্ষে পূর্ণিমা তিথিতে শাক্য জন্ম গ্রহণ করেন। তিনি নাকি বোধিদ্রুমতলে সিদ্ধি লাভ করিবেন, বোধিতরুতলেই নাকি তাঁহার জীবনের সার হইবে তাই বিধাতার অপার কৌশলে বৃক্ষমূলেই জন্মিলেন। তাঁহার জন্ম উপলক্ষে বিভিন্ন মত দেখিতে পাওয়া যায়। সিংহল-বাসীরা বলেন খ্রীষ্ট শকের ৫৫৩ বৎসর পূর্বে, চীন দেশীয় ধর্ম গ্রহে ৯৮৩ বৎসর পূর্বে, বোধিসত্ত্ব অবনীমণ্ডলে অবতীর্ণ

\* “স পরিপূর্ণানাং দশনার্থে মাসানাং মতায়েন মাতুর্দক্ষিণ-পার্শ্বান্নিকামতি স্ম । স্মৃতঃ স্প্রাজননুপলিপ্তো গর্ভমলৈর্ষথা নন্যৈঃ কৈশিচ্ছ্যতে ২ ন্যোষাং গর্ভমল ইতি” । ল, বি, ৭ অ,

ইরেন । যাহা হউক, ইরোরোপীয় পণ্ডিতেরা একপ্রকার গণনা করিয়া স্থির করিয়াছেন যে খ্রীষ্ট শকের ৬০০ শত বৎসর পূর্বেই তাঁহার জন্ম হয় । শাক্যের জন্মের সাত দিন পরেই তাঁহার জন্মনী মানবলীলা সম্বরণ করেন \* । তাঁহার মৃত্যুর পর ক্ষুদ্র শিশুকে কে লালন পালন করিবে শাক্য-কন্যারা এই লইয়া তর্ক বিতর্ক করিতে লাগিলেন, অনেকই স্বেচ্ছাপ্রবৃত্ত হইয়া সন্তানপালনে আগ্রহ প্রকাশ করিতে লাগিলেন । মাতৃস্নেহা মহা প্রজাবতী গৌতমী দ্বারাই শাক্য শৈশবে প্রতিপালিত হইলেন । গৌতমী রাজার দ্বিতীয়া পত্নী । শাক্য যখন ভূমিষ্ঠ হইলেন তখন তাঁহার অনুপম তেজে উদ্যান আলোকিত হইল । বনস্পতি সকল অবনত মস্তকে যেন শাখা বিস্তার করিয়া তাঁহাকে নমস্কার করিতে লাগিল । স্বর্গে তুষিতপুরস্থ দেবপুত্রসকল তাঁহার শুভাগমন উপলক্ষে স্তব স্তুতি সহকারে আনন্দোৎসব করিতে লাগিলেন । বৌদ্ধ গ্রন্থকারেরা বলেন যে সর্বার্থসিদ্ধ মায়্যা দেবীর গর্ভে অবতীর্ণ হইবার পূর্বে অষ্ট প্রকার শুভনিমিত্ত ঘটিয়াছিল । যথা(১)—তৃণ কণ্টকাদির কাঠিন্য ও দংশ মলকাদির দৌরাভ্যা ছিল না ; বায়ু অতি-বিশুদ্ধ হইয়াছিল । (২) হিমাচল হইতে পার্শ্বত্যা বিহ-

\* শাক্যের জন্মের পরই তাঁহার মাতার মৃত্যুর কারণ এইরূপ নির্দিষ্ট নহিবে—“বিবুদ্ধস্যা হি বোধিসত্ত্বস্য পরি-পূর্ণেন্দ্রিয়স্যাভিঃ প্রামতো মাতুর্হৃদয়মক্ষুটৎ” ৭ অ ।

জমগণ রাজা শুকোদনের গৃহে আসিয়া সুমধুর রবে  
 পান করিয়াছিল । ( ৩ ) রাজগৃহে সর্ব্বতুঃসম্ভব ফল পুষ্প  
 একলা প্রকাশিত হইয়াছিল । ( ৪ ) রাজার পুত্রিণীসমূহ  
 শকটচক্রপরিমিত অসংখ্য পদ্মনিচয়ে আচ্ছাদিত হইয়া-  
 ছিল । ( ৫ ) রাজপুত্রে আহার করিলেও আহারীর স্রবোর  
 ক্ষয় হয় নাই । ( ৬ ) অস্তঃপুরস্থ বাদ্যযন্ত্রসকল আপনা-  
 পনিই বাদিত হইয়াছিল । ( ৭ ) নৃপতির সুন্দর স্বর্ণ রৌপ্য  
 রত্নাদির পাত্রসকল নিঃশল বিগুহ উজ্জ্বল ভাব ধারণ  
 করিয়াছিল । ( ৮ ) রাজগৃহ চন্দ্রসূর্য্যাবিনিমিত অত্যুজ্জল  
 প্রভায় নিয়ত আলোকিত ছিল । জন্মের পর কত যে  
 অলৌকিক ঘটনা বিবৃত হইয়াছে তাহা বলিবার নহে ।  
 তিনি জন্মিয়াই দিব্য দৃষ্টিতে সমুদায় লোক অবলোকন  
 করিয়া কোথাও আশ্চর্য্য কাহাকেও অবলোকন করি-  
 লেন না । পরে যে যে কার্য্য করিবেন তাহার অতি-  
 ব্যঙ্গক সপ্তপদ গমন করিলেন । যে সকল অদ্ভুত ঘটনা  
 তৎকালে ঘটিল অনেকে তাহা বিশ্বাস করিবে না একথা  
 আনন্দকে বলিলেন । সে যাহা হউক শাক্যতনয় সাত  
 দিন সেই লুম্বিনী বনেই অবস্থিত ছিলেন । শাক্যগণ  
 কপিলবস্ত্র হইতে আসিয়া প্রণাম পূর্ব্বক আনন্দধ্বনি  
 করিতে লাগিলেন । রাজা ও অম্মীয়গণ তদুপলক্ষে দান  
 ধ্যান করিতে লাগিলেন ; নানাবিধ পুণ্য কার্য্য করিয়া  
 পুত্রের মঙ্গলাচরণ করিলেন ; শত সহস্র ব্রাহ্মণকে

প্রতিদিন পরিতুষ্ট করিয়া কৃতার্থমন্য হইলেন । যাহারা  
যাহা প্রার্থনা করিয়াছিল রাজা তাহাদিগকে তাহাই  
প্রদান করিয়াছিলেন । অনন্তর সপ্ত দিনান্তে নবজাত  
শিশুকে লুশ্বিনীবন হইতে রাজপ্রাসাদে লইয়া যাওয়া  
হইল । নগরে প্রবেশ মাত্র চারিদিকে মহা আনন্দের  
ব্যাপার ঘটিল, বাস্তবিক রাজপুরী উৎসবপুরী হইল ।  
শত শত পূর্ণ কুম্ভ নগরদ্বারে সজ্জিত হইল ।

বাদিত্র ও বাদকগণ জনগণের কর্ণে পিয়ুষরসবর্ষী অতি-  
সুমধুর গীতবাদ্যে নগর পূর্ণ করিল । শঙ্খধারী স্তম্ভি পাঠ-  
কেরা স্তম্ভিবিনোদী স্বরলহরীযোগে শাক্যবংশের গুণ  
কীর্ত্তন করিয়া অভিনন্দিত করিল । বিবিধরত্নমণিখচিতনা-  
নালঙ্কারভূষিত বিচিত্রবর্ণশোভিতবস্ত্রাচ্ছাদিত নারীগণ পুষ্প  
চন্দন গন্ধ মালাদি লইয়া নগরের দ্বারে সারি সারি  
দণ্ডায়মান রহিল । পরিশেষে বিসুন্ধা বালিকা শুদ্ধাচারিণী  
অস্ত্রঃপুরচারিণী রমণীরা মঙ্গল গীত গাইতে গাইতে শিশুকে  
অভ্যর্থনা করিয়া গৃহে লইয়া গেলেন । অমনি অপর মহি-  
লারা মঙ্গলসূচক শঙ্খধ্বনি করিতে লাগিলেন । রাজগৃহ  
ছন্দুভি দামামার শব্দে শকারমান হইল । প্রতিবাসিগণ ছন্দু-  
ধ্বনি করিতে করিতে শিশুকে আশীর্বাদ করিতে লাগি-  
লেন । এদিকে স্বর্গ হইতে পুষ্পবৃষ্টি হইতে লাগিল ।  
দেবগণ ভক্তি পূর্ব্বক করযোড়ে এইরূপ মঙ্গল গীত  
গাইতে লাগিলেন ।

‘আপারাজ্চ যথা শাস্তাঃ সূখি সৰ্ব্বং যথা জগৎ ।  
 ঋবং সুখাবহো জাতঃ সুখে স্থাপয়িতা জগৎ ॥  
 যথা বিতিমিরা চাভা রবিচক্রসুরপ্রভাঃ ।  
 অভিতূতা ন ভাসন্তে ঋবং পুণ্যপ্রভোদ্ভবঃ ॥  
 পশাস্তানয়না যচ্চ শ্রোত্রহীনা শৃষন্তি চ ।  
 উন্নতকাঃ স্মৃতিবন্তো ভবিতা লোকে চেতি যে ॥  
 ন বাধন্তে যথা ক্লেশা জাতং মৈত্রং জনং জগৎ ।  
 নিঃসংশয়ং ব্রহ্মলোকে সন্তানাং ভবিতা শিবম্ ॥  
 যথা সুপুষ্পিতা শালা যেদিনী চ সমাশ্রিতা ।  
 ঋবং সৰ্ব্বজগৎপূজাঃ সৰ্ব্বজ্জোহয়ং ভবিষ্যতি ॥  
 যথা নিরাকুলো লোকে মহাপদ্মা যথোদ্ভবঃ ।  
 নিঃসংশয়ং মহাতেজা লোকনাথো ভবিষ্যতি ॥  
 যথা চ মূঢ়কা বাতা দিব্যগন্ধোপবাসিতা ।  
 শামান্তি ব্যাধিং সন্তানাং বৈদ্যরাজো ভবিষ্যতি ॥

ইত্যাদি ।

ল, বি, ৭-অ

এখন জল সমূহ যেমন শাস্ত হইল জগৎ যেমন সুখী  
 হইল, এমনি সুখাবহ এই সদ্যোজাত শিশু জগৎকে সুখে  
 স্থাপন করিবেন । দীপ্তি যেমন তিমির নষ্ট করে, তেমন  
 রবি চক্র ও দেবগণের প্রভা ইহার প্রভায় অভি-  
 ভূত হইয়া দীপ্তিহীন হইল, ইনি নিশ্চয় পুণ্যপ্রভা সমুদ্ভূত ।  
 ই হলোক যাহাদিগের চক্ষু নাই তাহারা দেখিবে, যাহা-  
 দিগের কর্ণ নাই তাহারা শুনিবে, যাহারা উন্নত তাহারা

স্বতিমান্ হইবে । ক্লেশসকল যেমন উৎপন্ন মিত্রভাব,  
জগৎ ও জনগণকে বাধা প্রদান করিতেছে না, এমনি  
নিঃসংশয় ব্রহ্মালোকে সমুদায় জীবের মঙ্গল হইবে । শাল  
বৃক্ষ সকল যেমন পুষ্পিত হইল, মেদিনী স্থিরতা লাভ  
করিল, এমনি নিশ্চয় ইনি সমুদায় জগতের পূজ্য হইবেন,  
সর্বজ্ঞ হইবেন । লোক যেমন নিরাকুল হইল, মহাপন্ন  
যেমন উদ্ভূত হইল, এমনি নিঃসংশয় ইনি মহাতেজা এবং  
লোকনাথ হইবেন । বায়ু যেমন দিব্যগন্ধযুক্ত ও মৃদুল  
হইল এমনি ইনি জীবদিগের রোগোপশমকারী বৈদ্যরাজ  
হইবেন ।

এদিকে রাজার পরম তেজস্বী পুত্র হইয়াছে শুনিয়া  
নগরের তাবৎ সম্ভ্রান্ত লোকেরা আসিয়া ভূপেন্দ্র শুক্লোদনকে  
আলিঙ্গন করিয়া পরমাপ্যায়িত করিলেন । সকলেই  
আনন্দনাগরে ভাসমান হইলেন ।

নৃপতি শুক্লোদন বৃদ্ধ বয়সে এক পুত্র সম্ভান লাভ করিয়া  
যৎপরোনাস্তি পুলকিত হইলেন, মনে মনে বিধাতাকে  
কতই ধন্যবাদ প্রদান করিতে লাগিলেন । অমিততেজা  
শিশু শশিকলার ন্যায় দিন দিন বর্দ্ধিত হইতে লাগিল,  
শিশুর দিব্য লাবণ্য ও অপরিমিত কমনীয়তার ঘর অত্যা-  
ঞ্জল হইল । তাহার অক্ষুটতরা অমৃতবর্ষিণী প্রাণানন্দ-  
দায়িনী কথ্যতে সকলের চিত্ত বিনোদিত হইত । পদ্মবিহীন  
সরোবর, গন্ধহীন পুষ্প, পুষ্পবিহীন উদ্যান, ফলশূন্য তরুবর,

সতীত্ববিহীন নারী, যেমন শোভাশূন্য বোধ হয়, এত দিগ  
 ব্রাহ্মগৃহও সেইরূপ সন্তানবিহীন অন্ধকারাচ্ছন্ন অশানবৎ  
 ছিল, কিন্তু এখন শিশুর ভাষণে ক্রীড়নে রোদনে ও মোদনে  
 গৃহ মধুময় হইয়া উঠিল । নৃপতি এক মাত্র পুত্রের চন্দ্রানন  
 দর্শন করিয়া পরম পরিতুষ্ট হইয়া ইহাকে কিরূপ বস্ত্র  
 সৎকারে রক্ষা করিবেন তাহারই উপায় উদ্ভাবনে ব্যাপৃত  
 হইলেন । শিশুর পরিপালনের জন্য দ্বাত্রিংশৎ জন ধাত্রী  
 নিযুক্ত হইল । তাছাদিগের আট জন শরীররক্ষণার্থ,  
 আট জন দুগ্ধ পান করাইবার জন্য, আটজন শয্যা পরি-  
 কৃত রাখিবার জন্য, আট জন ক্রীড়নাপর্ণ জন্য সর্বদা ব্যস্ত  
 থাকিত ।

অনন্তর মহারাজ একদা মনে ভাবিতে লাগিলেন  
 “কিমহং কুমারস্য নামধেয়ং করিষ্যামি” আমি সন্তানের  
 কি নাম রাখি । তখনই তাঁহার প্রতীতি হইল যে, “ভ্রাম্য হি  
 জাতমাত্রেণ মম সর্কার্থসমৃদ্ধাঃ সংসিদ্ধাঃ । ” এই শিশু জাত  
 মাত্রে আমার সমুদায় কামনাই সংসিদ্ধ হইয়াছে । অত-  
 এব “অহমস্য সর্কার্থসিদ্ধ ইতি নাম কুর্ঘ্যাং ” আমি  
 সর্কার্থসিদ্ধ ইহার নাম অর্পণ করিব । এইরূপ স্থির করিয়া  
 উচ্ছোদন খুব সমারোহ পূর্বক পুত্রের নামাকরণ ক্রিয়া  
 সম্পন্ন করিলেন । রাজ কুমার ক্রমেই সপ্তাহ হইতে  
 সপ্তাহে, পক্ষ হইতে পক্ষে, মাস হইতে মাসে, বৎসর হইতে  
 বৎসরে, উপনীত ও বর্দ্ধিত হইতে লাগিলেন । কাল সহ-



কারে অঙ্গপ্রত্যঙ্গ সকল পরিপুষ্ট ও সবল হইয়া উঠিল, স্বয়ং কথা কহিতে ও পদচালনা করিতে শিখিলেন । একদা মহারাজ শাক্যগণ সহ বসিয়া আছেন সহসা তাঁহার অন্তরে মারাদেবীর স্বপ্নবিবরণ উদ্ভিত হইল । তখন তিনি শাক্যগণের সঙ্গে কথোপকথনে প্রবৃত্ত হইলেন । এই কুমার কি চক্রবর্তী রাজা হইবেন, না প্রব্রজনার্থ সন্ন্যাসী হইয়া সংসার হইতে বহির্গত হইবেন? এইরূপ কথাবার্ত্তা হইতেছে এমন সময় হিমালয় পর্বতের পার্শ্বস্থ অসিত নামে এক পরম জ্ঞানী মহর্ষি নরদত্ত নামা ভাগিনের সহ কপিলবস্ত্র নগরে আসিয়া উপস্থিত হইলেন । ইনি কুমারের জন্ম উপলক্ষে স্বর্গে দেবলোকে অলৌকিক ব্যাপারসকল যোগচক্ষুতে ও দিব্যজ্ঞানে নিরীক্ষণ করিয়া রাজকুমারের শুভদর্শনাভি-প্রায়ে রাজদ্বারে আসিয়াছিলেন । মহর্ষি দৌবারিক দ্বারা রাজসমীপে সংবাদ দিলেন যে দ্বারে অসিত ঋষি দণ্ডায়মান । দৌবারিক তচ্ছুরণে ত্বরায় রাজার নিকটে গিয়া বলিল মহারাজ, এক জীর্ণ বৃদ্ধ 'মহল্লক' দ্বারে উপস্থিত । নৃপতি তাহা শুনিয়া বলিয়া পাঠাইলেন মহর্ষিকে প্রবেশ করিতে বল । অসিত ঋষি দৌবারিকের আদেশমত অন্তঃপুরে প্রবিষ্ট হইয়া নরেন্দ্রকে দর্শনমাত্র হস্তোত্তলন পূর্বক এই বলিয়া আশীর্বাদ করিলেন । "জয় জয় মহারাজ, চিরমায়ুঃ পালয় ধর্ম্মেণ রাজ্যং কারয় ।" অনন্তর নরনাথ

শুক্লোদন মহর্ষিকে পাদ্যার্থ্য দ্বারা অর্চনা করিয়া সাধু ও সূষ্ঠু বাক্যে সমাদর পূর্বক তাঁহাকে বসিবার জন্য আসন প্রদান করিলেন, এবং তাঁহাকে সুখোপবিষ্ট জানিয়া জিজ্ঞাসা করিলেন, “ভগবন্, আপনার দর্শনজন্য আমি ত স্মরণ করি নাই বা আশা করি নাই, তবে কি নিমিত্ত অভ্যাগত হইয়াছেন ?” তিনি বলিলেন মহারাজ, “আপনার পুত্র হইয়াছে তাই দেখিতে আসিয়াছি।” রাজা কহিলেন, কুমার এখন নিদ্রিত। ঋষি বলিলেন “মহারাজ, মহাপুরুষেরা চিরনিদ্রিত থাকেন না, তাঁহারা সদা জাগরণশীল।” মহারাজ ঋষির কথার পরিতুষ্ট হইয়া তৎক্ষণাৎ দুই বাছ প্রসারণ পূর্বক কুমারকে অঙ্কে লইয়া তৎসমীপে উপস্থিত হইলেন। অসিত ঋষি শিশুকে দ্বাত্রিংশৎ মহাপুরুষের লক্ষণে লক্ষণাক্রান্ত দেখিয়া, বিশেষতঃ দেবাভিভাবক অমিততেজ ও সৌন্দর্য্য অবলোকন করিয়া দীর্ঘ নিঃশ্বাস পরিত্যাগ করিলেন, তাঁহাকে প্রদক্ষিণ ও বন্দনা করিলেন এবং লক্ষণ দ্বারা কুমার গৃহে থাকিলে রাজচক্রবর্তী, প্রব্রজন করিলে তথাগত হইবেন বুঝিতে পারিলেন। তিনি ঈষৎ গম্ভীর ভাবে স্তম্ভিত বদনে রোদন করিতে লাগিলেন। অশ্রু জলে নয়ন ভাসিয়া গেল, ঘন ঘন দীর্ঘ নিঃশ্বাস পড়িতে লাগিল। রাজা অকস্মাৎ এই অননুভূত ব্যাপার সন্দর্শন মাত্র বিষন্ন ও ভীত হইলেন। ঋষির নয়নধারা বহিতেছে দেখিয়া তিনি নিতান্ত দীনমনা

হঠাৎ জিজ্ঞাসা করিলেন “ কিমিদম্বে, রোদিষি অশ্রুণি চ প্রবর্তয়সি গন্তীরঞ্চ নিঃশ্বসসি, মা খলু কুমারস্য কাচিদিপ্রতিপত্তিঃ ” । “তপোধন, আপনি কেন রোদন করিতেছেন ? এরূপ নমনবারি কিজন্য পতিত হইতেছে ? গন্তীর ভাবে নিঃশ্বাসই বা কেন ফেলিতেছেন ? কুমারের তো কোন অমঙ্গল ঘটিবে না ? ”

শ্বশি বলিলেন, “মহারাজ, আমি কুমারের জন্য রোদন করিতেছি না, তাঁহার কোন বিপদেরও আশঙ্কা নাই, কিন্তু আমি আমার নিজের জন্যই রোদন করিতেছি । মহারাজ, আমি জীর্ণ বৃদ্ধ অশক্ত মহল্লক, এই কুমার সর্বার্থসিদ্ধ, ভবিষ্যতে ইনি সম্যক্ জ্ঞান লাভ করিবেন ।

“সদেবকস্য লোকস্য হিতায় সুখায় ধর্ম্মং দেশয়িষ্যতি ।  
আদৌ কল্যাণং মধ্যে কল্যাণং পর্যাবসানে কল্যাণং স্বর্থে  
সুব্যঞ্জনং কেবলং পরিপূর্ণং পরিশুদ্ধং পর্যাবদাতং ব্রহ্মচর্য্যং  
পর্যাবসানে ধর্ম্মং সম্প্রকাশয়িষ্যতি । অস্মাকং ধর্ম্মং শ্রদ্ধা  
জ্ঞাতিধর্ম্মিণঃ সত্বা জাত্যা পরিমোক্ষ্যন্তে । এবং অরা-  
ব্যাধিমরণশোকপরিদেবহঃখদৌর্ম্মনস্যাপান্নায়াসেভ্যঃ পরি-  
মোক্ষ্যন্তে । রাগদ্বेषমোহাগ্নিসন্তপ্তানাং সত্বানাং সন্ধর্ম্মজল-  
ধর্ষণে প্রহ্লাদনং করিষ্যতি । নানাকুদৃষ্টিগ্রহণপ্রসন্নানাং  
সত্বানাং কুপথপ্রয়াতানামৃজুয়ার্গেণ নির্বাণ পথমুপনেষ্যতি ।  
সংসারপঞ্জরচারকাবরুদ্ধানাং ক্লেশবদ্ধনবদ্ধানাং সত্বানাং  
বদ্ধননির্মোক্ষং করিষ্যতি । অজ্ঞানতমস্তিমিরপটলপর্ধ্যবন-

ছনয়নানাং প্রজ্ঞাচক্ষুঃপাদয়িষ্যতি । ক্লেশশলাবিদ্ধানাং  
শল্যাঙ্করণং করিষ্যতি । তদাথা । মহারাজ উদ্ভয়রপুষ্পং  
কদাচিৎ কহিঁচিল্লোকে উৎপদ্যন্তে, এবমেব মহারাজ কদা-  
চিৎ কহিঁচিৎ বহুভিঃ কল্পকোটিনিযুতৈবুদ্ধাভগবন্তো  
লোক উৎপদ্যন্তে ।” ল বি ৭ অ ।

“মহারাজ, এইকুমার ভবিষ্যতে দেবলোক ও নরলোকের  
হিত ও সুখের জন্য ধর্ম উপদেশ দিবেন । ইনি আদিতে  
কল্যাণ, মধ্যো কল্যাণ, পর্যাবসানে কল্যাণ, সুন্দর অর্থযুক্ত  
সুব্যক্ত অমিশ্র পরিপূর্ণ পরিশুদ্ধ নির্দোষ ব্রহ্মচর্যা, পর্যাবসানে  
ধর্ম প্রকাশ করিবেন । আমাদের ধর্ম শ্রবণ করিয়া  
জাতিধর্মাক্রান্ত জীবগণ জাতিবিমুক্ত হইবে । এইরূপ জরা-  
ব্যাধি মরণ শোক পরিদেবনা হুঃখ ও দৌর্শ্বনস্য অপায় ও  
আয়াস হইতে মুক্ত হইবে । আর রাগ দ্বেষ মোহাশ্রি-  
সন্তপ্ত জীবগণের সাধু ধর্মরূপ জলবর্ষণে আহ্লাদ উৎপা-  
দন করিবেন ; বিবিধ কুদৃষ্টি গ্রহণ বশতঃ বিগত ও  
কুপথগামী জীবদিগকে সরল মার্গে নির্বাণপথে আনয়ন  
করিবেন ; সংসারপিঞ্জরকারাবদ্ধ ও ক্লেশবন্ধনে আবদ্ধ  
জীবের বন্ধন মোচন করিবেন ; আর অজ্ঞানাক্তারূপ  
তিমিরপটলাবৃত্তনয়ন লোকদিগের প্রজ্ঞাচক্ষু উৎপাদন  
করিবেন । যাহারা ক্লেশশলাবিদ্ধ তাহাদিগের ক্লেশ  
শল্যা উদ্ধরণ করিবেন । মহারাজ, উদ্ভয়রপুষ্প যেমন  
কখন কদাচিৎ লোকে উৎপন্ন হয় তেমনি কে যববর

কখন কদাচিৎ বহু কোটি নিযুত কল্পান্তে ভগবান্ বুদ্ধদেবগণ ইহলোকে উৎপন্ন হইয়া থাকেন ।” অসিত-মহর্ষি এইরূপে কুমারের গুণ বর্ণনা করিয়া তৎপরে কুমা-রের দ্বাত্রিংশৎ মহাপুরুষলক্ষণ এবং দেহস্থ অশীতি প্রব্রজনানুব্যাঞ্জন ব্যাখ্যা করিয়া চলিয়া গেলেন । শাক্য-রাজ শুদ্ধোদন ঋষিপ্রমুখাৎ এই প্রকার অলৌকিক লক্ষণ এবং পুত্রের মহাপুরুষত্ব শ্রবণ করিয়া প্রীতমনা হইলেন এবং সম্রমে কুমারের চরণ বন্দনা করিয়া এই গাথা উচ্চারণ করিলেন ;

“ বন্দিতস্বঃ সুরৈঃ সৈত্ৰৈঃ ঋষিভিশ্চাপি পূজিতঃ ।

বৈদ্যঃ সর্বস্য লোকস্য বন্দেহমপি ত্বাং বিভো ॥ ”

“ইন্দ্রাদি দেবতা তোমাকে বন্দনা করেন, ঋষিগণ কর্তৃকও তুমি পূজিত হইলে, তুমি সকল লোকের চিকিৎসক, হে বিভো, আমিও তোমাকে বন্দনা করি ।” মহর্ষি অসিত তাঁহার ভাগিনের নরদত্তকে এই উপদেশ করিলেন, “ তুমি যখন শ্রবণ করিবে যে ইহলোকে বুদ্ধ উৎপন্ন হইয়াছেন, তখন তাঁহার নিকট গমন করিয়া তাঁহার শাসনানুসারে প্রব্রজন করিবে । ইহা তোমার চিরদিনের জ্ঞান্য অর্থ, হিত এবং সুখের কারণ হইবে । ”

অনন্তর রাজকুমারের ক্রমে বিদ্যারম্ভের সময় উপস্থিত হইল । মহারাজ আচার্য্য ও উপাধ্যায় বিশ্বামিত্রকে আহ্বান করিলেন । উপাধ্যায় আহ্বানমাত্র রাজসমীপে উপস্থিত

হইলেন । নৃপতি তাঁহাকে কুমারের বিদ্যারম্ভের বিষয় জ্ঞাপন করাতে বিশ্বামিত্র বিলক্ষণ সন্তুষ্ট হইয়া বলিলেন “মহারাজ ! কুমার যেরূপ সুশীল ও বুদ্ধিমান তাহাতে অতি সহজেই অল্পকালের মধ্যে বিবিধ বিদ্যায় পারদর্শী হইবেন সন্দেহ নাই ।” তাঁহার এই কথা শুনিয়া রাজার আর আনন্দের সীমা পরিসীমা রহিল না । তখন মহীপতি-শুদ্ধোদন স্তম্ভচিত্তে কুমারকে মানালঙ্কারে বিভূষিত ও স্নান করাইয়া এবং চন্দনের দ্বারা গাত্রানুষ্লেপন পূর্বক তাঁহার অঙ্গুলি ধরিয়া লিপিশালায় লইয়া গেলেন । তিনি ভগবান্কে স্মরণ করিয়া বিশ্বামিত্রের হস্তে কুমারকে সমর্পণ করিলেন । কথিত আছে কুমার উপাধ্যায় সমীপে গমন করিয়া চৌষটি \* প্রকারের লিপি প্রণালী উল্লেখ করিয়া কোন্ প্রকারের লিপি তাঁহাকে শিক্ষা প্রদান করিবেন উপাধ্যায়কে জিজ্ঞাসা করেন, ইহাতে উপাধ্যায়ের যে কিছু বিদ্যাবত্তার অভিমান ছিল তাহা তিরোহিত হয় । সে যাহা হউক, উপাধ্যায় যথারীতি শিক্ষা দিতে লাগিলেন । শাক্যতনয় অলৌকিক বুদ্ধিবলে ক্রমে সমুদায় শিক্ষণীয়

---

\* এই চৌষটি প্রকারের লিপিমধ্যে তখন কি কি লিপি প্রচলিত ছিল বুঝিতে পারা যায় । যথা, অঙ্গলিপি, বঙ্গলিপি, মাগধলিপি, শকারিলিপি, দ্রাবিড়লিপি, কিনারিলিপি, দক্ষিণলিপি, উগ্রলিপি, দরদলিপি, খাস্যালিপি, চীনলিপি, হুণলিপি ইত্যাদি ।

বিষয় শিক্ষা করিলেন । কথিত আছে যে কুমারের সঙ্গে বহুসংখ্যক বালক শিক্ষা লাভ করিতেছিল । তাহারা যখন তাঁহার সঙ্গে অকারাদি মাতৃকাবর্ণ শিক্ষা করিতেছিল তখন তাঁহার প্রভাবে তাহাদিগের মুখ হইতে এক এক বর্ণের সঙ্গে সঙ্গে অকারে সমুদায় সংস্কার অনিত্য, আকারে আত্মপরহিত ইত্যাদি উচ্চতর ধর্মের কথা সকল স্বতঃ বিনিঃসৃত হইতেছিল । ফল কথা এই, প্রতিবর্ষে শাক্যের অন্তরস্থ স্বর্গীয় জ্ঞানের বিকাশ হইতে লাগিল । প্রহ্লাদ যেমন 'ক' দেখিয়া কাঁদিয়াছিলেন, রাজকুমারও তদ্রূপ 'অ' দেখিয়া সকল অনিত্য এই জ্ঞান উপলব্ধি করেন । মহাপুরুষদের বাল্যকালেই এমন সকল লক্ষণ প্রকাশিত হয় যাহা লোকসাধারণ নহে, এবং তাঁহারা যে ভবিষ্যতে মহান্ ব্যাপারসকল সম্পন্ন করিয়া কীর্ত্তি স্থাপন করিবেন তদ্বারা তাহাও বেশ অনুমিত হয় । শাক্যের অধ্যয়নকালে যে মহত্ত্ব লক্ষিত হইবে তাহা আর বিচিত্র কি ? ফলতঃ যত তাঁহার বয়োবৃদ্ধি হইতে লাগিল ততই তাঁহার প্রকৃতি অতি গম্ভীর ভাব ধারণ করিল । তিনি অপরাপর বালকের ন্যায় ক্রীড়া কোতুকে আসক্ত থাকিতেন না, স্বভাবতঃ ধীর ও প্রশান্ত ছিলেন । সুতরাং তাঁহার স্বভাবে বড় চপলতা দেখা যাইত না । স্থিরতা বশতঃ মন নিত্যন্ত গম্ভীর ও চিন্তাশীল হইয়া পড়িয়াছিল ।

একদা তিনি সমভিব্যাহারী অমাত্যপুত্রগণের সঙ্গে কৃষকদিগের গ্রাম পরিদর্শন করিতে যান। গ্রামে নির্জল উদ্যানভূমি দর্শনমাত্র তিনি তাহাতে প্রবেশ করেন। সঙ্গীগণকে পরিত্যাগ করিয়া তিনি একাকী ভ্রমণ করিতে লাগিলেন। একটি সুন্দর জম্বুবৃক্ষ অবলোকন করিয়া তাহার তলে বসিয়া গভীর চিন্তায় মগ্ন হইলেন। সময়ে সময়ে তিনি একরূপ চিন্তায় মগ্ন থাকিতেন যে সঙ্গীরা তাঁহাকে খুঁজিয়া পাইত না। নির্জনপ্রিয়তা তাঁহার বিশেষ প্রবল ছিল। একাকী চিন্তায় অপূর্ণ সুখ লাভ হইত বলিয়া তিনি মধ্যো মধ্যো এইরূপে বিচ্ছিন্ন হইয়া প্রস্থান করিতেন। বাস্তবিক শাক্য কখন কখন এত দূর মগ্ন হইতেন যে কেহ তাঁহাকে ডাকিয়া উত্তর পাইত না। তিনি জম্বুবৃক্ষতলে ধ্যানস্থ হইয়া ক্রমে ধ্যানের চতুর্থ অবস্থাতে \* নিমগ্ন হইলেন। এ দিকে রাজা শুক্লোদন কুমারকে দেখিতে না পাইয়া বিমনা হইলেন। বহুলোক তাঁহার অবেষণে নির্গত হইল। এক জন অমাত্য আসিয়া দেখে যে কুমার জম্বুবৃক্ষমূলে ধ্যানস্থ। সে তৎক্ষণাৎ রাজার নিকট সংবাদ দিল, “মহারাজ” এক বার তুরায় আসিয়া কুমারকে দেখুন।

---

\* (১) সবিতর্ক (২) অবিতর্ক (৩) সংপ্রজ্ঞাত, (৪) নির্বীজ।



“পশ্য দেব কুমারোরং জম্বুচ্ছায়াং (১) হি ধ্যায়তি ।  
 যথা শক্ৰোহ যথা ব্রহ্মা শ্রিয়া তেজেন (২) শোভতে ॥  
 যস্য বৃক্ষস্য চ্ছায়ায়াং নিবগ্নো বরলক্ষণঃ ।  
 সৈনং ন জহতে (৩) চ্ছায়া ধ্যায়ন্তং পুরুষোত্তমং ॥”

ল বি ১১ অ,

“এই কুমার জম্বুচ্ছায়াতে বসিয়া ধ্যান করিতেছেন ।  
 ইনি রূপে ইন্দ্র কিংবা তেজে ব্রহ্মার ন্যায় শোভা পাইতে  
 ছেন । উত্তমলক্ষণযুক্ত কুমার যে বৃক্ষের চ্ছায়ায় বসিয়া  
 আছেন সেই চ্ছায়া ধ্যানস্থ এই পুরুষোত্তমকে পরিত্যাগ  
 করে নাই । কি অপূর্ব ব্যাপার ।”

মহারাজ শুক্লোদন কুমারকে তাদৃশ অবস্থাপন্ন দেখিয়া  
 অত্যাশ্চর্য্যান্বিত হইয়া মনে মনে বলিলেন ;

“ছতাশনো বা গিরিমূর্ধ্নি সংস্থিতঃ

শশীব নক্ষত্রগণাবকীর্ণঃ ।

বেধন্তি (৪) গাত্রাণি মি (৫) পশাতো (৬) ইমং

ধ্যায়ন্ত (৭) তেজেন (৮) প্রদীপকল্পং ॥”

ল, বি, ১১ অ ।

“হায় ! ইনি পর্বতশিখরস্থ অগ্নির ন্যায়, তারকামণ্ডিত  
 শশধরের ন্যায় । এই ধ্যানস্থ কুমার তেজে দীপকল্প । তাঁহাকে

- 
- (১) চ্ছায়ায়াং । (২) তেজসা । (৩) জাহতি ।  
 (৪) দহ্যন্তে (৫) মে (৬) পশ্যতঃ (৭) ধ্যায়ন্তম্  
 (৮) তেজসা ।

দর্শন করিয়া আমার সর্বশরীর যে দগ্ধ হইয়া যাইতেছে ।”  
শাক্যপতি মনে মনে কুমারের চরণে প্রণাম করিলেন ।  
ইত্যবসরে তিলবাহক শিশুগণ তথায় আসিয়া উপস্থিত  
হইল । সে সময়ে অমাত্যগণ নিস্পন্দভাবে বসিয়া কুমা-  
রের অবস্থা নিরীক্ষণ করিতেছিলেন, তাহারা কোলা-  
হল করতে শব্দ করিতে নিষেধ করিলেন । তাহারা  
বলিল কেন ? অমাত্যগণ কহিলেন ;

“ব্যাবৃন্তে তিমিরনুদস্য মণ্ডলেহপি

ব্যোমাতং শুভবরলক্ষণাগ্রধারিঃ ( ১ ) ।

ধ্যায়ন্তুং গিরিমিব নিশ্চলং নরেন্দ্রপুত্রং

সিদ্ধার্থং ন জহাতি সৈব বৃক্ষচ্ছায়া ॥”

তোমরা কি দেখিতেছ ? এই যে নরেন্দ্র পুত্র সিদ্ধার্থ  
অটল অচলের ন্যায় ধ্যানস্থ হইয়া আছেন । সূর্য্যমণ্ডল  
অস্তমিত হইলে আকাশের ষাদৃশী শোভা হয় এই কুমারের  
মুখমণ্ডলে সেইরূপ জ্যোতিঃ প্রকাশ পাইতেছে, ইনি শুভ  
লক্ষণাক্রান্ত । বৃক্ষচ্ছায়া ইহাকে এখনো পরিত্যাগ করি-  
তেছে না ।” কিছুকাল পরে কুমার সমাধি হইতে উত্থান  
করিয়া পিতাকে এবং সমাগত লোকমণ্ডলীকে অবলোকন  
করিয়া বলিলেন ;

“ উৎসৃজ্য তাত কৃষিয়া ( ২ ) পুরতো গবেষাম্ ।”

( ১ ) শুভবরাগ্রলক্ষণধরম্ । ( ২ ) কৃষিম্ ।

হে তাত, এই কৃষিকার্য্য হিংসাবহুল, ইহাকে আপনি পরিত্যাগ করুন ।

“ যদি স্বর্ণকার্য্য (১) অহ স্বর্ণ (২) প্রবর্ষয়িষ্যে  
যদি বস্ত্রকার্য্য অহমেব প্রাদাস্য (৩) বস্ত্রান্ (৪) ।  
অথবান্যকার্য্য অহমেব প্রবর্ষয়িষ্যে  
সম্যক্ প্রযুক্ত (৫) ভব সর্ব্বজগে (৬) নরেন্দ্র ॥ ”

“যদি স্বর্ণ উৎপাদন করিতে হয়, আমি স্বর্ণ বর্ষণ করিব ।  
যদি বস্ত্র উৎপাদন করিতে হয়, আমি বস্ত্রসমূহ প্রদান  
করিব, যদি আর কিছু উৎপাদন করিতে হয়, আমি সে  
সকল বর্ষণ করিব । আপনি সমুদায় জগতের বিষয়ে সম্যক্  
যোগযুক্ত হউন ।” কুমার এইরূপ অনুশাসন করিয়া পুরীতে  
প্রবেশ করিলেন এবং গুহ্ণসত্ত্ব নৈকশ্ম্যযুক্তমনা হইয়া বাস  
করিতে লাগিলেন ।

### কুমারের পরিণয় ।

দেখিতে দেখিতে কুমার যৌবনপদে পদার্পণ করিলেন ।  
বিকচ পদ্মের শোভা কে না দর্শন করিয়াছে ? কোরকিত  
অবস্থার শোভা হইতে প্রক্ষুটিত কুম্বের সৌন্দর্য্য অধি-

( ১ ) কার্য্যং । এবং সর্ব্বত্র । ( ২ ) স্বর্ণং ( ৩ ) প্রদাস্যে  
( ৪ ) বস্ত্রানি ( ৫ ) প্রযুক্তঃ ( ৬ ) জগতি ।

কতর । কুম্ভকুটালে কি মধুপ গুণগুণ রবে মধুপানোন্নত  
 হইয়া বসিতে স্থান পায়, না তাহার ভিতরে প্রবেশ করিতে  
 পারে ? কিন্তু কুম্বারে স্থান পাইয়াছিল । তিনি রূপের ডালি  
 রূপের কূপ । যৌবনবিকাশে কুম্বারের সৌন্দর্য্য বিস্তৃত  
 হইয়া পড়িল । প্রচ্ছন্নরূপ প্রক্ষুটিত হইল, দিবা লাবণ্য  
 সর্বাঙ্গ মনোহর করিল । পৃথিবীর লোক যৌবনের  
 সৌরভে পক্ষীর কলকণ্ঠকুঞ্জে উৎকণ্ঠিত হয়, লতামণ্ড-  
 পের শোভাসন্দর্শনে উন্মনা হয় ; কিন্তু এই রাজতনয়ের  
 যৌবনকুম্ভ ভিতরে উন্মেষিত হইলে আত্মচিন্তনে স্পৃহা  
 বলবতী হইল, ধ্যানস্থ থাকিতে তাঁহার বাসনা বাড়িল ।  
 এদিকে শাক্যরাজ শুক্লোদন নিতান্ত ক্ষুব্ধ চিত্তে কুম্বারের  
 বিষয় ভাবিতে লাগিলেন, তাঁহাকে সাংসারিক সুখে সুখী  
 করিবার জন্য নানা উপায় চিন্তা করিতে লাগিলেন ।  
 এমন সময় মহান্নক প্রভৃতি কতকগুলি শাক্য আদিয়া  
 বলিল, “মহারাজ ! দৈবজ্ঞ ব্রাহ্মণেরা নিশ্চয় করিয়া বলি-  
 য়াছেন যে ;—

“ যদি কুম্বারোহভিনিষ্কুমিষ্যতি তথাগতো ভবি-  
 ষ্যতি । অহঁনু স্যাক্ সন্থকঃ । উত নাভিনিষ্কুমিষ্যতি  
 রাজ্ঞা ভবিষ্যতি । চক্রবর্তী চ বিজিতবান্ ধার্ম্মিকো ধর্ম্মরাজঃ  
 সপ্তরত্নসমভাগতঃ । \* \* পূর্ণকাম্য পুত্রসহস্রং \* \* ।  
 সেইমং পৃথিবীমণ্ডলমদণ্ডেনাশস্ত্রেণাভিনির্জিত্যাধ্যাবসি-  
 ষ্যতি সহ ধর্ম্মেণেতি । - ল বি ১২ অং ।

“যদি আমাদের কুমার প্রব্রজ্যা করেন তাহা হইলে তথা-  
 গত হইয়া সম্যক জ্ঞানযুক্ত অর্হৎ হইবেন, আর যদি  
 তিনি সংসারশ্রমে অৱস্থিতি করেন তাহাহইলে রাজা-  
 হইয়া চক্রবর্তী বিজেতা ধার্মিক ধর্মরাজ এবং [ চক্ররত্নাদি ]  
 সপ্তরত্নযুক্ত হইবেন । ইনি সহস্র পুত্রের পিতা হইবেন ।  
 রিমা দণ্ডে বিনা শস্ত্রে সমুদায় পৃথিবী নির্জিত করিয়া  
 ইনি ধর্ম সহকারে তদুপরি আধিপত্য করিবেন । অতএব  
 মহারাজ, কুমারকে অচিরাৎ বিবাহিত করাই কর্তব্য,  
 তাহা হইলে ইনি সংসারে অনুরক্ত হইবেন, শাক্য বংশের  
 আর চক্রবর্তিত্ব বিলোপ হইবে না । শাক্যগণের এই কথা  
 শুনিয়া রাজার মনে কত প্রকার আন্দোলন হইতে লাগিল ।  
 তাই তো কুমারের যৌবনলক্ষণসকল লক্ষিত হইয়াছে,  
 পুষ্পোদ্যমে সৌরভ ছুটে কিন্তু আনার কুমারের যৌবন-  
 কুমুমের সে সৌরভ নাই । ইহার গতি অন্য দিকে, ইহার  
 ভাবান্তর দেখিয়া কতই না আশঙ্কা হয় । যৌবনের প্রারম্ভেই  
 যখন ইহার এতাদৃশ বিরাগ, তখন না জানি ভবিষ্যতে কি  
 ঘটে । যাহা হউক পরিনীত হইলে সংসারের প্রতি আস্থা  
 হইবে, তাহাতে আর সন্দেহ নাই । এইরূপ স্থির করিয়া  
 অন্তঃ পর তিনি কন্যা অন্বেষণ করিবার আদেশ করিলেন,  
 শত শত শাক্য কন্যাদানের নিমিত্ত উদ্যত হইল । সকলেই  
 বলিতে লাগিল, মহারাজ, আমার হৃহিতা কুমারের অমু-  
 রূপা হইবে । রাজা শুকোদন বলিলেন, তোমরা কুমারকে

জানাও কোন কন্যা তাঁহার মনোনীতা হইবে। তাহারা সকলেই রাজতনয় শাক্যের নিকট গিয়া বিবাহের প্রস্তাব করান্তে তিনি বলিলেন সপ্তম দিবসে আমি ইহার উত্তর দিব। এই সময়ে মহাত্মা শাক্যসিংহের ঘোরপরীক্ষা উপস্থিত হইল। তাঁহার অন্তরে গভীর আন্দোলন হইতে লাগিল। তরঙ্গান্বিত গভীর জলধির ন্যায় তাঁহার চিত্ত বিক্ষিপ্ত হইতে লাগিল। এক এক বার অন্তরস্থ সমুজ্জ্বলিত আলোকে সিদ্ধান্তে উপনীত হইলেন, আবার পরক্ষণেই ভাবান্তরে চাঞ্চিত হইলেন। বাস্তবিক জীবনে যখন গুরুতর কর্তব্যবোধ বেগ প্রবল হয়, বিবেকের অপ্রতিহত আদেশ হৃদয়কে উত্তেজিত করিতে থাকে, তখন ভিতরে সূদূরপরাহত সংগ্রামের রোল উঠিতে থাকে। তখন মানবীয় বুদ্ধি বিচার বিলুপ্ত হইয়া যায়, কখন কখন চিত্ত কিংকর্তব্য বিমূঢ় হইয়া পড়ে। পৃথিবীর সাধারণ লোক এই অবস্থার স্বর্গীয় আলোক তাদৃশ ধরিতে পারে না, কিন্তু কৃপাসিদ্ধ ঐশী শক্তিসম্পন্ন মহাপুরুষেরা এই অবসরে সেই আলোক সহজে প্রতীতি করেন। শাক্যাদিপতির তনয় শাক্য ঐ সাত দিন ক্রমাগত নিজ জীবনের উদ্দেশ্য ও বিশেষ কার্য পর্যালোচনা করিতে প্রবৃত্ত হইয়াছিলেন। পরিণত তাঁহার কার্যের বিশেষ প্রতিবন্ধক হইবে কি না তাহাই বার বার চিন্তা করিতে লাগিলেন।

“ বিদিতং ময়ানন্তকামদোষাঃ শরণসর্বরাসশোকহঃখ-

মূল্য ভয়ঙ্করবিষপত্রসম্মিকাসা জলননিভা অসিধারাতুল্যরূপাঃ  
কামগুণে নমেহস্তি চ্ছন্দঃ রাগো ন চাহং শোভে জ্যাগার-  
মধ্যে যোহব্রহ্মুপবনে বসেয়ং, তুষ্ণীং ধ্যানসমাধিসুখে  
শান্তচিত্তঃ । ” ল, বি, ১২, অ, ।

আমি কামভোগের অনন্ত দোষ জ্ঞাত আছি। ইহা  
বিনাশ, সর্ববিধকোলাহল ও শোক হৃৎখের মূল, ভয়ঙ্কর  
বিষপত্র তুল্য, অলস্তু অগ্নির সদৃশ, অসি ধারার ন্যায়, কাম-  
ভোগে আমার রুচি নাই অনুরাগও নাই। যে আমি ধ্যান-  
সমাধিসুখে শান্তচিত্ত হইয়া তুষ্ণীস্তাবে উপবনে বাস  
করিব সেই আমি কি স্ত্রীগৃহে বাস করিতে পারি ?  
না তাহা আমার শোভা পায় ?

“স পুনরপি মীমাংসোপারকৌশল্যামুখীকৃত্য সত্ব-  
পরিপাকয়েব বক্ষ্যমাণো মহাকরণাং সঞ্জনয্য তস্যাং বেলা-  
য়ামিমাং গাথামভাষত । ”

আবার তিনি সিদ্ধান্ত করিলেন, উপায় কৌশল সমু-  
খীন করতঃ সত্বপরিপাক কিরূপে করিতে হয় প্রকাশ  
করিতে হইবে। এই ভাবিয়া তাঁহার মহাকরণা উপস্থিত  
হইল। সে সময়ে তিনি এই গাথা উচ্চারণ করিয়াছিলেন।

• সঙ্কীর্ণ ( ১ ) পঙ্কি ( ২ ) পদ্মানি ( ৩ ) বিবৃদ্ধিমেন্তি ( ৪ )  
আকীর্ণ ( ৫ ) রাজু জলন্যা, লভাতি ( ৬ ) পূজাং ।

( ১ ) সঙ্কার্গানি । ( ২ ) পঙ্কৈঃ । ( ৩ ) পদ্মানি  
( ৪ ) আযান্তি । ( ৫ ) রাজন্তি ( ৬ ) । লভন্তে ।

যদি বোধিসত্ত্ব ( ৭ ) পরিবারবলং লভস্বে ( ৮ )

তদ ( ৯ ) সত্ত্বকোটি নিযুতান্যমৃতে বিনেস্তি ॥ ( ১০ )

যে চাপি পূর্বক ( ১১ ) অভূব্বিহু ( ১২ ) বোধিসত্ত্বাঃ

সর্কেভি ( ১৩ ) ভার্য্য সূত ( ১৪ ) দর্শিত ( ১৫ )

ইস্ত্রিগারাঃ ( ১৬ ) ।

নচ রাগ রক্ত ( ১৭ ) নচ ধ্যানসুখেভি ( ১৮ ) ভ্রষ্টা

হস্তানু শিক্ষীর ( ১৯ ) অহং পি গুণেষু ( ২০ ) তেষাং ॥

লঃ বিঃ ১২ অং ।

সঙ্কুচিত পদ্য পক্ষেই বৃদ্ধি পায় । পদ্য জলে ছড়াইয়া দিলে শোভাযুক্ত হয় এবং সকলের সমাদর লাভ করে । যদি বোধিসত্ত্ব হইয়া পরিবারবল লাভ করি, তাহা হইলে অসংখ্য প্রাণীকে অমৃতের পথে সং শিক্ষা দান করিতে সক্ষম হইব । যাহারা পূর্ববোধিসত্ত্ব ছিলেন, তাঁহারাও ভার্য্য সূত স্ত্রী আগার [ অর্থাৎ সংসারাবাস ] দেখাইয়া গিয়াছেন । অথচ তাঁহারা আসক্ত হন নাই, পরিলভ্য হন নাই । আমিও ধ্যানসুখে তাঁহাদিগের গুণ লোককে শিক্ষা দিব । অতএব লোক শিক্ষার নিমিত্ত আমাকেও ভার্য্য গ্রহণ করা আবশ্যিক । তিনি

( ৭ ) বোধিসত্ত্বঃ । ( ৮ ) লপ্যতে । ( ৯ ) তদা ।

( ১০ ) বিনেষ্যতি । ( ১১ ) পূর্বকঃ । ( ১২ ) অভূবন্ ।

( ১৩ ) সর্কেঃ । ( ১৪ ) ভার্য্যাসূতাঃ । ( ১৫ ) দর্শিতাঃ ।

( ১৬ ) স্ত্রীগাণি । ( ১৭ ) রাগরক্তাঃ ।

( ১৮ ) ধ্যানসুখেঃ । ( ১৯ ) অনুশিক্ষিষ্যে । ( ২০ ) গুণান্ ।



সর্ব্বশেষে এই সিদ্ধান্ত স্থির করিয়া সপ্তম দিনে নিজ অভিপ্রায় ব্যক্ত করিলেন। এত সংগ্রামের ও বিজয়ের পর তাহার হৃদয়াকাশে পূর্ণ শশীর প্রকাশ হইল, সন্দেহহিতিমির তিরোহিত হইল। মানসপটে সিদ্ধান্ত-চক্ষিকা বিস্তৃত হইল। তিনি পিতা শুদ্ধোদনের নিকট কন্যার গুণদোষক গাথা প্রেরণ করিলেন। তিনি সেই গাথা পাঠ করিয়া পুরোহিতকে বলিলেন।

“ ব্রাহ্মণীং ক্ষত্রিয়াং কন্যাং বৈশ্যাং শূদ্রাং তথৈব চ ।

বম্যা এতে গুণাঃ সন্তি তাং মে কন্যাং প্রবেদয় ॥

ন কুলেন ন গোত্রেণ কুমারো মম বিস্মিতঃ ।

গুণে সত্যে চ ধর্ম্মে চ তত্রাস্য রমতে মনঃ ॥”

ব্রাহ্মণ ক্ষত্রিয় বৈশ্য বা শূদ্র যে কোন জাতির কন্যা হউক না, যে এতাদৃশী গুণসম্পন্ন, সেই কন্যার কথা আমাকে আসিয়া বলুন। আমার পুত্র কুল বা গোত্রে পরিতুষ্ট নহেন। গুণেতে সত্যোতে এবং ধর্ম্মেতে যে কন্যা শ্রেষ্ঠা তাহাতেই ইহার মন আনন্দিত। যে কন্যা ঈর্ষাদি গুণযুক্তা নহে, সদা সত্যবাদিনী, রূপে অপ্রমত্তা থাকিয়া কুমারের চিন্তাভিনন্দনে সক্ষম, যাহার জন্ম কুল গোত্র পরিগুহ, গাথা লেখনে সুদক্ষা ও রূপর্যোবনে শ্রেষ্ঠ হইয়াও রূপে অগর্বিতা; মাতা এবং ভগ্নীর প্রতি স্নেহাধিতা, দানশীলা, যাহার অবমাননা প্রভৃতি নিখিল দোষ নাই, যে শঠতা, মায়া, কক্ষবাক্য জানে না, যে স্বপ্নেও পরপুরুষের

প্রতি কামনা রাখে না, যে স্বীয় পতিতেই নিয়ত পরিতুষ্টা, সদা সংযতেন্দ্রিয়া, দান্তিকা উদ্ধতা বা প্রগল্ভা নহে । যে কল্পনা জানে না তোষামোদও করে না, যে পানভোজনে অনাসক্তা, যে সর্বদা সত্যো অবস্থিতি করে, এবং যে স্থিরবুদ্ধি ও ভ্রান্তিহীন, যে লজ্জাবতী ও দৃষ্টিমঙ্গলরতা এবং ধার্মিকা, যে কার্যমনোবাক্যে সদা পরিশুদ্ধা, যে মীমাংসাকুশলা, মানিনী নহে ও ধর্ম্যাচারিণী, যে শৃঙ্গব ও শৃঙ্গর প্রতি সেবাতৎপরী ও আত্মসদৃশ দাসী কলত্র জনের প্রতি প্রেমযুক্তা এবং যে শাস্ত্রজ্ঞা এবং সকল বিষয়ে নিপুণা । যে সকলে শয়ন করিলে শয়ানা হর, সর্বাগ্রে শয্যা হইতে গাত্রোত্থান করে, যে সকলের প্রতি মৈত্র ব্যবহার করে ও কুহকাদ জানে না, সকলের নিকট মাতৃস্বরূপা, ঈদৃশী কন্যা আমার কুমারের অভিমত । নৃপতিবর শুক্কোদন পুরোহিতকে এতাদৃশী পাত্রী অনুসন্ধান করিতে আদেশ করিলেন । পুরোহিত সেই গাথা হস্তে করিয়া পাত্রীর অনুসন্ধানে প্রবৃত্ত হইলেন । কোথাও তদনুরূপ কন্যা দেখিতে পাইলেন না । অনন্তর দণ্ডপানি-নামা শাক্যের গৃহে প্রবেশ করিয়া অনুরূপ কন্যা অবলোকন করিলেন । কন্যা তাঁহাকে জিজ্ঞাসা করিল মহাশয় আপনি কি চান । তিনি বলিলেন,

“শুক্কোদনস্য তনয়ঃ পরমাভিক্রুপো

স্বাত্রিংশলক্ষগধরো গুণতেজযুক্তঃ ।

তেনেতি গাথলিখিতা গুণয়ে বধূনাহ

যস্যা গুণাস্তি হি ইমে স হি তস্যা পত্নী ॥

শুক্লোদন তনয় অতি রূপবান্ ছাত্রিংশৎ মহালক্ষণযুক্ত,  
গুণবান্ ও তেজীরান্, বধূজনের গুণ প্রদর্শন করিবার জন্য  
তিনি এই গাথা লিখিয়াছেন। যাহার এই সকল গুণ  
আছে তিনি তাঁহার পত্নী হইবেন। কন্যা উত্তর দিলেন।

“মহোতি ব্রাহ্মণ গুণা অনুরূপসর্কে

সো মে পতি ভবিতু সৌম্য সুরূপরূপঃ ।

ভগহি কুমারু যদি কার্য্য মা বিলম্বঃ

মা হীনপ্রাকৃতজনেন ভবেয় বাসঃ ॥”

হে ব্রাহ্মণ হে সৌম্য, এ সকল অনুরূপগুণ আমাতে  
আছে। সুন্দর রূপযুক্ত তিনিই আমার পতি হউন।  
কুমারকে গিয়া বল যদি করণীয় হয় বিলম্বে প্রয়োজন  
নাই। হীন প্রাকৃত জনসহ যেন কখন বাস না হয়।

পুরোহিত নৃপতি শুক্লোদনের নিকট গিয়া নিবেদন  
করিলেন, মহারাজ কুমারের অনুরূপ কন্যা দেখিয়াছি,  
ইনি দণ্ডপাণি শাট্কার তনয়া। রাজা বলিলেন কুমার  
সামান্য নহেন, তিনি আপনি গুণবতী কন্যা মনোনীত  
করেন, ইহাই শ্রেয়ঃ। এই কার্য্য সম্পাদনের জন্য একটি  
উপায় করা যাউক। স্বর্ণ রজত বৈদূর্য্য এবং বিবিধ  
রত্নময় অশোকভাণ্ড কুমার আমন্ত্রিত কুমারীগণকে অর্পণ  
করুন। সেই সকল কুমারী মধ্যে যাহার প্রতি কুমারের

দৃষ্ট পড়ে তাহাকেই তাঁহার জন্য বরণ করা যাইবে । রাজা এই বলিয়া নগরে ঘোষণা দিলেন কুমার সপ্তম দিনে বাহিব হইয়া কুমারীগণকে অশোকভাণ্ড অর্পণ করিবেন, সমুদায় কুমারীগণ যেন সংস্থাগারে উপস্থিত হয় । নির্দিষ্ট দিনে কুমার সংস্থাগারে ভদ্রামনে উপবিষ্ট হইলেন । রাজা তাঁহার অভিপ্রায় জানিবার জন্য গুপ্তচর রাখিয়া দিলেন । কন্যাগণ তাঁহার প্রভাব সহ্য করিতে পারিল না । অশোকভাণ্ড গ্রহণ করিয়া শীঘ্র শীঘ্র প্রস্থান করিল । দাসীগণ পরিবৃত্তা দণ্ডপাণি নন্দিনী গোপা তাঁহার সমীপে আসিয়াই অনিমেষ যুগলনয়নে কুমারের রূপলাবণ্য দর্শন করিলেন । বরাননা সেই রূপমাগরে ডুবিয়া গেলেন । কুমারের চক্ষু তাঁহাতেই নিবিষ্ট হইল, আর কোথায় ফিরে না । দণ্ডপাণির তনয়া গোপা রাজ কুমারের নাম শ্রবণ মাত্র মনে মনে পতিত্ব বরণ করিয়াছিলেন । তবে তাঁহার পক্ষে দর্শন বাহিরের পরিচর ও কুলধর্ম মাত্র । পরিণয় কি অদ্ভুত, ইহা প্রজাপতি বিধাতার এক অপূর্ব প্রেম-লীলা, কিন্তু অলৌকিক ও দুর্কোধ্য । কে দুই অপরিচিত হৃদয়কে মিশ্রিত পরিচিত ও একীভূত করে, কে উভয়ের হস্তকে একত্র মিলিত করে, কে পরস্পরের নয়নকে একস্থানে সংস্থাপিত করিয়া দ্বৈতভাব বিলোপ করে, কাহার গুণে এক অপরের হৃদয়ে প্রবিষ্ট ও লুক্কায়িত হইয়া যায়, কে একের শোণিত অপরের সঙ্গে মিশাইয়া

দেয়, কে উভয়কে উভয়ের সুখ দুঃখের ভাগী করে,  
 কে একের প্রাণ অপরের সঙ্গে মিশ্রিত করিয়া দ্রবী-  
 কৃতধাতুর মত তরল প্রেমরসামিশ্রিত করিয়া রাখে ।  
 কে ইহার তত্ত্ব বলিবে ? একের নয়নজল অপরের নয়ন  
 জলে মিশিয়া নদী হয় কেন, ছুটে অঙ্গ এক হইয়া যায় কেন ?  
 উভয়ের দৃষ্টিতে প্রেমরসের উদ্বেক হয় কেন, কে বলিবে ?  
 হরিপ্রেম বিস্ময় কর, বিগুহ্য পরিণয়ও বিস্ময়কর । ইহা  
 কেমন করিয়া হয় ও কেন হয় কেহ জানে না । ইহার লীলা  
 তিনিই উভয়ের হৃদয়ে বসিয়া গোপনে কি অপূর্ব মধুর  
 রসের সঞ্চারণ করেন তাহা বুদ্ধির অতীত । চাতবৃক্ষ  
 হইতে মাধবীও বিচ্ছিন্ন হয়, বিটপী হইতেও ফল পতিত  
 হয়, সংযুক্ত পরমাণুও বিযুক্ত হয়, আত্মা হইতেও শরীর  
 বিচ্যুত স্থলিত হয় কিন্তু স্বর্গীয় প্রণয়ে পরিণীত হৃদয়  
 বিচ্ছিন্ন হয় না । ইহারা যে অশরীরী তাই বিচ্ছেদ নাই ।  
 পুষ্পের সৌন্দর্য্যও মলিন হয়, শিশুর কোমল মুখশ্রীও দশ  
 দিন পরে বিশ্রী হইয়া যায়, ঘোবনের লাবণ্যও বিলুপ্ত হয়  
 কিন্তু প্রকৃত প্রণয়ের সৌন্দর্য্য কদাপি মলিন হয় না, ইহা  
 চিরস্থায়ী পরলোকগামী । প্রবল ঝঙ্কারে প্রকাণ্ড পাদ-  
 পংক উন্মূলিত হয়, বেগবান্ জলস্রোতে অচলচূড়াও  
 নিপতিত হয়, উত্তালতরঙ্গে অর্ণবপোতও জলমাৎ হয়  
 কিন্তু হরিপ্রেমে রসাল প্রণয় কিছুতেই তথ্য হয় না ।  
 তবে বিলাস ভোগের প্রণয় ক্ষণ ভঙ্গুর, ইহা ব্যভিচারের

নামাস্তর মাত্র ; পাশ্চাত্য জ্ঞানাত্মিমামী নরগণের নিকটে ইহাই অতি আদরণীয় । হরিপ্রেমরসে যে নরনারীর আত্মা-মিলিত হয় তাহার শোভা অতি অল্পম, তাহা পবিত্রতার আকর ।

সমুদায় অশোকভাণ্ড বিতরিত হইরাছে এমন সময়ে গোপা কুমারসমীপে উপনীত হইয়া হাস্যমুখে বলিলেন, কুমার আমি তোমার কি করিয়াছি যে তুমি আমার অবমাননা করিলে । কুমার বলিলেন আমি তোমার অবমাননা করি নাই । তুমি যে সকলের পরে আসিলে । পরে বহুমূল্য অঙ্গুরীয় উন্মোচন করিয়া দিলেন । গোপা বলিলেন এতো আমার প্রাপ্য । ইহা শুনিবামাত্র তিনি পুনরায় বলিলেন, তবে আমার এই আভরণ সকল গ্রহণ কর । গোপা বলিলেন না আমি কুমারকে অলঙ্কারশূন্য করিব না, প্রত্যুত অন্যান্যাত্মিলাষকেই অলঙ্কৃত করিব । কন্যা নিজালয়ে প্রস্থান করিলে পর রাজ সন্নিধানে এই সংবাদ প্রেরিত হইল । নৃপতি শুদ্ধোদন উভয়ে উভয়ের মনোনীত হইরাছে শুনিয়া অত্যন্ত প্রীত হইলেন এবং তৎক্ষণাৎ দণ্ডপাণির নিকট পুরোহিতকে পাঠাইলেন । দণ্ডপাণিও পুরোহিতের দ্বারা শুদ্ধোদনকে জ্ঞাত করাইলেন যে শিল্লজ্জকেই কন্যাদান করা আমাদের কুলধর্ম, অতএব কুমার শিল্লজ্জ না হইলে কিরূপে বিবাহ হইতে পারে ? দণ্ডপাণির এই কথা শুনিয়া রাজার

মনে হর্ষে বিবাহ উপস্থিত হইল। কুমার পিতৃসমীপে উপস্থিত হইয়া বলিলেন, তাত আপনি বিষয় কেন, শীঘ্র বলুন। নৃপতি শুদ্ধোদন তাঁহার বিষাদের কারণ বলিলে কুমার উত্তর করিলেন, পিতঃ, নগরে এমন কে আছে যে আমা অপেক্ষা শিল্পনৈপুণ্য প্রদর্শন করিবে? আপনি সকল শিল্পজ্ঞকে সমবেত করুন, আমি তাহাদিগের সমক্ষে আমার শিল্পনৈপুণ্য প্রকাশ করিব। কথিত আছে, এই প্রদর্শনোপলক্ষে বোধিসত্ত্বের জন্য দীর্ঘকায় শ্বেতহস্তী নগরে প্রবেশ করিতেছিল। কুমার দেবদত্ত ঈর্ষাবশতঃ বাম করে উহার শুণ্ড ধারণ করতঃ দক্ষিণ করে চপটা ঘাতে তাহাকে বিনাশ করে, কুমার সুন্দরনন্দ তাহার লাঙ্গুল ধরিয়া নগর দ্বার হইতে দূরে টানিয়া ফেলে। বোধিসত্ত্ব যখন নগর হইতে বাহির হন, তখন সেই হস্তী দর্শন করত মৃতহস্তীর ছুর্গন্ধে সমুদায় নগর পূর্ণ হইবে বলিয়া শাদাসুষ্ঠে লাঙ্গুল ধারণ পূর্বক উহাকে সপ্ত প্রাকার সপ্ত পরিধা অতিক্রম করিয়া নগরের বাহিরে এক ক্রোশ দূরে নিক্ষেপ করেন, সেইস্থানে একটি প্রকাণ্ড গর্ত হয়, উহাকে আজও লোকে “হস্তিগর্ত” বলিয়া থাকে। এত গেল অলৌকিক ব্যাপার। যাহা কিছু লৌকিক তাহাও সামান্য নয়। তৎকালে কি কি বিদ্যা প্রচলিত ছিল, বুদ্ধ কি প্রকার পারদর্শী ছিলেন এই শিল্প পরীক্ষায় প্রদর্শিত হইয়াছে। লঙ্ঘন, সর্বাঙ্গে গমন, লিপু, মুদ্রাগণনা, সংখ্যা,

সালস্তম্বমূর্খেদ, ধাবন, উল্লঙ্ঘন, সস্তরণ, বাগনিঃক্ষেপ, হস্তি  
 গ্রীবা, অশ্বপৃষ্ঠ, রথ, ধনু, ধ্বজেস্ট্রৈক্ষ্য, সামর্থ্য, শৌর্য্য, বাক-  
 ব্যায়াম, অক্ষুশগ্রহ, পাশগ্রহ, যানের উর্দ্ধ ও অধোভাগ  
 দিয়া নির্যোগ, মুষ্টিবন্ধ, শিখাবন্ধ, ছেদ্য, ভেদ্য, তরণ, আক্ষা-  
 লন অক্ষুণ্ণবেধিত্ব, মর্ষবেধিত্ব, শকবেধিত্ব, দৃঢ়প্রহারিত্ব, অক্ষু-  
 ক্রীড়া, কাব্য, ব্যাকরণ, গ্রন্থরচন, রূপ, রূপকার্য্য, অধ্যয়ন,  
 অগ্নিকর্ম্ম, বীণা, বাদ্য, নৃত্য, গীতপাঠ, আখ্যান, হাস্য,  
 স্ত্রীনৃত্য, নাট্য, অমুকরণ, মালাগ্রহন, সংবাহন, মণিরাগ, বস্ত্র-  
 রাগ, ( বর্ণানুবঞ্জিতকরণ ) ইন্দ্রজাল, স্বপ্নাধ্যায়, কাকচরিত্র,  
 স্ত্রীলক্ষণ, পুরুষলক্ষণ, অশ্বলক্ষণ, হস্তিলক্ষণ, গোললক্ষণ, অজ-  
 লক্ষণ, মিশ্রিত লক্ষণ, কৈটভেশ্বরলক্ষণ, নির্য্যণ্ট, নিগম, পুরাণ,  
 ইতিহাস, বেদ, ব্যাকরণ, নিকৃত্ত, শিক্ষা, ছন্দ, যজ্ঞকল্প,  
 জ্যোতিষ, সাঙ্খ্য, যোগ, ক্রিয়াকল্প, বৈশেষিক, বৈশিক  
 [ বৈশভূষাদি বিরচন, ] অর্থবিদ্যা, বার্হস্পত্য, আশ্চর্য্যবিদ্যা,  
 আসুর বিদ্যা, যুগপক্ষীর শব্দজ্ঞান, হেতুবিদ্যা অতুযন্ত্র, ধাতু-  
 বস্ত্র, মধুচ্ছিষ্টকৃত [ মোমেরপুতুলাদি গঠন ] সূচীকার্য্য,  
 ইত্যাদি সকল বিদ্যায় কুমার সর্ব্বাপেক্ষা পারদর্শিত্ব  
 প্রদর্শন করিলেন । কুমারের পৈতামহধনু সিংহধনু যাহা  
 উত্তোলন করিতেও কাহার সাধ্য হয় নাই, উপবিষ্ট  
 থাকিয়াই তদ্যোগে তিনি দর্শ ক্রোশ দূর স্থিত ভেরী,  
 সপ্ততাল, এবং যন্ত্রযুক্ত বরাহভেদ করেন, বাণ পাতালে  
 প্রবিষ্ট হয় । বাণ যেখানে প্রবিষ্ট হয় সেখানে একটি



রূপ হয়, সেই রূপের নাম আশ্রয় লোকের শরকূপ বলিয়া থাকে \* । ফলতঃ কুমার কোন বিষয়ে অপারগ ছিলেন

• এই সময়ে দেবগণমুখে এই দুইটি গাথা জীবনরত্নান্ত লেখক সমর্পণ করিয়াছেন ;

যথ ( ১ ) পুরিত ( ২ ) এব ( ৩ ) ধনুর্মুনি  
ন চ উখিতু ( ৪ ) আসনি ( ৫ ) চ ভূমী ( ৬ ) ।  
নিঃসংশয়ং পূর্ণমভিপ্রায়ু ( ৭ ) মুনি  
লঘু ভোষ্যতি ( ৮ ) জিত্ব ( ৯ ) চ মারচমুং ॥

আসন হইতে ভূমি হইতে উত্থান না করিয়া মুনি  
বেশন ধনুতে সন্ধান পুরিলেন, এইরূপ ইনি নিঃসংশয়  
মারসৈন্যকে সহজে জয় করত পূর্ণাভিপ্রায় হইয়া ভোগ  
করিবেন ।

“ এষধরনীমণ্ডে ( ১০ ) পূর্ববুদ্ধাসনস্থঃ  
সমর্থ ( ১১ ) ধনুর্গহীত্বা শূন্যনৈরাশ্রবাণৈঃ ।  
ক্লেশরিপুং নিহত্বা ( ১২ ) দৃষ্টিজালঞ্চ ভিত্বা  
শিব ( ১৩ ) বিরজ ( ১৪ ) মশোকাং প্রাপ্যতে বোধি  
( ১৫ ) মগ্রাম্ ॥ ”

ধরনীমণ্ডলে পূর্ববুদ্ধগণের আসনস্থ ইনি সমর্থ । ইনি  
ধনু ধারণ করিয়া শূন্য নৈরাশ্রবাণ দ্বারা ক্লেশরিপুকে হনন  
করিয়া দৃষ্টিজাল ভেদ করত মঙ্গলময় বিকারশূন্য অশোক  
বোধিপ্রাপ্য প্রধানতম গতি লাভ করিবেন ।

( ১ ) যথা । ( ২ ) পুরিতম্ । ( ৩ ) এতৎ । ( ৪ ) উখিতঃ ।  
( ৫ ) আসনাৎ । ( ৬ ) ভূম্যাঃ । ( ৭ ) পূর্ণাভিপ্রায়ঃ ।  
( ৮ ) ভোষ্যতি । ( ৯ ) জিত্বা । ১০ । মণ্ডলৈঃ ।  
১১ সমর্থঃ । ১২ । নিহত্যা । ১৩ । শিবাম্ । ১৪ । অর-  
জকাম্ । ১৫ । বোধিপ্রাপ্যাম্ ।

না, সুতরাং সকল বিদ্যার পরীক্ষা দিয়া গোপাকে গ্রহণ করিলেন ।

অতঃপর দণ্ডপাণি শাক্য-পরম পরিতুষ্ট হইয়া কুমারকে কন্যাদান করিলেন । তখন মহা সমারোহের সহিত উদ্ভা-  
হক্রিয়া সমাধা হইয়া গেল । তদুপলক্ষে বিবিধ মণিরত্ন দান ও  
ব্রাহ্মণভোজনাদি হইল । শাক্য তনয়া গোপা প্রধানা  
মহিষীরূপে অভিষিক্তা হইলেন । কথিত আছে যে নব-  
বধু স্বশুর বা স্বশ্রু বা অন্তঃপুরচারিগণকে দেখিয়া  
অবগুণ্ঠন দ্বারা বদন আবৃত করিতেন না বলিয়া তাঁহাদের  
মধ্যে কাণাকাণি হইতে লাগিল । গোপা তাহা বুঝিতে পারিয়া  
সর্বসমক্ষে এই গাথা বলিলেন । “ধ্বজাগ্রস্থিত ভাসমান  
অত্যাঙ্কল মণিরত্নের ন্যায় আৰ্য্য নিরন্ত অনাবৃত, তিনি  
আসানোপবেশন চক্রমণ সর্বত্র শোভা পান । আৰ্য্য গমন-  
কালেও শোভা পান আগমন সময়েও শোভা পাইয়া  
থাকেন, আৰ্য্য উপবিষ্টই হউন আর দণ্ডায়মান থাকুন সর্বত্র  
শোভা পাইয়া থাকেন । তিনি কথাই কউন আর ভূষণী-  
স্তাব অবলম্বন করুন তিনি সকল অবস্থাতেই সমান ।  
যেমন চটক পক্ষী দর্শনে ও স্বরে সর্বত্র শোভা পাইয়া  
থাকে । গুণবান গুণভূষিত ব্যক্তি কুশের বস্ত্রই পরিধান  
করুক বা নির্বাস্ত্রই হউক স্বর্থবা ছেঁড়া ময়লা কাপড়ই  
পরুক, বা কৃষ্ণতনু হউক সে আপনার তেছে শোভা পায় ।  
যাহার অন্তরে পাপ নাই এরূপ আৰ্য্য সকল বিষয়েই

শোভা পাইয়া থাকেন । কিন্তু যাহা কিছু দিয়া ভূষিত হউক বালকও পাপকারী হইলে আর তাহার সৌন্দর্য্য দৃষ্ট হয় না । হৃদয় যদি পাপের আবর্জনার ভরা থাকে তবে বাক্য মধুর হইলে কি হইবে, সে অমৃতাভিষিক্ত বিষকুস্তুর মত বৈত নয় । দুর্গম শৈলশিলাবৎ যাহাদিগের অন্তরাঙ্গা কঠিন, তাহাদিগের সহিত কাহারও চিরকাল দর্শন না হওয়াই ভাল । সৌম্যগুণসম্পন্ন যে সকল ব্যক্তি সকলের নিকটে শিশুভাব স্বীকার করেন তাঁহারা সকলের নিকটে সমুদায় জগতের জীবনপ্রদ তীর্থ সদৃশ । আর্ধ্যগণ দক্ষিণীপূর্ণঘণ্টের ন্যায় । তাঁহাদিগের দর্শন শুদ্ধ মঙ্গলময় । যাহারা পাপমিত্রের দ্বারা পরিবর্জিত এবং কল্যাণমিত্ররক্ত দ্বারা পরিগৃহীত হইয়াছেন, যাহারা পাপ পরিত্যাগ করিয়া নির্বাণধর্মে প্রবেশ করিয়াছেন, তাদৃশ ব্যক্তিগণের দর্শন কল্যাণপ্রদ ও ফলদায়ক । সমুদায় শারীরিকদোষ সংযত করিয়া যাহারা সংবৃতকার, সদা কথা বলিয়াও যাহাদিগের কথা সংযত, যাহাদের ইন্দ্রিয়সকল বশীভূত, সকল বিষয়ে নিবৃত্তচিত্ত মন প্রসন্ন, তাদৃশ লোকের অবগুষ্ঠন দ্বারা বদন চাকিবার আর প্রয়োজন কি ? যাহাদিগের ঈদৃশ-গুণ নাই, সত্যবাক্য নাই, লজ্জা নাই, সঙ্গম নাই, চিত্ত উচ্ছ্বল, তাহারা আত্মভাব বজ্রসংহত দ্বারা আচ্ছাদন করে, যাহারা বিনয়রহিত, তাহারা লোকে নগ্ন হইয়া বিচরণ করে ।

সর্বদা বাহাদিগের সংযুক্ত চিত্ত আশ্রয়বশে বঞ্চিত, অন্য  
 জীবে বাহার মন নাই, আপনার পতিতেই সম্বৃত্ত, আদিত্য  
 এবং চন্দ্রের ন্যায় তাহাদিগের দীপ্তি সর্বলোকে প্রকাশিত,  
 তাহাদিগের আর বদনাচ্ছাদনে প্রয়োজন কি ? পরচিন্তা-  
 জ্ঞানে কুশল দেবগণ ঋষিগণ মহাত্মাগণ আমার চিত্ত  
 জানেন, আমার চরিত্র আমার গুণসমূহই যখন অপ্রাপ্ত  
 আবরণ, তখন বসনাবগুণন করিয়া আমি কি করিব ?” \*  
 গোপা যথার্থ বীরপত্নী বটে তবে এত লোকের সমক্ষে বাক্য  
 ক্ষুণ্ণ হওয়াতে অনেকের মনে হইতে পারে যে তবে  
 তিনি লজ্জাহীনা ও প্রগল্ভা কিন্তু বস্তৃতঃ তাহা নহে ।  
 বদনাবগুণন না থাকিতে তাহার প্রতি দোষারোপিত হইয়া-  
 ছিল বলিয়া তিনি আশ্রয়দোষকালনার্থ স্বরূপকথা বলি-  
 লেন । নিখলসলিলবৎস্বচ্ছহৃদয় গোপার কি তেজ,  
 পূর্ণের কি বল, করেকটি বাক্যে যেন অগ্নিক্ষু লিঙ্গ নির্গত  
 হইতে লাগিল । পাত্র পাত্রীর উভয়ের চিত্ত একরূপ তেজস্বী  
 ও প্রতিভাসম্পন্ন না হইলে শোভা হইবে কেন ? মাধবে  
 মাধবীই চূতবৃক্ষে শোভা পায়, উভয়ের মৌরভ মিলিত  
 হইয়া কতই গৌরব বিস্তার করে । শরৎকালে অরবিন্দই  
 সরোবরের মাধুর্য প্রকাশ করে বা নিদাঘান্তে সৌদামিনীই  
 কাদম্বিনী মধ্যে অতীব রমণীয় নর্দীয়া প্রতীত হয় ; গোপা  
 কুমারের সন্নিধানেই সেইরূপ অধিকতর সুন্দরবেশ ধারণ

\* ল. বি, ১২ অধ্যায় ।

করিয়াছিলেন । তিনি ছায়াবৎ মহাত্মা শাক্যসিংহের  
অনুগতা ছিলেন । এ দিকে ভূপতি শাক্যপতি শুক্লোদন  
উভয়ে পবিত্র গাঢ়তর প্রণয়ে বদ্ধ হইয়াছেন দেখিয়া অতীব  
শ্রীত ও প্রসন্ন হইলেন । পুত্রবধুকে নানালঙ্কারে অলঙ্কৃত  
করিলেন এবং এই বলিয়া মনের আহ্লাদ প্রকাশ করিতে  
লাগিলেন ;

“যথা চ পুত্রো মম ভূষিতো গুণৈ  
স্তথা চ কন্যা স্বগুণৈঃ প্রভাগতে ।  
বিশুদ্ধসত্ত্বো তত্ত্বভৌ সমাগতো  
সমেতি সর্পির্ঘথ ( ১ ) সর্পিঃখণ্ডঃ ( ২ ) ॥”

আমার পুত্র যেমন বহুগুণে ভূষিত হেমনি কন্যাও  
আত্মগুণে দীপ্তিমতী । দুইই বিশুদ্ধসত্ত্বগুণ লইয়া সমুপ-  
স্থিত । এ যোগ যেন সর্পিঃখণ্ডের সহিত সর্পিঃখণ্ডের যোগ ।  
এইরূপে নবদম্পতি কিছু কাল বেশ আনন্দ ও সুখে কাল  
ষাপন করিতে লাগিলেন ।

গোপার স্বভাব চরিত্র অতি পবিত্র ও বিনীত, দয়া ধর্ম  
তাঁহার হৃদয়ের ভূষণ ছিল । সূতরাং তাঁহার সুমধুর কোমল  
হৃদয় কুমারের চিত্তকে আকর্ষণ করিতে কৃতকার্য হইয়া-  
ছিল । তিনি এক দিনও কোনরূপ অপ্রীতিকর কার্য  
করিয়া শাক্যসিংহের মনে বিরক্তি উৎপাদন করেন নাই,  
বরং স্বতঃপরতঃ তাঁহার চিত্তবিনোদনার্থ যত্নবতী থাকি

( ১ ) যথা । ( ২ ) সর্পিঃ-- ।

তেন । বিশেষতঃ তাঁহার মন বৈরাগ্যপ্রবণ জানিতে পারিয়া বিবিধোপায়ে তাঁহাকে প্রফুল্ল রাখিতে চেষ্টা করিতেন । কুমারও সাধ্বী গোপার পাতিব্রত্যা ও সেবা-তৎপরতা সন্দর্শন করিয়া যৎপরোনাস্তি প্রীত ও সন্তুষ্ট হইতেন । শাক্য সন্তুগুণাশ্রিত হইয়া এইরূপে কিছুকাল অর্থাৎ তাঁহার ২৬ বৎসর বয়ঃক্রম পর্য্যন্ত দাম্পত্যসুখ সম্ভোগ করিলেন । বিবাহের দশবৎসর পরে ঈশ্বরকুপার রাজকুমার পুত্রমুখ নিরীক্ষণ করিলেন । নরেন্দ্র শুক্লোদনের আর আত্মাদের সীমা নাই, আমার কুমারের তনয় জন্মিয়াছে বলিয়া তাঁহার অন্তরে শতধা আনন্দধারা বহিতে লাগিল এবং কুমার যে এখন বেশ গৃহী হইয়া রাজসিংহাসনে বিরাজ করিবেন, তাঁহাকে রাজ্য সমর্পণ করিয়া তিনি নিশ্চিন্ত হইবেন, মনে মনে তাহা চিন্তা করিয়া সুখসাগরে ভাসমান হইতে লাগিলেন । তিনি কুমারের কল্যাণার্থ নানাবিধ সংক্রিয়া ধর্ম্মাচরণ ও দানাদি কার্য্য করিয়া স্বয়ং পূত হইলেন । কিন্তু স্বর্গ হইতে যে ব্যক্তি বৈরাগ্য লইয়া এই অবনীমণ্ডলে জন্ম গ্রহণ করিয়াছে তাহার নে অগ্নি নির্ঝাণ করিবে কে ? সাধ্বী সুবিনীতা স্ত্রী ও সূন্দর শিশুর বদন কমল অবলোকন করিয়া বুদ্ধ বৈরাগ্যকে প্রশমিত করিতে পারিলেন না । চারি দিকে রাজ্যভাগ, সুখাভিলাষ, ঐশ্বর্য্য, অভুলবিভব, অহরহ সঙ্গীত, নর্ত্তকীগণের আমোদ প্রমোদ, স্ত্রী পুত্রের অপূর্ব্ব সহবাস, এ সমুদায়

তাঁহার প্রচ্ছন্ন বৈরাগ্যানলের নিকট নিশ্চিত হইয়া গেল । সে প্রধুমিত সর্বভুক্ত যেন ঐ সকলকে মুখব্যাচান করিয়া গ্রাস করিতে আসিল । পৃথিবীর অসার উদ্দেশাহীন সংসারাসক্ত মানবগণ সুন্দরী গুণবন্তী সাধবী ভার্যা পাইলে সুকুমারমতি শিশুর বদনসুধাকর দর্শন করিলে সব ভুলিয়া যায়, মনে করে এই বুঝি স্বর্গ, সংসারে এতদ-পেক্ষ আর কি এমন সুখ আছে ? দেবাত্মাদের কেন তাহা হইবে ? বিধাতা তাঁহাদের মহৎ কার্য হইতে বিরত রাখিবেন কি নিমিত্ত ? শাক্য আপনার অন্তরস্থ স্বর্গীয় আলোকে আপনার প্রকৃত ছবি প্রত্যক্ষ করিয়া জীবনের উচ্চতম উদ্দেশ্য সাধনের জন্য পুনরায় চিন্তিত হইলেন ।

একদা কুমার অন্তঃপুর মধ্যে শয়নাগারে শয়ন করিয়া আছেন । রজনী পর্য্যবসানে নারীগণ সুমধুর বেণুরব সহকারে তাঁহাকে সুপ্তোখিত করিবার নিমিত্ত প্রাভাতিক মঙ্গলিক এই গাথা গান করিতে লাগিলেন ।

“জলিতং ত্রিভবং জরব্যাদিহুঃশৈশ্বরগায়িত্রদীপ্তমনাথমিদং ।  
ন চ নিঃসরণে সদ মূঢ় জগদ্ভ্রমতি ভ্রমরো যথ কুন্তগতো ॥  
অক্রবং ত্রিভবং শরদভ্রনিভঃ নটরঙ্গসমা জগি জন্মি চ্যুতি ॥  
গিরিনদ্যসমং লঘুশীঘ্রযবং ব্রহ্মতায়ু জগে যথ বিদ্যানভে ॥  
ভুবি দেবপুরে ত্রিঅপায় পথে ভবতৃষ্ণ অবিদ্যাবশা জনতা ।  
পরিবর্তিষু পঞ্চগতিষবুধাঃ যথ কুন্তকরস্য হি চক্রভ্রমী ॥

প্রিয়রূপবরৈঃ সদা স্নিগ্ধকৃতেঃ শুভগন্ধরটৈসর্করম্পর্শসুখঃ ।

পরিষিক্তমিদং কলিপাশ জগৎ যুগ লুক্কপাণি যথৈবহি

বন্ধকমপি ॥

সভয়া মরণাঃ সদা বৈরকরা বহুশোক উপদ্রবকামগুণাঃ ।

অসিধারসমা বিষয়স্তনিভা তাজ্জ হিতার্থ্যজ্ঞনৈর্যথ মীঢ়ঘটঃ ।

স্বত্ৰিশোককরা স্তমসীকরণা ভয়হেতু দুঃখমূল সদা ।

ভবতৃষ্ণ লভায় বিবুদ্ধিকরা সভয়াঃ শরণাঃ সদকামগুণাঃ ॥

অথ অগ্নিধদা জলিতাঃ সভয়াঃ তথ কামইমে বিদিতার্থ্যজ্ঞনৈঃ ।

মহপঙ্কসমা অসিসিক্কুসমা মধুদিগ্ধ ইব ক্ষুরধার যথা ।

অথ সর্পিসরো যথ মীঢ়ঘটাস্তথ কাম ইমে বিদিতা বিহুবাং ॥

তথ শূলসমা দ্বিজপেশিসমা যথা স্নানকরং কিশটৈবর তথা ।

উদকচন্দ্রসমা ইমি কামগুণাঃ প্রতিবিম্ব ইবা গিরিঘোষ যথা ।

প্রতিভাসসমা নটরঙ্গসমাস্থথ স্বপ্নসমা বিদিতার্থ্যজ্ঞনৈঃ ॥

ফণিকাবসিকা ঠমি কামগুণাস্ত ইমে তথ মায়মরীচিসমা ।

অলিকোদকবৃদ্ধুদফেনসমা বিতথাপরিবল্লসমুখত বুদ্ধ বুদ্ধৈঃ ॥

প্রথমে বরসে বররূপধরঃ প্রিয় ইষ্ট মতো ইয় বালচরী ।

জরব্যাদিহুঃখৈর্হিত বপুঃ বিজহন্তি যুগা ইব শুক্লনদী ॥

ধনধান্যবরো বহুদ্রব্যচরী প্রিয় ইষ্ট মতো ইয়বালচরী ।

পরিহীনধন পুন কচ্ছু গতং বিজহন্তি মরা ইব শূন্যাহটবী ॥

যথ পুষ্পক্রমো সফলেব ক্রমো নরক দানরতস্তথ প্রীতিকরো ।

ধনহীন জরার্ক্তি তু যাচনকো ভবতে তদ অপ্রিয়ু গৃধ্রসমঃ ॥

প্রভু ভ্রাবাবলী বররূপধরঃ প্রিয়সদ যনেচ্ছিরপ্রীতিকরো ।



अग्निव्याधिदुःखार्तिं तु क्षीणधनो भवते तद अग्रिं मृत्यासमः ।  
 अग्निं ज्वरितः समतीतवरो क्रम विद्वाहत्त यथा भवति ।  
 अग्निं अगार यथा समयो अग्निःसरणं लघु क्रहि मुने ।  
 अग्निं शोषयते नरनारिगणं यथा मालुता वनशालवनं ।  
 अग्निं वीर्यापराक्रमवेगहरी अग्निपङ्कनिमग्नं यथा पृथ्वी ।  
 अग्निं रूपरूपविरूपकरी अग्निं तेजहरी सप्त सौधाहरी ।  
 परिष्ठावकरी अग्निं मृत्याकरी अग्निं ओजहरी बलाहामहरी ।  
 बहुरोगशतैर्धनव्याधिदुःखैरुपसृष्टे जगत् जलतेव मृगाः ।  
 अग्निव्याधिगतं प्रसमीक्षा जगद्दुःखं निःसरणं लघु देशर हि ॥  
 निशिते हि यथा हिमधातु महास्रुग्गुल्य वनोषधि ओजहरो ॥  
 तथ ओजहरी बह्व्याधि अग्निं परिहोयति इन्द्रियरूपबलं ॥  
 धनधान्यमहार्थक्यास्तुकरः परित्यापकरः सप्त व्याधि अग्निं ।  
 प्रतिघातकरः प्रियदुःखकरः परिदाहकरो यथा सूर्या नते ॥  
 मरणं चावनं च्युतिकालक्रियाः प्रियद्रव्याङ्गनेन विद्योक्तु सर्वा ।  
 अपुनागमनक असङ्गमनं क्रमपत्रफला नदिश्रोता यथा ॥  
 मरणं वणिता न वशीकुरुते मरणं हरते नदि दारु यथा ॥  
 असहायु नरो ब्रह्मते द्वितीयं स्वकर्मफलं नुगतो विवशः ॥  
 मरणं प्रसते बह्व्याधिगतं मकरेव जलाहरी भूतगणं ।  
 गङ्गाडोडुगं मृगाज्ज गजं जलनेव तृणोषधिभूतगणं ॥  
 तम ईदृशकैर्बह्व्याधिगतैर्जगत् शोचयितुं कृतं या अग्निधिः ।  
 अग्निं तां पुरिमां अग्निधानचरौ मयु कालं तव अतिनिष्कमितुं ॥

“ ত্রিভুবন জরাব্যাদি দুঃখে সদা প্রজ্বলিত হইতেছে, এই জগৎ মরণের অগ্নিতে প্রদীপ্ত ও অনাথ। কুন্তগত ভ্রমর যেমন তন্মধ্যেই ভো ভোঁ করিয়া উড়িয়া বেড়ায়, এই মূঢ় জগৎ তদ্রূপ জরার হস্ত হইতে নিষ্কৃতি পাইতেছে না। ত্রিভুবন শরৎকালের মেঘ সদৃশ অনিত্য, জগতের জন্মমরণ রঙ্গভূমিস্থ নটের সদৃশ। পর্বত নিঃসৃত বেগবতী স্রোতস্বতীবৎ ক্ষুভগামী এই আয়ু আকাশস্থ তড়িৎসম চলিয়া যাইতেছে। পৃথিবীতে কি দেবপুরে বিবিধ অপায়ের পথে তৃষ্ণা ও অবিদ্যার বশবর্তী জনগণ পরিবর্তনশীল পঞ্চবিধগতিতে বিমূঢ়-চিত্ত হইয়া কুন্তকণের চক্রবৎ নিরন্তর ঘুরিতেছে। মৃগ যেমন লোভের বশবর্তী হইয়া ব্যাধের জালে বদ্ধ হইয়া পড়ে, তদ্রূপ এই জগতের সমুদায় মানবনিচয় সুন্দর বস্তু, মনোহর শব্দ এবং সুগন্ধ রসের স্পর্শসুখ অনুভব করিয়া কলিপাশে বদ্ধ হইয়াছে। মরণ সর্বদা ভীতিজনক ও পরম বৈরী, বাসনা বহুশোক ও উপদ্রবের কারণ ভোগের বিষয় সকল অসিধারাতুল্য বিষয়ত্রসদৃশ অতএব হিতাকাঙ্ক্ষী আৰ্য্য জনেরা যেমন অমেধ্য ষট্ ত্যাগ করেন তদ্রূপ ইহা পরিত্যাগ কর। বাসনা একরূপ পদার্থ যে তাহার স্মরণেও শোক উৎপন্ন হয়, ইহা অজ্ঞানকাণ্ডী, ভয়হেতুকর ও দুঃখের মূল, ভবতৃষ্ণালতার ইহা আশ্রয়, সদা ভয়জনক। আৰ্য্য জনেরা এই বাসনাকে প্রজ্বলিত হতাশন জ্ঞানিয়া ভীত হইতেন, ইহা মহাপঙ্কতুল্য অনিসিক্তসদৃশ এবং মধুলিপ্ত

ক্ষুরধারা সম । জ্ঞানীদিগের নিকট বাসনা সর্পিঃসরোবর  
 ও অমেধ্য কুম্ভরূপে প্রতীত হইত । ইহা শূলসদৃশ, দ্বিজ-  
 গণের পেশিতুল্য ও ভীষণ শব্দকর । বাসনা জলে প্রতি-  
 বিম্বিত চন্দ্র ও গিণিগহ্বরস্থ শকের ন্যায় ক্ষণস্থায়ী,  
 এবং আর্ধ্যগণ ইহাকে রজভূমিস্থ নট ও স্বপ্নবৎ জানি-  
 তেন । এই বাসনা মায়ামরীচিসদৃশ ও ক্ষণস্থায়ী, ইহা  
 অলীক জলবিষ ও কেল্ল সমান, জ্ঞানী লোকে ইহাকে  
 মিথ্যা পরিকল্পনাস্ত ত বলিয়া জানেন । প্রথম বয়সে  
 মানবের শরীর কি সুন্দর প্রিয় ও অভিলষিত, কিন্তু  
 ইহা বালচর্য্যামাত্র । শরীর যখন জরাব্যাদি ছুঃখেতে  
 শ্রীহত হয়, যুগ যেমন শুকনদী পরিত্যাগ করে তখন মনুষ্য  
 সেই শরীর অনাম্যাসে পরিত্যাগ করে । যৎকালে  
 লোকের ধন ধান্য ও বহুরত্ন ও দ্রব্য সামগ্রী সঞ্চিত হয়, —  
 তখন তাহার নিকট কত লোক প্রিয় ও আত্মীয় হয়, কিন্তু  
 ইহা বালচর্য্য । সে ধনহীন হইলে ও ছুঃখে পড়িলে শূন্য  
 অটবীর ন্যায় সেই আত্মীয়েরা তাহাকে পরিত্যাগ করে ।  
 ফলবান পুঞ্জিততরুর ন্যায় ধনবান্ নর দানে রত হইয়া  
 সকলের প্রীতিভাজন হয়, কিন্তু সে জরাগ্রস্ত হইয়া ধনহীন  
 হইলে ভিক্ষুক হয় ও গৃধ্রসম তাহাদের অপ্রিয় হয় । ধন-  
 রত্নসম্বিত্ত পরম রূপবান্ ক্ষমতাশালী প্রভু, প্রথমে  
 সঙ্গিগণের প্রিয় ও তাহাদের মানস ও ইন্দ্রিয়ের প্রীতিকর  
 হইয়েন, কিন্তু তিনি বার্কিক্যজনিত ব্যাধি ছুঃখে কাতর হইয়া

নিঃস্ব হইলে মৃত্যুসময় তাহাদের অপ্রিয় হয়েন । বিহ্বাৎ  
 পাতে বৃক্ষ যেমন বিলুপ্ত হইয়া যায়, জরাজীর্ণ ব্যক্তির অব-  
 স্রব সেইরূপ হতশ্রী জানিবে । জরাগ্রস্ত ব্যক্তির আশ  
 গৃহে বাস করিবার সময়পায় না, অতএব হে মূনে ! এই  
 জরার হস্ত হইতে নিষ্কৃতি পাইবার শীঘ্র উপায় বল ।  
 পত্রলতা যেমন ঘন শালবনকে শুষ্ক করিয়া দেয়, এই জরা  
 সেইরূপ মরনারীকে বিলুপ্ত করিতেছে । পঙ্কনিমগ্নপুরুষের  
 মত জরা বীর্থা পরাক্রম ও উদ্যম হরণ করিতেছে । জরা  
 সুরূপ রূপকে বিরূপ করিতেছে, ইহা সদা তেজ ও সুখ  
 হরণ করিয়া লইতেছে । জরা সকলকে পরাস্তব করে,  
 মৃত্যু আনয়ন করে, জীবন্ত ভাব হরণ করে ও সৌন্দর্য  
 বিনাশ করে । বহুরোগ ও শত শত ব্যাধি হুঃখে এই  
 জগৎ পরিপূর্ণ হইয়া সতত জ্বলিতেছে । অতএব হে মূনে,  
 এই জগৎ জরাব্যাধিগত দেখিয়া এই হুঃখের হস্ত হইতে  
 নিষ্কৃতি পাইবার উপদেশ শীঘ্র দেও । শিশিরে ঘন তুষার-  
 পাতে যেমন তৃণ গুল্ম বনৌষধি তেজোহীন হইয়া যায় তক্রূপ  
 তেজোনাশিনী এই বহুব্যাধিপ্রদায়িনী জরা মানবের ইন্দ্রিয়  
 রূপ ও বল বিনাশ করিতেছে । জরাব্যাধিতে ধন ধান্য মহান্  
 অর্থসকল ক্ষয় হইয়া যাইতেছে । ইহা পরিতাপকর, প্রিয়জ-  
 নের হুঃখকারণ, সকল বিষয়ে ব্যাঘাত দিতেছে, এবং আকা-  
 শস্থ প্রথর সূর্যের ন্যায় সকলকে দগ্ধ করিয়া ফেলিতেছে ।  
 মল্লী স্রোতে বৃক্ষপত্র ফল যেমন বিচ্ছিন্ন হইয়া যায়, সেই-

রূপ প্রিয়দ্রব্য প্রিয়বস্তু সহ সর্বদা বিচ্ছেদ হইতেছে । আর কাহারও সঙ্গে মিলন হইতেছে না, কেহ পুনরায় আগমন করিতেছে না, সকলেরই মরণ হইতেছে পতন হইতেছে, পতনকালের কার্য্য প্রকাশ পাইতেছে । মৃত্যু সকলকেই বশীভূত করিয়াছে কিন্তু কেহ মৃত্যুকে বশ করিতে পারে না । নদী যেমন কাষ্ঠখণ্ড ভাসাইয়া লইয়া যার মরণও সেইরূপ সকলকে হরণ করে । স্বীয় কৰ্ম্মফলের অধীন অসহায় মানব বিবশ হইয়া চলিয়া যাইতেছে । জলবিহারী মকর যেমন জীবগণকে, গরুড় যেমন সর্পকে, মৃগরাজ যেমন গজকে, অগ্নি যেমন তৃণৌষধি প্রাণিগণকে উদ-  
রস্থ করে মৃত্যু সেইরূপ শত শত প্রাণীকে প্রতি মুহূর্ত্তে গ্রাস করিতেছে । অতএব হে মূনে ! তুমি পূর্বে ঈদৃশ বহুদোষ-  
শত প্রপীড়িত জগৎকে মোচন করিবার জন্য যে প্রণিধান-  
করিয়াছিলে তাহা এইরূপে স্মরণ কর, অভিনিশ্চয়  
করিবার তোমার এই প্রকৃত সময় । ”

নিদ্রাভিত্তবুদ্ধ নারীগণের মধুর কণ্ঠাখিত প্রীতিকর সঙ্গীত শ্রবণ করিতে করিতে প্রতিবোধিত হইয়া অনুপম রসাস্বাদন করিতে লাগিলেন । তৎক্ষণাৎ শয্যার উপবিষ্ট হইয়া সচকিত চিত্তে ঐ মধুর গীতির প্রতি শ্রবণ অভি-  
নিবিষ্ট করিলেন । তাঁহার কর্ণে যেন মধু বর্ষণ হইতে লাগিল কি সুললিত স্বর লহরী, কি গূঢ় ও গভীর জ্ঞান গুণিতে গুণিতে তাঁহার হৃদয় দ্রবীভূত হইল । ভাবিলেন

ইহা কি স্বর্গ হইতে আসিতেছে, না কোন্ দেবপুত্র কীর্তন করিতেছেন । এমন মধুর সঙ্গীত কে শুনাইল ? হায় ! ইহা যে আমার হৃদয়ের সঙ্গীত, আমার চিত্ত কে চিত্রিত করিল, আমার ছবি কে গোপিনে বসিয়া আঁকিল, আমার মনের কথা কে বাহির করিল ? বাস্তবিক কে যেন তাঁহার ঘোর মোহনিদ্রা ভঙ্গ করিয়া তাঁহার জীবনের মহান্ কার্য স্মরণ করাইয়া দিল । রাজপুত্র ঐ গীত শ্রবণ করিয়া অবধি কেমন উন্মনা হইয়া গেলেন । প্রফুল্ল মুখের হাস্য কোথায় চলিয়া গেল, চিন্তা ও গাঙ্গুর্যের বিকাশে তাহা তেজস্বী ও কিঞ্চিৎ স্নান হইয়া আসিল । গোপা কত চেষ্টা করেন, কিন্তু সাধ্য কি যে রাজকুমারের নিকট গিয়া কোন অলৌক আশ্রমের কথায় চিত্ত আকর্ষণ করেন ।

—গোপা বিশেষ বুদ্ধিমতী ও বিদূষী ছিলেন বলিয়া আৰ্য্যপুত্রের চিত্তের বৈলক্ষণ্য বেশ প্রতীতি করিতে পারিলেন ।

### বৈরাগ্য ও নিষ্ক্রামণ ।

সংসারে থাকিয়া স্ত্রীপুত্র পরিবৃত হইয়া মত্তগুণের কি রূপ পরিপাক করিতে হয় বুদ্ধ তাহা প্রত্যক্ষ করিলেন । এত দিন নবীন ব্যাপারে তাঁহার চিত্তক্ষেত্রে যে বিরাগ ভাব প্রচ্ছন্ন ছিল পুত্র হওয়াতে তাঁহার সেই অগ্নি নবীকৃত ও প্রধূমিত হইল । তিনি ভাবিলেন পরিণীত হইলাম

পুত্রমুখও অবলোকন করিলাম, তবে বেশ এক জন ঘোর সংসারী হইয়া পড়িলাম, মায়া বেশ আমার হৃদয়ভূমিতে বন্ধমূল হইল, আর তাহা উন্মূলন করা ত দুঃসাধ্য হইবে, বিশেষতঃ এই নবীন বন্ধন বড় প্রবল, ইহা ছেদন করিতেই হইবে। ইহা ভাবিয়া নির্জন প্রদেশে বসিয়া ধ্যানে নিমগ্ন হইলেন, দিন দিন সংসার সূখে তাঁহার ক্রমেই বিরক্তি বোধ হইতে লাগিল। ইত্যবসরে একদা রাজ-চক্রবর্তী শুক্লোদন অস্ত্রপুত্র মধ্যে শয়ন করিয়া আছেন, রজনীযোগে গভীর নিশীথ সময়ে স্বপ্ন দেখিলেন যে কুমার কোষেয় বস্ত্রাবৃত হইয়া গৃহ পরিত্যাগ করিয়া চলিয়া যাইতেছেন। এই অমঙ্গলজনক স্বপ্ন দর্শন মাত্র সহসা তাঁহার নিদ্রা ভঙ্গ হইয়া গেল এবং কে যেন তাঁহার হৃদয়ে স্মৃতীকৃত বাণ নিক্ষেপ করিতে আরম্ভ করিল। “স প্রতিবুদ্ধস্তুরিতং কাঙ্ক্ষীয়েং পরিপৃচ্ছতি স্ব, অস্তি মে কুমারোইস্ত্রপুত্রে।” তিনি জাগ্রৎ হইয়া অবিলম্বে কাঙ্ক্ষীয়েকে জিজ্ঞাসা করিলেন, আমার কুমার কি অস্ত্রপুত্রে আছে? সে তৎক্ষণাৎ অস্ত্রপুত্র হইতে আসিয়া সংবাদ দিল, মহারাজ, কুমার গৃহমধ্যেই আছেন, কদাচিত্ উদ্যানভূমি দর্শনার্থ বাসনা করিয়া থাকেন, তথায় যাইবেন মানস করিয়াছেন।

এ দিকে কাঙ্ক্ষীয়ে সংবাদ দিবার পূর্বে রাজার কত আশঙ্কা হইতেছিল, অবশ্য আমার কুমার গৃহ হইতে চলিয়া গিয়াছে, তাহা না হইলে আমি এই অমঙ্গলসূচক পূর্বনিমিত্ত-

সকল দর্শন করিলাম কেন ? যাহা হউক পরে ঐ সংবাদ বাহকের কথায় আশ্রয় হইয়া হৃদয়কে স্থস্থির করিলেন । নরেন্দ্র তৎকালের জন্য ধৈর্য্যাবলম্বন করিলেন বটে, কিন্তু একেবারে হৃদয় হইতে আশঙ্কা দূর করিতে পারিলেন না । এজন্য তিনি পূর্ব হইতে সাবধান হইলেন । রাজা শুদ্ধোদন তনয়ের ঈদৃশ সংসারবৈরাগ্য দেখিয়া নানা উপায় উদ্ভাবন করিতে লাগিলেন । তিনি কুমারের মন-স্তুষ্টি ও অভিরঞ্জনার্থ ঋতুসমুচিত তিনটি প্রাসাদ নির্মাণ করিলেন । 'ত্রৈমসিক প্রাসাদ একান্ত শীতল, বার্ষিক প্রাসাদ সাধারণ, হৈমন্তিক প্রাসাদ স্বভাবোষ্ণ । এই প্রাসাদ নিচয়ের সোপান এত প্রশস্ত ছিল যে যুগপৎ শত শত লোক এক সময়ে আরোহণ এবং অবরোহণ করিতে পারিত । কুমার মঙ্গলদ্বার দিয়া নিষ্ক্ৰামণ করিবেন, এই ভয়ে তাহার কতকগুলি অতি বৃহৎ কপাট করিলেন । বহু লোক সমবেত না হইলে সে সকল কপাট উদ্বাটন করিতে পারিত না । কুমারের চিত্ত বিভ্রান্ত করিবার জন্য নিজ অস্ত্রপুত্র একরূপ সুনাজ্জিত করা হইল যে তাহা বর্ণনাভীত । গীতিবিশারদা নারীগণ সর্বদা মধুর সঙ্গীতধ্বনিতে তাঁহার চিত্ত মোহিত করিতে চেষ্টা করিল, বেণু বীণা ব্লকী মৃদঙ্গ প্রভৃতি মধুর ঘোষক মনোহর বাদ্যধ্বনিতে তাঁহার কর্ণকে নিয়ত পরিভূষিত রাখিতে যত্ন করা হইল । শুক সারিকা কোকিল প্রভৃতি কলকণ্ঠ পক্ষী রবে অস্ত্রপুত্র সতত



শকারমান রাখিতে যত্ন হইল । পরিমলবাহী বিচিত্র মনোহর  
 পুষ্পদামে গৃহ সজ্জীভূত, সুমন্দ মারুত হিল্লোলসংপূক্ত  
 বাতায়নসকল গ্রীষ্মকালে উদ্ঘাটিত, আবার রাজকুমারও  
 মূল্যামালাভরণকণ্ঠ, সুরভি গন্ধমূলেপনানুলিপ্ত গাত্র, শুক্ল  
 শুভ ধবল বিশুদ্ধ বহুমূল্য বস্ত্রাবৃত শরীর । নৃপতিবর  
 স্নেহের কোন প্রকার অভাব রাখিলেন না । যদি কুমার  
 এতাদৃশ বাসনে সংসারস্নেহে প্ররোচিত হয়েন, যদি তাঁহার  
 অন্তরস্থ বৈরাগ্য তিরোহিত হইয়া যায়, এই তাঁহার অতি-  
 প্রায় । মহারাজ শুক্লোদনের এ বাসনা কিছু অস্বাভাবিক  
 নহে, যাহার প্রকাণ্ড সুবিস্তীর্ণ রাজ্য ও প্রভূত ধন রত্ন এবং  
 যাহার একমাত্র যুবা তনয়, তাঁহার পক্ষে পুত্রের একরূপ বিষম  
 বৈরাগ্য অসহ্য তাহাতে আর সন্দেহ কি ? কুমার  
 যাহাতে কোন রূপে প্রস্থান করিতে না পারেন তজ্জন্য  
 দ্বারপালগণকে সর্বদা সতর্ক থাকিতে আজ্ঞা দিলেন ।  
 কুমার উদ্যানভূমি বিহারার্থ যাইবেন বলিয়া কত আয়ো-  
 জন হইতে লাগিল । ঘণ্টা দ্বারা ঘোষণা করা হইল যে  
 সপ্ত দিবসের পর রাজকুমার পুষ্পনিকেতনে যাইবেন ।  
 পঞ্চমকল পরিষ্কৃত ও জলাভিষিক্ত হইল, তোরণসকল  
 বিবিধ মনোহর পুষ্পে বিতানীকৃত হইল, ছত্র ধবজা ও পতাকা  
 দ্বারা গৃহসকল সজ্জিত হইল । পথের উভয় পার্শ্বস্থ  
 প্রজাদের উপর আজ্ঞা করা হইল যে তৎ কালে তাহারা  
 যেন কোন প্রতিকূল বা অমঙ্গল চিহ্ন প্রদর্শন না করে ।

পুত্রবাৎসল্য কি অপূর্ব, কি মধুর ! ইহার আকর্ষণ স্বর্গীয়, ইহা ঈশ্বরপ্রেরিত চমৎকার সুখ। দর্পণে যেমন আত্মশরীর প্রতিবিম্বিত হয়, নিম্নল সলিলে যেমন সমুদায় বস্তুর ছায়া পরিলক্ষিত হয়, এই বাৎসল্য সলিলে তদ্রূপ ঈশ্বরের পিতৃত্ব প্রকাশিত হইয়া থাকে, কিন্তু ঐ নিম্নল স্নেহরস মোহে আবিলীকৃত হইলে তাহাতে আর দেবত্ব বা ঈশ্বরত্ব পরিদৃষ্ট হয় না, তখন তাহা হইতে কেবল কল্পনার বৃন্দ উঠে, অসত্যের পক্ষে সমুদায় স্থান মলিন হইয়া যায়। এই অবস্থায় মনুষ্য অন্তকে বস্তুর মিত্যাকে সত্যবৎ প্রতীয়মান দেখে। ইহা বিকল্প হইলে তাহার অন্যতর নাম মায়া। ইহাই সংসারের বন্ধন। ইহার আকর্ষণে আশা প্রবল হয়, হৃৎখে সুখসমীরণ প্রবাহিত হয়, শোকে ধৈর্য আসে, কিন্তু এনকলই সাময়িক ও পরিকল্পনা মাত্র। ভায়। বাৎসল্য বাস্তবিক মনুষ্যকে যাদু করিয়া রাখে। কুৎসিতকে সুন্দর দেখাইতে কে পারে ? মন্দকে ভাল বলিয়া কে গ্রহণ করিতে পারে ? ইহার প্রকাশে জ্ঞানীও মুখ হইয়া যায়। ইহার স্পর্শসুখ এত আপাতমধুর যে মানবসকল আপনার কর্তব্য আপনি বিস্মৃত হয়। রাজা শুদ্ধোদন এই স্নেহরসে দ্রবীভূত হইয়া পুত্রকে সুখী করিবার জন্য কত উপায় গ্রহণ করিতেছেন, কত যত্নই করিতেছেন কিন্তু কিছুতেই কৃতকার্য হইতেছেন না। অনন্তর শাক্যসিংহ নির্দিষ্ট দিবসে সায়ং-

কালীন সূশীতল সমীরণ সেবনার্থ বহুজন সমভিবাাহারে  
 রথারোহণে নগরের পূর্ব তোরণ দিয়া কুসুমোদানে  
 গমন করিতে ছিলেন, এমন সময়ে পথি মধ্যে এক জন  
 দন্তহীন জরাগ্রস্ত বৃদ্ধকে দেখিতে পাইলেন, তাহার  
 শরীরাস্ত্রি ও শিরাসকল বাহির হইতে দৃষ্টিগোচর  
 হইতেছিল। গাত্রে একখানি ছিন্নবস্ত্র ভিন্ন আর  
 কিছুই নাই এবং আনাহারে বাক্যক্ষুণ্ণ হইতেছে না।  
 তখন সারথিকে জিজ্ঞাসা করিলেন।

কিং সারথে পুরুষ (১) দুর্বল (২) অন্নস্থাম (৩)

উচ্ছৃঙ্খমাংসরুধিরতৃচ (৪) স্নায়ুনদ্ধঃ ॥

শ্বেতশিরো (৫) বিরলদন্ত (৬) কুশাস্করূপ

আলম্ব্য দণ্ড (৭) ব্রজতেহ (৮) সুখং স্থলন্ত (৯) ॥

সারথি, দুর্বল অন্নসামর্থ্য এ কে? বার্কিকা বশতঃ  
 যাহার শরীরস্থ রক্ত মাংস সকল শুষ্ক হইয়া গিয়াছে।  
 অস্ত্রি ও শিরাসকল গাত্রাবরণ চর্ম্ম হইতে দৃষ্টি গোচর  
 হইতেছে, গুরুকেশ, দন্তহীন ও নিতান্ত ক্ষীণ, দেখ দণ্ডের  
 উপর ভয় দিয়া অতি কষ্টে স্থলিত পদে চলিতেছে। সারথি  
 বলিল।

(১) পুরুষঃ। (২) দুর্বলঃ। (৩) অন্নস্থামা।

(৪) তৃচ্। (৫) শ্বেতশিরাঃ। (৬) বিরলদন্তঃ। (৭) দণ্ডঃ।

(৮) ব্রজতি। (৯) স্থলন্।

এষোহি দেব পুরুষো জরয়াভিভূতঃ

ক্ষীণেন্দ্রিয়ঃ স্নঃখিতো বলবীৰ্য্য হীনো (১) ।

বন্ধুজনেন পরিভূত (২) অনাথভূতঃ

কার্য্যাসমর্থ (৩) অপবিদ্ধ (৪) বনেব দারু ॥

দেব, ঐ ব্যক্তি বার্কিক্যপ্রপীড়িত । উহার ইন্দ্রিয় সকল নিস্তেজ হইয়া পড়িয়াছে, ক্রেশে অভিভূত বলবীৰ্য্য-হীন, ঐ ব্যক্তি কার্য্যে অক্ষম, নিতান্ত অসহায় । বন্ধুজনেরা নিবিড় বনস্থ গুরু তরুর ন্যায় উহাকে পরিত্যাগ করিয়াছে ।

যুবরাজ তচ্ছ বনে নিতান্ত ক্ষুব্ধ হইয়া পুনরায় জিজ্ঞাসা করিলেন ।

কুলধর্ম্ম এষ অয় (১)মস্য হিতং ভগাহি (২)

অথবাঃপি সর্ক জগতোহস্য ইয়ং হ্যবস্থা ।

শীঘ্রং ভগাহি বচনং যথভূত (৩) মেত-

চ্ছুত্বা তথার্থমিহ যোনি (৪) সঞ্চিস্তরিস্যে ।

সারণি, ইহার কি এই কুল ধর্ম্ম তাহা আমার যথার্থ বল, অথবা সমুদায় জগতেরই এইরূপ অবস্থা ঘটিয়া থাকে ? ইহার স্বরূপ কথা বাহা তাহাই আমাকে শীঘ্র বল তাহা শুনিয়া আমি ইহার কারণ চিন্তা করিব ।

(১) হীনঃ । (২) পরিভূতঃ । (৩) কার্য্যাসমর্থঃ ।

(৪) অপবিদ্ধঃ । (৫) বনে ইম ।

(১) ইদম্ । (২) ভগ, এবমন্যত্র । (৩) যথা-  
ভূতম্ । (৪) যোনিম্ ।

সারথি বলিল ।

নৈতস্য দেব কুলধর্ম ( ১ ) ন রাষ্ট্রধর্মঃ সর্কে ( ২ )  
জগসা ( ৩ ) জর ( ৪ ) যৌবন ( ৫ ) ধর্মযান্তি ( ৬ ) ।  
তৃত্যংপি ( ৭ ) মাতৃপিতৃ ন্ধকুবজ্জাতিসজ্জো  
জরয়া অমুক্তং ( ৮ ) ন হি অন্য ( ৯ ) গতির্জনস্য ।

দেব ? ইহা রাজধর্ম বা কুলধর্ম নহে পৃথিবীস্থ প্রত্যেক  
জীবের যৌবন জরা বিনাশ করিতেছে । আপনি ও পিতা  
মাতা জ্ঞাতি ও বন্ধুবর্গ সকলেই ইহার অধীন, কাহারো আর  
গত্যস্তর নাই ।

তচ্ছ বণে রাজকুমার কহিলেন, অজ্ঞান লোকের বুদ্ধিকে  
ধিক, হায় ! আমরা কি মুঢ়, যৌবনগর্বে অন্ধ হইয়া  
মনুষ্যশরীর পরিণামে কি অবস্থা প্রাপ্ত হইবে তাহা  
এক বারও ভাবিয়া দেখি না । সারথি, রথবেগ সম্বরণ  
কর । জরা এক দিন যাহাকে ঈদৃশ ছরবস্থাপন্ন করিবে  
তাহার আবার ক্রীড়া রতিতে প্রয়োজন কি ?

অন্য এক দিবস রাজকুমার রথারোহণে নগরের দক্ষিণ  
তোরণ দিয়া উদ্যানে যাইতেছিলেন এমন সময় সমক্ষে স্বজন-  
পরিভ্যক্ত বন্ধুহীন বহুরোগগ্রস্ত জীর্ণ শীর্ণ কলেবর এক

( ১ ) কুলধর্মঃ । ( ২ ) সর্কস্য । ( ৩ ) জগতঃ ।  
( ৪ ) জরা । ( ৫ ) যৌবনম্ । ( ৬ ) ধর্মযান্তি । ( ৭ )  
তৃত্যংপি । ( ৮ ) অমুক্তং । ( ৯ ) অন্য ।

ব্যক্তিকে দেখিতে পাইয়া সারথিকে তাহার কারণ জিজ্ঞাসা করিলেন ।

কিং সারথে পুরুষ (১) রূপবিবর্ণগাত্রঃ

সর্কৈল্লিয়েত্তি (২) বিকলো গুরু প্রথমন্তঃ (৩)

সর্ক্সাঙ্গলুক উদরাকুল (৪) প্রাপ্তকচ্ছ। (৫)

মৃত্রে পুরীষ (৬) স্ককি (৭) তিষ্ঠতি কুৎসনীয়ে ॥

সারথি, রূপ বিকট, শরীর বিবর্ণ, ইন্দ্রিয় বিকল, দীর্ঘ-নিশ্বাস পরিত্যাগ করিতেছে, কঙ্কালাবশিষ্ট মাত্র, উদরের পীড়ায় অতি কাতর, নিতান্ত হুঃখিত, আপনার ঘৃণাই মূত্র পুরীষোপরি শয়ান, একে ?

সারথি বলিল,

এযোহি দেব পুরুষঃ পরমং গিলানো (১)

ব্যাধীভয়ং (২) উপগতো মরণান্তপ্রাপ্তঃ ।

আরোগ্য তেজোরহিতো (৩) বলবিপ্রহীনো

অত্রাণ (৪) বিপ্রশরণো (৫) হ্যপরায়ণশ্চ ॥

হে দেব, এ ব্যক্তি অত্যন্ত কাতর, ব্যাধিজনিত ভয়-গ্রস্ত, ইহার অন্তিমকাল উপস্থিত । ইহার আর আরোগ্য

(১) পুরুষঃ । (২) সর্কৈল্লিয়েঃ । (৩) প্রথমন্তঃ ।  
(৪) উদরাকুলঃ । (৫) প্রাপ্তকচ্ছুঃ । (৬) পুরীষে ।  
(৭) স্ককে ।

(১) গ্লানঃ । (২) ব্যাধিভয়ং । (৩) তেজোরহিতঃ ।  
(৪) অত্রাণঃ । (৫) বিপ্রশরণঃ ।

নাই, তেজ নাই, বল নাই, রক্ষা নাই, একান্ত অসহায় এবং আশ্রয়বিহীন । শাক্যসিংহ তদুত্তরে সক্রমণ ভাবে বলিতে লাগিলেন, হার ! মনুষ্য শরীরের সুস্থাবস্থা নিদ্রা কালীন স্বপ্নের ন্যায় ক্ষণস্থায়ী ও মিথ্যা, ব্যাধির ভয়ে মনুষ্য ঈদৃশ অবস্থা প্রাপ্ত হইয়া থাকে, তবে কোন্ জ্ঞানী পুরুষ এই সকল দেখিয়া সংসারের সুখে লিপ্ত থাকিতে বাসনা করে ? এই বলিয়া রাজকুমার উদ্যানে না গিয়া গৃহে প্রত্য্যাগত হইলেন । অনন্তর তৃতীয় বার আবার তিনি রথারোহণে নগরের পশ্চিম তোরণ দিয়া বিলাসকাননে গমন করিবার সময় পথিমধ্যে খট্টোপরি বস্ত্রাবৃত এক মৃত দেহ দর্শন করিলেন । তাহার পশ্চাৎ পশ্চাৎ বন্ধুগণ আর্তস্বরে রোদন করিতেছে, কেহ কেহ দীর্ঘনিশ্বাস পরিত্যাগ করিতে করিতে গমন করিতেছে, কয়েকটা নারী আলুলায়িত কেশপাশা শোকে অধীর হইয়া রোদন করিতেছে । তাহাদের মস্তক সকল ধূলিময়, গাত্র ঘর্ষাক্ত, বক্ষঃস্থলে তাহারা করাঘাত করিতেছে ও ভূমিতে মূচ্ছিত হইয়া পড়িতেছে । মধ্যে মধ্যে হৃদয় বিদারক আর্তনাদে চতুর্দিকস্থ লোকের মধ্যে খেদ হুঃখ ও সংসারের প্রতি অনিত্যতার ভাব উদয় করিয়া দিতেছে । তখন সুররাজ নিতান্ত বিস্মিত হইয়া সারথিকে জিজ্ঞাসা করিলেন ।

কিং সারথে পুরুষ (১) মক্খোপরি গৃহীতো (২)

(১) পুরুষঃ । (২) গৃহীতঃ ।

উদ্ধৃত কেশনখ(৩) পাংশু শিরে (৪) ক্ষিপন্তি ।

পরিচারয়িত্ব (৫) বিহ রন্তরস্তাড়রস্তো

মানাবিলাপবচনানি উদীরয়ন্তঃ ।

সারথি, একি ? একটি পুরুষকে খাটে শয়ন করাইয়া লইয়া যাইতেছে । সকলের কেশ আলুলায়িত, মধরাজী উর্দ্ধীকৃত, সকলে মস্তকে ধূলি নিক্ষেপ করিতেছে, বক্ষে করাঘাত করিয়া ঘিরিয়া যাইতেছে, বিবিধ বিলাপসূচক কথা উচ্চারণ করিতেছে ।

সারথি বলিল,

এষোহি দেব পুরুষো মৃতু (১) জম্বুদ্বীপে

নহি ভূয় (২) মাতৃপিতৃ (৩) দ্রক্ষ্যতি পুত্রদারাং (৪) ।

অপহায় ভোগগৃহমাতৃপিতৃমিত্রজ্ঞাতি সজ্বং

পরলোকপ্রাপ্তু (৫) ন হি দ্রক্ষ্যতি ভূয় জ্ঞাতিং ॥

দেব, এ ব্যক্তির মৃত্যু হইয়াছে । এ আর পৃথিবীতে মাতা পিতা, স্ত্রী পুত্র দেখিতে পাইবে না । ঐ ব্যক্তি সুখ-সন্তোগ গৃহ মাতা পিতা বন্ধু বান্ধব সকলকে পরিত্যাগ করিয়া পরলোক প্রাপ্ত হইল, আর পুনরায় জ্ঞাতিজনকে দেখিতে পাইবে না । তচ্ছুবণে যুবরাজ নিতান্ত শোকাক্ত

(৩) নখাঃ । (৪) পাংশুন্ শিরসি । (৫) পরিচারয়িত্বা ।

(১) মৃতঃ । (২) ভূয়ঃ, এবং পরত্র । (৩) মাতা পিতরৌ, (৪) পুত্রদারান্ । (৫) পরলোকং প্রাপ্তুঃ ।



হইয়া সংসারের প্রতি বিরক্ত হইলেন । তিনি সারথিকে বলিলেন ।

ধিগ্‌যৌবনেন জরয়া সমভিক্রতেন

আরোগ্যা ( ১ ) ধিথিবিধব্যাধিপরাহতেন ।

ধিগ্‌জীবিতেন পুরুষো ( ২ ) অচিরস্থিতেন

ধিক্‌ পণ্ডিতস্য পুরুষস্য রতিপ্রসঙ্গৈঃ ॥

যদি জর ( ১ ) ন ভবয়া ( ২ ) নৈব ব্যাধির্ন মৃত্যু

তথাপি চ ( ৩ ) মহদুঃখং ( ৪ ) পঞ্চক্কং ধরন্তো ( ৫ ) ।

কিং পুন ( ৬ ) জরব্যাদি মৃত্যু ( ৭ ) নিত্যানুবন্ধাঃ

সাধু প্রতিনিবর্ত্তা ( ৮ ) চিন্তয়িষ্যে প্রমোচং ॥

জরানিপীড়িত যৌবনকে ধিক্ । বিবিধব্যাধিজর্জরিত শ্বাস্থ্যকে ধিক্, পুরুষের অচিরস্থায়ী জীবনকেও ধিক্, পণ্ডিত হইয়া যে ব্যক্তি আনন্দ প্রমোদে প্রমত্ত হয় তাহাকেও ধিক্ । যদি জরা না হইত, ব্যাধি ও মৃত্যুও না থাকিত, তথাপি পঞ্চক্ক \* ( ইন্দ্রিয়বোধ ) ধারণ করাতেই মহাদুঃখ, জরা ব্যাধি মৃত্যু যখন নিত্য সঙ্গে চলিতেছে তখন আর

( ১ ) আরোগ্যেণ । ( ২ ) পুরুষস্য ।

( ১ ) জরা । ( ২ ) ভবেৎ । ( ৩ ) তথাপিচ । মহা-  
দুঃখম্ । ( ৫ ) পঞ্চক্কান্ ( ইন্দ্রিয়ানি ) ধারয়ন্তঃ ( ৬ ) পুনঃ ।

( ৭ ) জরাব্যাদিমৃত্যাবঃ ( ৮ )\* প্রতিনিবর্ত্তয় ।

\* দুঃখং সংসারিণঃ স্বক্কান্তে চ পঞ্চ প্রকীর্ত্তিতাঃ ।

বিজ্ঞানং বেদনা সংজ্ঞা সংসারা রূপমেবচ ।

কি ? প্রতিনিবৃত্ত হও ভাল করিয়া মুক্তির উপায় চিন্তা করিব !

অনন্তর সিদ্ধার্থ পুনরায় রথারোহণে নগরের উত্তর তোরণ দিয়া প্রমোদকাননদর্শনার্থ নিষ্ক্রান্ত হইলেন। নির্গত হইয়াই অনতিদূরে পশ্চিমধ্যে এক শান্ত দাস্ত সংঘ-তেন্দ্রিয় ভিক্ষুকে দেখিলেন। তিনি কাষায়বস্ত্রাবৃত, তাঁহার হস্তে ভিক্ষাপাত্র, চিত্ত প্রশান্ত, শরীর পুণ্যালোকে অতিউজ্জ্বল। কুমার ঈদৃশ রূপ দর্শনমাত্র আকৃষ্ট হইয়া সারথিকে জিজ্ঞাসা করিলেন ;

কিং সারথে পুরুষ ( ১ ) শান্ত প্রশান্তচিত্তো

নোৎক্ষিপ্তক্ষু ( ২ ) ব্রজতে যুগমাত্রদর্শী।

কাষায়বস্ত্রবসনো ( ৩ ) সুপ্রশান্তচারী

পাত্রং গৃহীত্ব ( ৪ ) সচ উদ্ধত উন্নতোবা ॥

সারথে, এই যে প্রশান্তচিত্ত শান্ত পুরুষ, নয়ন কখন উর্দ্ধদিকে তুলেন না, কেবল সম্মুখস্থ চারিহস্ত পরিমিত ভূমি অবলোকন পূর্বক গমন করিতেছেন, কাষায় বস্ত্র ঈহার পরিধান, ভিক্ষাপাত্র গ্রহণ করত সুপ্রশান্ত ভাবে বিচরণ করেন, উদ্ধত বা অবিনীত নহেন, এ কি ?

এষো ( ১ ) হি দেব পুরুষ ইতি ভিক্ষুনা মা

অপহার্য কামরত্তর ( ২ ) সুবিনীতচারী ।

(১) পুরুষঃ (২) অনুৎক্ষিপ্তক্ষুঃ (৩)—বসনঃ (৪) গৃহীত্বা ।

( ১ ) এব । ( ২ ) কামরতীঃ ।

প্রব্রজ্যা ( ৩ ) প্রাপ্তঃ সমমাশ্বন এবমাণে ( ৪ )

সংরাগদেষবিগতো ( ৫ ) তিষ্ঠতি পিণ্ডচর্য্যা ( ৬ ) ॥

দেব, এ ব্যক্তি ভিক্ষুক । ইনি সমুদায় বাসনা পরিত্যাগ  
করিয়াছেন, সুবিনীত ইহাঁর আচরণ । ইনি প্রব্রজ্যা অব-  
লম্বন করিয়াছেন । ইনি সকলকে আপনার সমান অবলো-  
কন করেন । রাগ দ্বেষ ইহাঁর কিছুই নাই, ইনি ভিক্ষাম্নে  
দেহ ধারণ করেন । সারথির এই কথা শুনিয়া তখন  
কুমার উল্লসিত হইয়া বলিলেন ;

নাধু সুভাষিতমিদং মম রোচতে চ

প্রব্রজ্যা ( ১ ) নাম বিদ্বৃতিঃ ( ২ ) সততং প্রশস্তা ।

হিতমাশ্বনশ্চ পরসদ্বৃহিতঞ্চ যত্র

সুধজীবিতং সুমধুরমমৃতফলঞ্চ ॥

ভাল বলিলে, ইহাই আমার ভাল লাগে । পণ্ডিতেরা  
সর্বদা প্রব্রজ্যার প্রশংসা করিয়া থাকেন ; যাহাতে আপ-  
নারও হিত হয়, পরেরও হিত হয়; সুখের জীবন, সুমধুর  
অমৃত ফল [ লাভ হয় ] । এই বলিয়া তিনি চিন্তা করিতে  
করিতে গৃহে প্রত্যাগমন করিলেন ।

কোন কোন জীবনবৃত্তান্তলেখক বলেন, কুমার  
প্রশান্ত ভিক্ষুকে অবলোকন করিয়া গৃহে আসেন নাই,

( ৩ ) প্রব্রজ্যাং প্রাপ্তঃ ( ৪ ) এবমাণঃ ( ৫ )—বিগতঃ  
( ৬ ) পিণ্ডচর্য্যাম্ ।

( ১ ) প্রব্রজ্যা । ( ২ ) বিদ্বৃতিঃ ।

নদীকূলে উদ্যানে বাস করিতেছিলেন। তাঁহার পুত্র জন্মার সংবাদ এই স্থানে তিনি প্রথমতঃ প্রাপ্ত হন। তিনি এই সংবাদ শ্রবণ করিয়া শাস্তভাবে কেবল এই কথা বলিয়াছিলেন, “এই এক নবীন সুদৃঢ় বক্রন আমার ছেদন করিতে হইবে।” তিনি বিষন্ন হৃদয়ে গৃহে প্রত্যাগমন করিলেন। তাঁহার প্রত্যাগমনে সকলে জয়ধ্বনি করিতেছিল, তন্মধ্যে তিনি একটা শাক্য কুমারীর মুখে এই সঙ্গীত শ্রবণ করিয়াছিলেন “সুখী পিতা, সুখী মাতা, সুখী পত্নী বাহাদেব এমন পুত্র, যাঁহার এমন স্বামী।” সুখী এই শব্দ শাক্যের হৃদয়কে আকর্ষণ করিল, কেন না প্রমুক্ত ভিন্ন আর তো কেহ সুখী নাই। তিনি আশ্চর্যের অনুরূপ সঙ্গীত শ্রবণ করিয়া সেই শাক্যকুমারীকে নিজ কণ্ঠের রত্নময় হার উন্মোচন করিয়া অর্পণ করিলেন। সে মনে করিল, কুমার বুঝি তৎপ্রতি আকৃষ্ট হইয়াছেন। কিন্তু তাহার এ আশা আকাশকুসুমবৎ নিষ্ফল হইল। কেন না তিনি আর তাহার প্রতি দৃকপাতও করিলেন না। রাজা শুক্লোদন পুত্রকে বিমনা দেখিয়া তাঁহাকে গৃহে অবরুদ্ধ রাখিবার জন্য আরো যত্নপরায়ণ হইলেন। প্রাকার-সকল আরো বাড়াইলেন, নূতন পরিধাসকল ধনন করাইলেন, দ্বার সকল অরোহণ দৃঢ় করিলেন, রক্ষক সকল নিযুক্ত করিলেন। বীরপুরুষগণকে নিযুক্ত করিয়া উপযুক্ত বাহন ও বর্মাদি অর্পণ করিলেন। নগরের চারি দ্বারে

চতুর্দশে সৈন্যদল স্থাপন করিলেন । সকলকে বলিয়া দিলেন, “তোমরা দিব্যরাত্রি সাবহিত অবস্থান কর, যেন কুমার বাহির হইয়া যাইতে না পারেন ।” তিনি অন্তঃপুরে আজ্ঞা দিলেন “ যেন সঙ্গীতের বিচ্ছেদ না হয় ; যত প্রকারের প্রলোভন আছে কুমারকে আবদ্ধ করিবার জন্য সে সমুদায় অশুভিত হউক । ”

অন্তঃপুর শাক্য সন্ন্যাসধর্ম গ্রহণে কৃতসংকল্প হইলেন । রাজা শুদ্ধোদন পুত্রকে গৃহে আবদ্ধ রাখিবার জন্য যতই কেন যত্ন করুন না, তাহা সফল হইবে কেন ? স্বর্গীয় বল যখন মনুষ্যের হৃদয়কে স্পর্শ করে তখন মানবীয় বল বুদ্ধি তাহাকে আবদ্ধ করিবে কি প্রকারে ? যে চারিটা ঘটনা তিনি প্রত্যক্ষ করিয়াছিলেন, তাহাই তাঁহার নিকট অলৌকিক স্বর্গীয় প্রত্যাদেশ, ইহাই জীবনের পরিবর্তক ও ঐশ্বরিক বল । উহা স্বর্গীয় দূত ও তাঁহার প্রত্যক্ষ করুণা । টার্সন নগরের ছরস্তু মনুষ্যহত্যা সল কি দেখিয়া পথে মুচ্ছিত হইয়াছিলেন এবং অন্তঃপু হইয়া জীবনকে একেবারে পাপপথ হইতে পরিবর্তিত করিয়া দেবতা হইয়া ছিলেন ? পবিত্র ঈশার অধ্যাত্ম জীবনের গভীর আলোক সন্দর্শনই তাঁহার জীবনের নেতা । এইরূপ আকস্মিক স্বর্গীয় ঘটনাবলি মানব জীবনের পরিবর্তনের হেতু । বিধাতা অবসর দেখিয়া তাহা প্রকাশ করিয়া থাকেন । বুদ্ধের নিকট উহাই দেবপ্রসাদ । এই দেব প্রসাদ ভিন্ন মহান কার্য্যে কেহ

হস্তক্ষেপ করিতে পারে না, এবং বলীমান্ হইয়া ঐ কার্যে সিদ্ধি লাভ করাও অসম্ভব। যাহা হউক বুদ্ধের অস্তরস্থ অন্ধকার তিরোহিত হইল। আপনার মহাব্রত নিরীক্ষণ করিয়া তৎসাধনে দৃঢ় প্রতিজ্ঞ হইলেন, আর তাঁহাকে রাখে কে ও প্রতিজ্ঞাই বা ভঙ্গ করে কে? ঐ দুর্গম পথ হইতে তাঁহাকে প্রত্যানয়ন করে কে? আমাদের কুমার আর গৃহে থাকিবেন না, এই সংবাদ শ্রবণ করিয়া অন্তঃপুরে ছলু স্কলু পড়িয়া গেল। অমাত্যগণ বিষন্ন, দ্বারবান্ রক্ষকেরা ভীত, শাক্যপরিবার আত্মীয় বন্ধুবান্ধব নিতান্ত দুঃখিত, অন্তঃপুরচারিণী নারীগণ অতিশয়, মহাপ্রজাবতী মাতৃ-স্বসা গৌতমী শোকে আচ্ছন্ন, ভার্য্যা গোপা সন্তাপে ক্লিষ্ট। এত আমোদ প্রমোদ গীত বাদ্য সব রহিত হইয়া গেল। এ সকল কাহার চিত্ত আর বিনোদিত করিবে, সে কি আর সংসারে আছে?

একদা গোপা শয়ন করিয়া আছেন, ঘোরনিশীথ সময়ে স্বপ্ন দেখিলেন যে ভর্তা আমার চলিয়া গিয়াছেন, এই সমুদায় পৃথিবী প্রকল্পিতা, পর্বতসকল উৎপাটিত, বৃক্ষসকল বায়ুভরে উন্মূলিত, চন্দ্র সূর্য্য ভূমিতে পাতিত আর উদিত হয় না, আপন কেশপাশ ছিন্ন, দক্ষিণহস্তে মুকুট ধরিয়া পড়িয়াছে, হস্তপদ ছিন্ন, কণ্ঠের মুক্তাহারও ছিঁড়িয়া গিয়াছে। ছত্র দণ্ডও আর নাই, ভর্তার আভরণ মুকুট ও বহুমূল্য বস্ত্র শয্যার নিকটে; মহা সাগর ক্ষুব্ধ হই-

রাছে। এই ভয়ানক স্বপ্ন দর্শন মাত্র তাঁহার নিদ্রা ভঙ্গ হইয়া গেল; সন্ধ্যায় সুস্থিত হইয়া তৎক্ষণাৎ স্বামীকে স্বপ্ন বিবরণ বলিলেন, আৰ্য্যপুত্র, ঈদৃশ স্বপ্ন দর্শনে আমার কি অমঙ্গল ঘটবে বল, আমার বুকি ভ্রাস্ত হইয়াছে, আমার চিত্ত নিতান্ত শোকাক্ত হইয়াছে। ইহা শুনিয়া কুমার বলিলেন, “তুমি আফ্লাদিত হও, তোমার মনে ত কোন পাপ নাই, পুণ্যাত্মারাই ঈদৃশ স্বপ্ন দেখিয়া থাকেন। প্রিয়ে! তুমি যে স্বপ্ন দেখিয়াছ তাহা তোমার মঙ্গল নিমিত্ত বটে তোমারও এইরূপ অবস্থা ঘটবে, আমারও তাহাই ঘটবে। এই সংসারের দুঃখসাগর হইতে কে পার করিবে? আমি সকলের দুঃখ মোচনের জন্য জন্ম গ্রহণ করিয়াছি। পৃথিবীর অনিত্য সুখভোগের নিমিত্ত আমি আমি নাই। এই যে লক্ষ লক্ষ প্রাণী মহাক্রমশে নিপতিত তাকে ভাবে, কিন্তু আমার হৃদয় মানবের এই মহাদুঃখ দেখিয়া আর থাকিতে পারে না।” এই বলিতে বলিতে পরম দয়ালু শাক্য শোকে অধীর হইয়া রোদন করিতে লাগিলেন। গোপা হতভম্ব হইয়া নীরব রহিলেন। তখন ভাবিলেন পিতাকে না বলিয়া যাওয়া কর্তব্য নহে। কারণ পিতার প্রতি অকৃতজ্ঞ হওয়া অন্যায়। যিনি আমার জীবন ও শরীর পরিপুষ্ট করিলেন তাঁহাকে না বলিয়া যাওয়া অতীব গর্হিত। অতএব তাঁহার অনুমতি লইয়া গৃহ হইতে নিষ্কামণ করাই সমুচিত।

এইরূপ চিন্তা করিয়া কুমার স্বীয় অভিপ্রায় পিতার সন্নিধানে গিয়া ব্যক্ত করিলেন । নরনাথ পুত্রের এই নিদারুণ কথা শুনিয়া গলদশ্রলোচনে ও স্নেহে কুমারের মুখের প্রতি চাহিয়া বিলাপ করিতে লাগিলেন । ক্ষণকাল অশ্রু সংবরণ করিয়া প্রবোধবচনে কুমারকে বলিলেন “বৎস, তোমার কি অসুখ, তোমাব কিসের অভাব । এই সুরমা রাজপ্রাসাদ বিপুল ঐশ্বর্য্য, সুদিস্তীর্ণ রাজ্য, বহুমুলা পরিচ্ছদ, রত্নমণিখচিত রাজমুকুট, নানাবিধ উপাদেয় ভোগ্যবস্তু, অগণ্য দাসদাসী বিবিধ অশ্ব রথ গজ মৈত্র সামন্ত, পরমরূপসী এমন গুণবতী ভার্য্যা, এই সুন্দর সুকোমল তনয়, সুললিত তানলয়বিগুহ সঙ্গীত, নর্তকী-গণের এমন নটরঙ্গ, বাদিত্রদিগের সুমধুর বাদাধ্বনি, এই মনোহর কুসুমোদ্যান, এই সমুদায় থাকিতে তুমি কেন গৃহে থাকিবে না ? এই সকল তোমারই জন্ম, ইহা আর কে ভোগ করিবে ? বৎস, তুমি আমার দুঃখের ধন, অনেক তপস্যা করিয়া তোমা হেন রত্ন লাভ করিয়াছি । তুমি আমার অতি আদরের সামগ্রী । তোমাকে পাইয়া আমি অত্যন্ত সুখী হইয়াছিলাম । এখন বৃদ্ধ বয়সে কোথায় যুবরাজ হইয়া সিংহাসন উজ্জ্বল করিবে, না আমার সকল সুখ হঠতে বঞ্চিত করিয়া অকূল পাথরে ভাসাইয়া যাইবে ? তোমা বিনা আমার গৃহ যে শ্মশান, এই নগর যে অরণ্যানী, সংসার যে অন্ধকারময়, আমার জীবনে আর কি



প্রয়োজন । বৎস ! তুমি আর আমার হৃদয় বিদীর্ণ করিও না, তুমি যাহা চাহিবে তাহাই দিব । বল গৃহ হইতে বাইবে না ।”

তদ ( ১ ) বোধিসত্ত্ব ( ২ ) অশ্বতী ( ৩ ) মধুর প্রলাপী  
ইচ্ছামি দেব চতুরোবর ( ৪ ) তান্মি ( ৫ ) দেহি ।  
যদি শক্যতে দদিতু ( ৬ ) মহ্য ( ৭ ) বসোক্তি ( ৮ ) তত্র  
তদ্রক্ষ্যাসে সদ ( ৯ ) গৃহে ন চ নিকুম্বিষ্যে ॥

ইচ্ছামি দেব জর ( ১ ) মহা ( ২ ) ন আক্রমেয়া  
( ৩ ) শুভ্রবর্ণযৌবনস্থিতো ভবি ( ৪ ) নিত্যকালং ।  
আরোগ্যপ্রাপ্তু ( ৫ ) ভবি নো চ ভবেত ব্যাধি-  
রমিতায়ুষশ্চ ( ৬ ) ভবিনো চ ভবেত মৃত্যু ॥

পিতার বিলাপ বাক্য শ্রবণ করিয়া বোধিসত্ত্ব মধুর বচনে বলিলেন, “তাত ! আমি চারিটি বিষয় অভিলষ করি, তাহা আমার দান করুন । তাহা যদি আপনি দিতে পারেন তবে আমি গৃহে থাকিব নতুবা চলিয়া বাইব । তাহা এই যদি বার্কিক্য আমার আক্রমণ না করে, শুভ্রবর্ণ যৌবন আমার চিরকাল স্থিতি করে, স্বাস্থ্য আমার নিত্য

---

( ১ ) তদা ( ২ ) বোধিসত্ত্বঃ । ( ৩ ) অবোচৎ । ( ৪ ) বরান্  
( ৫ ) মহ্যং । ( ৬ ) দাতুম্ । ( ৭ ) মম । ( ৮ ) বসতিঃ ( ৯ ) সদা  
( ১ ) জরা । ( ২ ) মাম্ । ( ৩ ) আক্রমেত । ( ৪ ) ভবানি  
এবমনাত্র । ( ৫ ) আরোগ্যপ্রাপ্তুঃ । ( ৬ ) ভবেৎএবমনাত্র ।  
( ৭ ) অমিতায়ুঃ ।

কাল থাকে, ও ব্যাধি না হয় এবং মৃত না হইয়া নিত্যা জীবিত থাকি, তাহা হইলে আমি আপনার আজ্ঞা পালন করিতে পারি। রাজা শুদ্ধোদন কুমারের এই অসম্ভব প্রার্থনা শুনিয়া নিতাস্তঃস্থিত ও শোকাক্ত হইলেন। বলিলেন আমার এমন শক্তি কোথায় যে আমি তোমার অসম্ভব প্রার্থনা পূর্ণ করিতে পারি। কুমার বলিলেন, তাহা যদি না পাবেন তবে আমার অপর বর দিন। তৃষ্ণাজনিত পুত্রস্নেহ ছেদন করুন এবং জগতের দুঃখ মোচনই হিতকর, ঐজন্য আমি কৃতসঙ্কল্প হইয়াছি, আমার এই কার্যে অনুমোদন করুন। রাজা শুদ্ধোদন পুত্রের এই নিদারুণ নিশ্চয় অভিপ্রায় ও প্রার্থনা শুনিয়া কতই বা বিলাপ করিতে লাগিলেন, আক্ষেপ সহকারে তাঁহাকে কত অনুরোধ করিতে লাগিলেন, প্রবোধ বচনে কত বুঝাইতে লাগিলেন এবং কত অনুনয় বিনয় সহকারে এই সংকল্প হইতে প্রতিনিবৃত্ত করিতে চেষ্টা করিলেন, কিন্তু সকলই বিফল হইল। অগত্যা তিনি অশ্রুপূর্ণলোচনে অভীষ্টসিদ্ধিলাভের জন্য কুমারকে আশীর্বাদ করিয়া বিনায় দিলেন। তখন সিদ্ধার্থ অতি বিনীত হইয়া ভক্তিপূর্বক পিতৃচরণে প্রণাম করিয়া অস্ত্রপুর মধ্যে চলিয়া গেলেন। •

কোন পিতা এমন গুণবান্ এক মাত্র রাজকুমারকে সম্মানী হইতে অনুমতি দিতে পারে? রাজতনয়কে

পথের ভিখারি হইতে আদেশ করিতে পারে কে ? রাজা  
 কুমারকে আজ্ঞা দিলেন বটে কিন্তু তাঁহার হৃদয় উন্মূলিত  
 বিটপীর ন্যায় শোকে মগ্ন হইয়া গেল, তাঁহার হৃদয়দ্বার খুলিয়া  
 একমাত্র স্নেহের আধার পক্ষীটি যেন পিঞ্জর হইতে  
 উড়িয়া গেল, যেন কোটি শেল তাঁহার অন্তরে বিধিতে  
 লাগিল, নয়নজলে অভিষিক্ত থাকাতে তাঁহার দৃষ্টি  
 অরুদ্ধ হইল । আপন প্রকোষ্ঠে গিয়া এই বিষয় বত  
 ভাবিতে লাগিলেন ততই অশ্রুজলে নদী বহিয়া যাইতে  
 লাগিল । শোকে অধীরতায় ও রোদনে মুহূর্ত্ত মধ্যে  
 তাঁহার সুরূপ বিরূপ হইয়া গেল, কপোলযুগল আর-  
 ক্ষিম হইল, নেত্রদ্বয় ক্ষীত হইল । এ অবস্থায় লেখক ! তুমি  
 অশ্রু বিসর্জন করিলে, পাঠক ! তুমিও এই শোকাবহ  
 ব্যাপার গুনিয়া রোদন না করিয়া থাকিতে পারিবে না ।  
 হায় ! সেই বিধাতা প্রেমায় হরি সংগোপনে বসিয়া যাহাকে  
 পবিত্র ও অতিমনোহর বৈরাগ্যভূষণে সজ্জিত করি-  
 তেছেন তাহাকে কে ঘরে বন্ধ করিয়া রাখিবে ? সে  
 কাহার নিষেধ মানিবে, সে কাহার প্ররোচনা বাক্যে  
 ভুলিবে ? সে কি পৃথিবীর অসার স্নেহে বন্ধ হইয়া সব বিস্মৃত  
 হইতে পারে ? জীবনের মহাব্রত পালনে নিরত থাকিতে  
 অবহেলা করিতে পারে ?

অদ্য রজনীযোগে কুমার চলিয়া যাঠবেন ইহা জানিতে  
 পারিয়া অন্তঃপুরের সকলে তটস্থ ও শঙ্কিত হইলেন ।

মাতৃসমা গোতমী চেষ্টিকাদিগকে ডাকাঠিয়া আনিয়া  
 দ্বারে শত শত প্রদীপ জ্বলাইয়া সমস্ত রাত্রি জাগিয়া থাকি-  
 বেন বলিয়া বসিয়া রহিলেন । প্রহরিগণ দ্বাররুদ্ধ করিয়া  
 সকলে বিষম হইয়া জাগ্রৎ রহিল । মহারাজের আজ্ঞা-  
 মূক্রমে দাস দাসী নর্তক নর্তকী বাদক গায়ক প্রভৃতি  
 সকলে নিদ্রা না গিয়া স্ব স্ব কার্যে ব্যাপৃত রহিল । এ  
 দিকে যখন দ্বিপ্রহরা ঘোরা যামিনী উপস্থিত তখন শাকা-  
 সিংহ নিদ্রা হইতে উথিত হইয়া শয্যার এক প্রান্তে বসি-  
 লেন । চারি দিক নিস্তরু, সকলে নিদ্রাভিত্ত, প্রকৃতি  
 সতী যেন লজ্জায় অবগুষ্ঠনবতী হইয়াছেন, তাই নিবিড়  
 তিমিরাবৃত হইয়া সংগোপনে বসিয়া আছেন এবং রাজ-  
 কুমার চলিয়া যাইবেন বলিয়া কি ঝিল্লীরবে রোদন করি-  
 তেছেন ? এই গম্ভীর সময়ে কুমারের জ্ঞাননেত্র উন্মি-  
 লিত হইল, তিনি চিদাকাশে উঠিয়া এই ভূমণ্ডলকে অতি  
 অকিঞ্চিৎকর বলিয়া প্রতীতি করিলেন । কথিত আছে,  
 এই সময়ে ধর্ম্যচিন্তানুরত কুমার পূর্ব বুদ্ধগণের চরিত্র  
 এবং সর্বপ্রাণীর হিত চিন্তা করিতে করিতে চারিটি পূর্ব  
 প্রশ্ন প্রাণে হৃদয়ে অনুভব করেন । প্রথম বুদ্ধ প্রশ্নিগণকে  
 মোচন, দ্বিতীয় অবিদ্যাকার বিমোচন পূর্বক ধর্ম্যালোক  
 দ্বারা প্রজ্ঞাচক্ষু বিশোধন, তৃতীয় অহংকার বিনাশ, চতুর্থ  
 সংসারনিবর্তক প্রজ্ঞাতৃপ্তিকর ধর্ম্য প্রকাশ । ফলতঃ ঐদৃশ  
 প্রশ্নধানই তাঁহাকে প্রব্রজ্যা অবলম্বন করিতে উদ্যত

করিয়াছিল তাহাতে সন্দেহ নাই। বুদ্ধদেব প্রস্থান সময়ে একবার অন্তঃপুরের দিকে দৃষ্টিপাত করিলেন। প্রমুগ্ধ নারীগণের বীভৎস ও বিকট রূপ তাঁহার নয়ন প্লেচর হইল। কেহ কেহ উলঙ্গ, কেহ কেহ খিল খিল করিয়া হাসিতেছে, কেহ কেহ দাঁত কড়মড় করিয়া শব্দ করিতেছে, কাহারও কাহারও চুল এলো, কাহারও কাহারও বক্রমুখ, কেহ কেহ মুখভঙ্গী করিতেছে, কেহ কেহ বিকটভাবে মুখব্যাদান করিতেছে, কেহ কেহ চক্ষু ঘুরাইতেছে, কেহ কেহ জ্বকুটী প্রকাশ করিতেছে! এই সকল দর্শন করিয়া তিনি সংসারকে শ্মশান ভূমি বলিয়া বুঝিতে পারিলেন। তিনি হৃৎখে দীর্ঘনিঃশ্বাস পরিত্যাগ করিয়া বলিলেন, “হায় কি কষ্ট সমুপস্থিত। আমি যাই, এ রাক্ষসীগণের সঙ্গে থাকিয়া লোকে কি প্রকারে সুখ লাভ করে। নিগুণ জীবসকল পঞ্জরমধ্যগত বিহঙ্গগণের ন্যায় দুর্ন্যতি কামগুণে অতিমোহ তিমিরাবৃত সংসারে বদ্ধ হইয়া অবস্থান করে, কখন বাহির হইতে পারে না।” আবার ধর্মালোকযোগে অন্তঃপুর অবলোকন করিয়া তাঁহার হৃদয়ে মহাকরুণা উপস্থিত হইল, প্রাণিগণের বিবিধ ছরবস্থা স্মরণ করিয়া তিনি খেদ করিতে লাগিলেন। অন্তঃপুরচারীগণের বিকৃত দর্শন তাঁহার মনে ঘৃণা উদ্ভিক্ত করিল; দেহের প্রতি ধিকার জন্মাইল। তিনি আপনার পূর্ব প্রতিজ্ঞা স্মৃতি করি-

লেন। পর্য্যক্ক হইতে অবতরণ করিয়া সঙ্গীতপ্রাসাদে পূর্বাভিমুখে দণ্ডারমান হইলেন। দক্ষিণহস্তে ব্রহ্মজালিকা নামাইয়া প্রাসাদের অগ্রভাগে গমন পূর্বক করপুটে সমুদায় বুদ্ধের নাম গ্রহণ পূর্বক একটি একটি করিয়া সকলকে নমস্কার করিলেন\* । অনন্তর কুমার ঠিক নিশীথ সময় জানিয়া ও সকলে সুখপ্রসুপ্ত হইয়াছে দেখিয়া চন্দককে ডাকিলেন। তাহাকে বলিলেন, তুমি অবিলম্বে বেগবান্ অশ্ব বহুমুলা রাজবেশ এবং কণ্ঠাতরণ আন, আমার সর্ব বিষয়ে সিদ্ধি লাভ হইবে, অদ্য নিশ্চরই আমার মঙ্গলজনক প্রয়োজন সিদ্ধ হইবে, কারণ তাহার বেশ শুভ লক্ষণ সকল সংঘটিত হইয়াছে। সে এই আদেশ শ্রবণমাত্র ভীত হইয়া জিজ্ঞাসা করিল, আপনি

---

\* বাবু রামদাস সেন স্বপ্রণীত ঐতিহাসিক রহস্য গ্রন্থে কোমতের শিষ্যের ন্যায় শাক্যনিংহকে নাস্তিক ও প্রত্যা-  
 ক্ষবাদী সপ্রমাণ করিতে যত্ন পাইয়াছেন, কিন্তু তাঁহার  
 সেটি বিষম ভ্রম। বুদ্ধ স্বতন্ত্র অধ্যাত্ম জগতে বিশ্বাস করি-  
 তেন, বিশুদ্ধ বোধিসত্ত্বদিগের অমরত্ব বিশ্বাস করি-  
 তেন, শারীরিক মৃত্যুর পর আত্মার অস্তিত্বও বিশ্বাস  
 করিতেন, বৌদ্ধ গ্রন্থে তাহার শত শত প্রমাণ রহিয়াছে।  
 ললিতবিস্তরের পঞ্চদশ অধ্যায়েও ইহার প্রমাণ পাওয়া  
 যায়।

কোথায় যাইবেন? তখন বোধিসত্ত্ব নিতান্ত বিস্মিত হইয়া উত্তর করিলেন, "সে কি? যাহার জন্য আমি পূর্বে এই শরীরের সমস্ত স্তম্ভ পরিত্যাগ করিলাম, রমণীকুলের ভূষণস্বরূপ এমন প্রিয়তমা ভাৰ্জ্যা, এই রাজ্য ধন কনক বসন, অনিলোপমবেগবিক্রম রত্নপূর্ণ গজ তুরঙ্গ ছাড়িলাম, নিবৃত্তিযোগে সমুদায় পরাভূত করিয়া চরিত্র রক্ষা করিলাম, বীৰ্য্য, বল, ধ্যান ও প্রজ্ঞানিরত হইলাম; বোধিজনের শান্তি ও কল্যাণ স্পর্শ করিবার জন্যই বহু কোটি নিধুত কল্প পর্য্যন্ত [এ সকল অশুষ্ঠান।] আর কি, আজ আমার জরামরণ পঞ্জরবদ্ধ জীবগণের পরিমোচনের সময় আসিয়াছে। অতএব আর রিলম্ব করিও না। শীঘ্র অর্ধ আন।" চন্দক এই কথা শ্রবণ করিয়া বলিল, কুমার আপনার তরুণ বয়স, এখনও প্রব্রজ্যার সময় উপস্থিত হয় নাই? ভোগান্তে বৃদ্ধবয়সে প্রব্রজন করিবেন। দেখুন লোকে বহু কুচ্ছু সাধনে তপস্যার প্রবৃত্ত হয়, তাহাতে ক্লেশমাত্র সার। আপনি রাজচক্রবর্তী হইয়াও ঈদৃশ কাশ-ক্লেশে কেন প্রবৃত্ত হইবেন? কুমার উত্তর করিলেন, "জন্ম জন্মান্তরে বাসনাজনিত বহুক্লেশ ভোগ করা হইয়াছে, কিন্তু নির্বেদ উপস্থিত হয় নাই; সমুদায় সত্য বলিয়া প্রতিভাত হইয়াছে, এখন সমুদায় মিথ্যা আমার শূন্য বলিয়া প্রতীতি হইয়াছে, আর বিষয়ে আমার কিছুমাত্র অনুরাগ নাই। মহাচরিত্ত্ব বলবীৰ্য্য ক্ষান্তি ও ব্রত

সন্তৃত ধর্মজলধানে আরোহণ করিয়া আমি সংসার সাগরে উত্তীর্ণ হইব, লোকদিগকেও উত্তীর্ণ করিব স্থির করিয়াছি, আর বিলম্ব করিও না। আমার এ প্রতিজ্ঞা পর্কতসম অটল কিছুতেই ভঙ্গ হইবার নহে।” এই বলিয়া চন্দকানীত অমূল্য বসন ও কণ্ঠাভরণে ভূষিত হইয়া ঐ তুরগোপরি আরোহণ পূর্বক সেই যোরনিশীথ সময়ে ২৯ বৎসর বয়সে নিদ্রিতা স্ত্রী ও একমাত্র পুত্র বাহুলকে তদবস্থায় রাখিয়া তিনি গৃহ হইতে প্রস্থান করিলেন। কেবল চন্দক তাঁহার সঙ্গে পশ্চাৎ পশ্চাৎ চলিল। শাকা প্রভূতপরাক্রমশালী বীরের ন্যায় চলিয়া গেলেন। মত্ত মাতঙ্গের মত উন্মত্ত হইয়া সহাস্য আস্যে কে চলিয়া গেলেন কি আশ্চর্য্য!! মুখে বিন্দু মাত্র ভয় বা নিরাশার চিহ্ন লক্ষিত হইল না। এমন সুন্দর যুবরাজ পিতার অনুনয়, স্ত্রীর আর্তনাদ, আত্মীয় স্বজনের স্নেহানুরোধ, বন্ধুবর্গের প্রেমালাপ তুচ্ছ করিয়া কি না পথের ভিখারী হইলেন। হায়! ধর্মরাজ ঈশ্বরের কি মহিমা! আজ যিনি যৌবরাজ্যে অভিবিক্ত হইয়া রাজসিংহাসনে উপবেশন করিবেন তাঁহার কি না তৃণাচ্ছাদিত ভূমিই সুখোপবেশন হইল? আজ যাহার শিরোদেশে মুকুট শোভা পাইবে ও তাহাতে মণি মাণিকা ঝলমল করিবে, সেই মস্তক কি না কেশশূন্য হইয়া ভস্মলিপ্ত হইল! আজ যাহার কটিতটে শাণিত অসি-লঙ্ঘ-মান থাকিবে তাহাতে কি না কাষায় বস্ত্র ঝুলিতে লাগিল।



আজ বীরদর্পে শত শত দেশ পরাজয় করিয়া স্বয়ং একচ্ছত্রী হইবেন, তিনি কি না পৃথিবীর ধূলি হইয়া মানবের বিনীত দাস হইলেন । আজ বাঁহা হস্তে ধনুর্বাণ শোভা পাইবে, বাঁহা হস্তে সেই বাম হস্তে কি না ককণ্ঠ ও দক্ষিণহস্তে তিকা-পাত্র । আজ যিনি বহুমূল্য বস্ত্র পরিধান করিয়া পৃথিবীর স্তম্ভ সজ্জাগ করিবেন, তিনি কি না চীরবসন পরিয়া হাস্য করিতে লাগিলেন । আজ যিনি রাজপ্রাসাদে বসিয়া স্তম্ভে বিহার করিবেন, তিনি কি না তরুতল সার করিলেন । হায় ! কুমারের এবেশ দেখিলে হৃদয় বিদীর্ণ হয়, বক্ষঃস্থল নয়ন-জলে ভাসিয়া যায় । বিচিত্র লীলাময় হরির অপূর্ব কার্য্য, তাহা কাহার সাধা বুঝিতে পারে । আমাদের যুবরাজকে কে এরূপ বেশে সাজাইল ? পবিত্র ঈশাকে কে ক্রূশে হত হইতে বলিয়াছিল ? প্রেমোন্মত্ত নিমাইকে কে দুঃখিনী মাতা ও পত্নীকে ত্যাগ করিয়া সন্ন্যাসী হইতে আজ্ঞা করিয়াছিল ? বিষ্ণুর মহাজ্ঞানী সক্রেটিশকে কে বিষপান করিতে আদেশ করিয়াছিল ? সেই প্রাণারাম হৃদয়বিহারী ঈশ্বরই আমাদের কুমারকে ঘরের বাহির করিলেন । তিনিই ইঁহাকে এমন সুন্দর সজ্জায় সাজাইলেন । রজনী প্রভাত হইলে কুমার অশ্ব হইতে অবতরণ করিলেন । চন্দককে আভরণাদি অর্পণ করিয়া গৃহে প্রত্যাগমন করিতে বলিলেন । যে স্থান হইতে চন্দক ফিরিয়া আইসে, সে স্থানকে আজও লোকে চন্দকনিবর্তন বলিয়া জানে ।

## বিলাপ ।

এদিকে অন্তঃপুরে হঠাৎ কি শব্দ উঠিল তাহা শুনিয়া রাজা শুদ্ধোদন জাগ্রৎ হইয়া অমাত্যাদিগকে ডাকিয়া বলিলেন, দেখ ত গৃহমধ্যে কি গোলমাল শোনা যাইতেছে । তাহারা তথা হইতে ফিরিয়া আসিয়া বলিলেন, মহারাজ, আমাদের কুমারত গৃহে নাই । রাজা তখন নিতান্ত খিদামান হইয়া বলিলেন, তবে নগরের সকল দ্বার উদ্যানভূমি ও মৃগয়াস্থান অনুসন্ধান কর । তাহার আজ্ঞামতে সকলে অনুসন্ধান করিলেন, কোথাও আর কুমারের তত্ত্ব পাওয়া গেল না । এতচ্ছু বণে মহাপ্রজাবতী গৌতমী উন্মূলিত পাদপের ন্যায় রোদন করিতে করিতে ভূতলশায়িনী হইলেন এবং অধীর হইয়া গড়া গড়ি দিতে লাগিলেন । তৎক্ষণাৎ রাজাকে ডাকিয়া বলিলেন, আমাকেও পুত্রের সঙ্গিনী কর । তখন শাক্যধিপতি শোকে অস্থির হইয়া চারি দিকে কুমারের অন্বেষণার্থ দূত প্রেরণ করিলেন । তাহাদিগকে বলিয়া দিলেন তোমরা কুমারের সংবাদ না লইয়া ফিরিবে না । তাহারা অল্প দূর গিয়া দেখিল যে, কুমার যাহাকে আপন উৎকৃষ্ট পরিচ্ছদ দিয়া কাষায় বস্ত্র লইয়াছেন সে আসিতেছে । তখন তাহারা নিশ্চয় অনুমান করিল যে আমাদের যুবরাজ তবে বৃষ্টি জীবিত নাই ? এইরূপ আশঙ্কা করিতে করিতে কণ্ঠ আভরণ লইয়া চন্দক নিকটে উপস্থিত হইল । তাহারা চন্দককে

দেখিবা মাত্র জিজ্ঞাসা করিল, এব্যক্তি উৎকৃষ্ট পরিচ্ছদের  
 জমা কুমারকেত বধ করে নাই? চন্দক বলিল না, আমা-  
 দের কুমার ইহার নিকট কাষায় বস্ত্র লইয়া এই পরিচ্ছদ  
 প্রদান করিয়াছেন। তখন তাহার আশ্চর্য হইল এবং  
 তাহার প্রমুখ্যৎ কুমারের দৃঢ় প্রতিজ্ঞা ও প্রত্যাবর্তন অসম্ভব  
 অবগত হইয়া সকলেই ফিরিয়া আসিল। পর দিন  
 প্রাতে এই শোকাবহ বার্তা শুনিয়া সমস্ত কপিলবস্ত্র নগর হা  
 হা কার করিতে লাগিল। প্রজারা কাঁদিয়া অস্থির হইয়া  
 পড়িল। অস্ত্রপুর শোকভরে যেন শ্মশানতুল্য গস্তীর  
 বেশ ধারণ করিল, ঘনবিষাদে চারিদিক পরিপূর্ণ হইল।  
 এমন সময় রাজপ্রকোষ্ঠে প্রবেশ করিয়া চন্দক আভ-  
 রণাদি অর্পণ করিল। তাহা দর্শন মাত্র গৌতমীর  
 শোকাগ্নি প্রবলতররূপে প্রজ্বলিত হইয়া উঠিল। যাহাকে  
 তিনি আশৈশব বহুক্রমে লালন পালন করিয়াছিলেন  
 পুত্রনির্ব্বিশেষে স্নেহে নিরীক্ষণ করিয়াছিলেন, আপনার  
 সমুদায় প্রেম তাহার প্রতি সংস্থাপন করিয়া ছিলেন।  
 যাহার প্রতি তাঁহার পার্থিব তাবৎ সুখের আশা ছিল, আজ  
 কি না সে সকল আশা বিফল করিল। সুখের মূল কে  
 - উৎপাটন করিল, এই চিন্তা যত প্রবল হয় গৌতমীর চিত্ত  
 শোকে ততই মুহামান হয়। তাঁহার নয়নজল আর শুষ্ক  
 হয় না, পাগলিনীর ন্যায় গলদশ্রলোচনে ক্রমাগত বিলাপ  
 করিতে থাকেন, ঐ আভরণ দেখিয়া ভাবিলেন যত দেখিব

ততই হৃদয়ের শোক সাগর উদ্বেলিত হইয়া উঠিবে । দূর হউক, ইহা আর সমক্ষে রাখিব না, এই বলিয়া তাহা পুঙ্করিণীতে ফেলিয়া দিলেন । নিদর্শন নিক্ষেপ করিলেন ষটে, কিন্তু হৃদয় ত আর ফেলিয়া দিতে পারেন না । সে যে হতাশমের ম্যায় দিবানিশি জ্বলিতে লাগিল । তখন মাতৃসমা গৌতমী দরদরিত ধারে অশ্রু বিসর্জন করিতে করিতে নৃপতিকে বলিলেন, বলি তুমি যখন জানিলে যে আমার বোধিসত্ত্ব নিক্ষান্ত হইবে তখন কেন আমার জানাইলে না, আমি জন্মের মত একবার বিদায়লইতাম, সেই চন্দ্রানন দেখিয়া তবুও অধিকাল হৃদয়কে শীতল করিতে পারিতাম, হায় ! গোপা প্রবুদ্ধ হইয়াও কেন বোধিসত্ত্বকে একবার দেখিল না, ছোটো স্নেহের কথা कहিল না, হা ! কুমার তুমি আমাদেরকে বঞ্চিত করিয়া কোথায় গেলে । নৃপতি শুক্লোদন মহিষীর খেদোক্তি শুনিয়া মূচ্ছিত হইয়া ভূতলে পড়িলেন । পরে কিঞ্চিৎ সংজ্ঞা লাভ করিয়া চীৎকার রবে এইরূপে বিলাপ করিতে লাগিলেন । হা ! বৎস, হা ! চন্দ্রানন, হা ! নরনরঞ্জন, হা ! হৃদয়বিনোদন ! তুমি যে আমার একমাত্র পুত্র, আমারত আর কেহ নাই, এ রাজ্য কে ভোগ করিবে, এ গৃহ কে উজ্জ্বল করিবে ? হায় ! তোমা বিহনে যে আমার সব অঙ্ককারময়, সংসার অরণ্যময়, গৃহ শশামসম, বৎস ! তুমি কোথায় চলিয়া গেলে । কাল বিদায় কালে ত আমার এত ক্লেণ হয় নাই, আজ

কি জন্য হৃদয় ভগ্ন হইয়া গেল ? আমি যে বড় সাধ  
 করিয়া তোমার নাম সিদ্ধার্থ রাখিয়াছিলাম, হায় ! তোমা  
 বিনা আমার উদ্যান-ভূমি যে শূন্য, অন্তঃপুর ঘনবিষাদ-  
 পূর্ণ। হা বিধাতঃ ! বৃদ্ধবয়সে আমার এক পুত্ররত্ন দিয়া-  
 ছিলে, তাহাকেও তুমি আবার ঘরে রাখিলে না।  
 আর আমার জীবনধারণে সুখ কি ? এইরূপ আক্ষেপ  
 করিতে করিতে রাজার অজস্র অশ্রুপাত হইতে লাগিল।  
 রাজার অশ্রুপাতে সকলেই কাঁদিতে লাগিল। পরে শাক্যগণ  
 আসিয়া মুখে জল সিঞ্চন করিয়া কোনরূপে তাঁহাকে  
 আশ্বস্ত করিলেন। গোপাশয়নাগারে এত ক্ষণ ভূমিতলে  
 নিঃশব্দ ভাবে শয়ান ছিলেন, কিন্তু চন্দকের স্বর, রাজার  
 হৃদয় বিদারক পরিদেবনা শ্রবণমাত্র ধড়মড় করিয়া উঠিয়া  
 মস্তকের সূচাক চিকুর কেশপাশ ছেদন করিলেন, তন্দ্র  
 হইতে ভূষণ সকল খুলিয়া ফেলিলেন। বিরহযন্ত্রণা  
 নিতান্ত অসহ্য হওয়াতে হৃদয় হইতে দুঃখদাগর উথলিত  
 হইয়া পড়িল। উচ্চৈঃস্বরে হৃদয় বিদীর্ণ হইয়া এই খেদোক্তি  
 বাহির হইতে লাগিল। হায় ! আজ আমার শয়নাগার  
 নাথক্ৰষ্ট, হায় ! প্রিয়তমেব সহিত চিরবিচ্ছেদ হইল ? হে  
 স্বরূপ, দু্যলোক ভুলোকের পূজনীয়, আমার শয্যা পরি-  
 ত্যাগ করিয়া কোথায় গেলে ? আর আমি গুণাধারের  
 দর্শন না পাইলে পানীয় পান করিব না, উপাদেয় দ্রব্যও  
 ভোজন করিব না, ভূমিতে শয়ন করিব, জুটাজুট ধারণ

করিব, স্নানাদি পরিত্যাগ করিয়া ব্রত ও উপস্যাচরণ  
করিব। উদ্যান সকল ! তোমরা কেন আজ ফল পুষ্প-  
বিহীন, হার ! তুমি যে ধূলায় ধূসরিত, হা গৃহ ! নরপুঙ্গ-  
বের দ্বারা পরিত্যক্ত হইয়াতে তুমি নিবিড় অরণ্য, হা  
স্বমধুবমঞ্জুঘোষ গীত বাদ্য ! হা ভূষণবিহীন স্ত্রীগৃহ ! হা  
হেমযান ! প্রিয়তম বিরহে আর পুনরায় তোমাদিগকে  
ভোগ করিব না। গোপার এই রূপ রোদন শুনিয়া  
গৌতমী শীঘ্র কাছে আসিয়া সাহসনা বাক্যে প্রবোধ  
দিতে লাগিলেন। হে শাক্যকন্যে ! রোদন করিও না,  
স্থির হও। পূর্বেইত কুমার বলিয়াছিলেন যে “আমি জগজ্জ-  
নের দুঃখ মোচনার্থ গমন করিব, জয়া মৃত্যু হইতে আপনা-  
কেও উদ্ধার করিব, জগৎকেও উদ্ধার করিব।” সেই মহর্ষি  
সেই কার্য সম্পাদন জন্য চলিয়া গিয়াছেন তাহা কি তোমার  
মনে নাই ? এখন শান্ত হও, ঐ দেখ চন্দকের নিকট  
অশ্বরাজ ও ভূষণাদি দিয়া সুবোধকুমার বলিয়া দিয়াছেন,  
যদি পিতা মাতা জিজ্ঞাসা করেন কুমার কোথায় গিয়াছেন ;  
তবে তুমি তথ্য বলিও, তাই চন্দক আসিয়াছে। তিনি সিদ্ধ  
হইলে পুনরায় আসিবেন। এই মর্শ্বের কথা শুনিয়া  
গোপা চিত্তকে কোনরূপে ক্ষণকাল স্থির করিলেন। চন্দক  
সকলকে সাহসনা দিবে, না-অন্তঃপুরস্থ নারীগণের অবস্থা  
দেখিয়া নিজেই বিষম হইয়া রোদন করিতে লাগিল। কে  
কাহাকে প্রবোধ দেয়, সজলনরনে বলিল আমি আর্ধ্যকে

প্রত্যাবর্তন করাইবার কত চেষ্টা করিয়াছিলাম কিন্তু তিনি আমার বলবিক্রমের অতীত, অটল অচলের ন্যায় যিনি সুদৃঢ় প্রতিজ্ঞায় বদ্ধসঙ্কল্প, তাঁহাকে কে ফিরাইতে পারে? এই বলিয়া সর্বসমক্ষে অথ রাধিকা সে শোকাবেগ সংবরণ করিতে না পারিয়া ক্রমাগত অশ্রু বর্ষণ করিতে লাগিল। তদর্শনে গোপা মুচ্ছিত হইয়া সংজ্ঞাহীন হইলেন, সহচরী সখীগণ বক্ষে করাঘাত করিয়া হা হতোষ্য করিতে লাগিল। তাহাদের মধ্যে কেহ গোপার মুখে জল দিয়া বাতাস করাতে তিনি কিঞ্চিৎ সুস্থ হইয়া আৰ্যাপুত্রের সমস্ত প্রিয় কার্য স্মরণ করিয়া পুনরায় বিবিধ প্রকারে বিলাপ করিতে লাগিলেন। হা আমার প্রীতিজনন, হা আমার নরপুঙ্গব! হা! আমার বিমল তেজোধর, হায়! আমার অনিন্দিতাঙ্গ সুজাত, অসম, হা! আমার গুণাগ্রধারিন্, হা! নর দেবের পূজিত, হা! পরম কারুণিক, হা! বলোপেত, হা শক্রজিৎ হা! আমার সুমঞ্জুষোষ, হা! আমার মধুর ব্রহ্মকৃত, হা! আমার অনন্ত কীর্তি শতপুণ্য সমুদিত বিমল পুণ্যধর, হা! আমার অনন্তবর্ণ, গুণগণমণ্ডিত ঋষিগণ প্রীতিকর। হা! আমার ছালোক ভুলোক পূজিত বিঘুষ্ঠ শব্দ, বিমল পুণ্য জ্ঞান ক্রম, হা! আমার রসরসাগ্র বিদ্বোষ্ঠ, কমললোচন কনক বর্ণনিভ হা! আমার তুষারস্নিভ শুক্লদন্ত, হা! আমার সুবৃত্ত কক্ক, চাপোদর, হা! আমার গজদন্ত উরুকর চরণ তাম্রনখ, হা আমার গীতিমুদ্রা বরপুষ্প বিশ্লেপন,

শুভ ঋতুপ্রবর ! তুমি কোথায় গেলে, অরে ! নিষ্ঠুর  
 ছন্দক ? তুই আমার কণ্ঠের হার ভর্তাকৈ কোথায় লইয়া  
 গেলি, ওরে নিদাক্ষণ ! যখন আৰ্য্যপুত্র চলিয়া গেলেন তখন  
 কেন তুই আমাকে জাগাইলি না, অরে নির্দয় ! তুই কেন  
 তাঁহাকে বলিলি না যে এক! এই পৰ্ব্বতে গহন কাননে  
 আৰ্য্য যাইও না। কাৰুণিক অদ্য গৃহ হইতে চলিয়া  
 যাইতেছেন তুই কেন তাহা জানাইলি না ? হিতকর  
 কোথায় গেলেন, রাজকুল হইতে কেন গেলেন,  
 ওরে ছন্দক ! তুই কেন তাঁর গমনের সহায়তা করিলি,  
 কেন তুই তাঁহাকে পথ ভুলাইয়া স্থানান্তরে লইয়া গেলি  
 না ? অরে ছন্দক ! তুই কেন বলিলি না “আৰ্য্য, এই অস-  
 হায় বৃদ্ধ পিতামাতাকে পরিত্যাগ করিয়া যাইও না,” অরে  
 ছন্দক ! তুই কেন তাঁহাকে স্মরণ করাইয়া দিলি না  
 আৰ্য্য, তোমার পত্নী ও একমাত্র শিশু যে তোমা  
 বিহনে গঁতাসু হইবে ? নয়ন ! আরত তুমি এমন প্রীতি-  
 কর সুন্দররূপ দেখিতে পাইবে না, তবে অন্ধীভূত হও,  
 কর্ণ, আরত তুমি সেই প্রিয়তমের মধুর শব্দ শ্রবণ করিয়া  
 শীতল হইতে পারিবে না, তবে তুমি বধির হও, আনন !  
 আর ত তুমি নাথের সহিত মধুরালাপে সুখী হইতে পারিবে  
 না তবে বোবা হইয়া থাক। অহ ! তুমি এখন কাচার  
 সেবা করিয়া কৃতার্থ হইবে, অতএব তুমি এখন আমার  
 পরিত্যাগ করিয়া চলিয়া যাও। দাসীর সমস্ত নাথেরই



সেবার জন্য ছিল এখন প্রিয়তমের বিয়ে ইহার আর কিছুই প্রয়োজন নাই। বস্তুকরে, তুমিও কি আমার প্রতি নির্দয় হইলে, জীবিতেশ্বর বিনা আ। এখনো জীবিত রহিয়াছি? কলবিকৃত পক্ষিগণ তোমরাও আজ ডাকিতেছ না, কুম্বনিচর তোমরাও আজ হাসিতেছ না, সুন্দর পাদপগণ কৈ তোমরাও আজ সুশীতল বায়ু সেবন করাইয়া পরিতৃপ্ত করিতে পারিতেছ না? হায় আমার নাথের বিরহে বুঝি সকলেই রোদন করিতেছে। ভাল, মহীকহাশ্রিত লতাত তাহার অভাবে থাকিতে পারে না ভূতল শায়িনী হয়, তবে আমিওত প্রিয়তমের একাঙ্গীভূত ছিলাম, তবে কেন আমার পতন হইল না? পরিণয়ের সময় সে চরণে আমি হৃদয় সমর্পণ করিয়াছিলাম, কিন্তু সে তাঁহার সঙ্গে চলিয়া গিয়াছে। আমি ত আর নাই। এইরূপে বোকদামান গোপার অন্তরে ক্ষণপরে কিঞ্চিৎ জ্ঞানের বিকাশ হওয়াতে তিনি মনে মনে ভাবিতে লাগিলেন, তাহিত প্রিয়বিচ্ছেদে আমি কেন ঈর্ষা চঞ্চল হইতেছি। পৃথিবীর সকলইতো অনিত্য, স্বপ্ন ও প্রিয়বস্তু রঙ্গভূমিস্থ স্নানটের ন্যায় অতিচঞ্চল ও ভঙ্গুর। আৰ্য্যপুত্রও আমায় পূর্বেই বলিয়াছিলেন মনুষ্য কেবল জন্ম মৃত্যুর অর্গীন। অতএব প্রকৃত শান্তিই মানবের প্রার্থনীয়, আমি কেন তাহার জন্য প্রস্তুত হই না? স্বধা শোকে মুছামান হইয়া কো। এত ক্লেশ পাইতেছি।

সখা আমার ১৭ সমাধিলাভ করিয়া মনোরথ পূর্ণ করণ,  
 তিনি তে ক হইয়া পুনরায় ফিরিয়া আসিবেন।  
 এখন আ .র এই ব্রহ্মচর্য্যই সার, জিতেন্দ্রিয় হইয়া তপস্যা  
 চরণই শ্রেয়ঃ। এই বলিয়া তিনি সমুদায় সুখে বিসর্জন দিয়া  
 ব্রতানুষ্ঠানে নিযুক্তা রহিলেন। সতীর প্রাণ পতি বিনা  
 মৃত দেহের ন্যায়, প্রাণহীন দেহের যেমন সব আছে অথচ  
 তাহার কার্য্য নাই, গোপারও তদবস্থা হইল। যৌবনের  
 সৌন্দর্য্যকুম্ব মলিন ও বিগুঞ্চ হইয়া গেল, অন্নাহারে শরীর  
 ক্ষীণ হইয়া আসিল, নয়নের তেজ কমিয়া গেল, মস্তকে আঙ্গ  
 কবরী উঠিল না, ভাল পরিচ্ছদ পরিহিত হইল না, জীবনের  
 সকল সুখআহ্লাদ তিরোহিত হইল।

